




kat.komp.

53758

I

Mag. St. Dr.

P



VIII. m. 12.

Comp. 11

—

карты K_2, K_3 oraz Acc
organizacje białe przy
siedzi 1946 I

JOACHIMI de HIRTENBERG
PASTORII

ALEA MUNDI
SEU
THEATRUM


VICISSITUDINES & METAMORPHOSES
NATURALES, DOMESTICAS, CIVILES,
AULICAS, ECCLESIASTICAS,
& LITERARIAS,

Novo compendio exhibens.

Accessère

MEDITATIONES
PASSIONUM CHRISTI,

OLIM EDITÆ,
NUNC RECOGNITÆ.



GEDANI,
Typis DAVID FRIDERICI RHETII,
Anno cId Idc LXXX.

ALFA MUNDI

THEATRUM



53758

MEDICATIONES

PASSIONUM CHRISTI

IN HOC RECOGNIT

N
nun
ctur
Ch
exp
gni
ner
cen
ute

AD LECTOREM.

NE mirère, *Alea Mundi*, adjunctas hic esse *Meditationes* passionum Christi. Non sineratione id factum puta. Neque enim quenquam Christianum, post *Vices rerum*, aut experienciâ, aut lectione intimius cognitas, usquam melius, quàm in vulneribus Christi conquiescere posse cenleo. Vale, & his piè ac feliciter utere.

* * *

* * *

* * *

DANTISCUM

per Anagramma

ID SANCTUM.

D*iffugiant lites, vesana facessat Enyo,
Pax regnet GEDANI, pristinus intret
amor.*

*Castalis, ID SANCTUM dixit, neq̃ nomen
inane est,*

Cum viget hic legum, cum Pietatis honor.

*Sancta habitant Superi. Fama tuba buccinet,
opto,*

Urbs habitatorem possidet ista DEum.

J. P.

* * *

* * *

* * *

D

P

I

nitat
terâ
porte
cere
bona
nobis
pient
tione
Fragi
ferè
ac pr
tuere,

ALEA MUNDI

Seu

DE VICISSITUDINE
R E R U M.[*Opus Anno 1658. scriptum.*]

CAPUT I.

Prooemium de inconstantia vitæ
humanæ in genere.

DUæ sunt res, quas inter se contrarias, pari tamen sollicitudine cogitare homo identidem debet, Vanitas, & quæ ei opposita est, Æternitas. Hanc in divinitate bonisq; cælestibus quærere, illam in omni ceterâ naturâ, forteq; inprimis humanâ, expendere oportet: quò sic tantò proniùs istam despicere, suspicere alteram ac desiderare discamus. Sed æternitatis bona sacra inprimis literæ, earumque Interpretes nobis identidem edisserunt. Neq; enim profana sapientia suo remigio assequi illa potuit, dùm revelatione Divinâ, quâ solâ cognoscuntur, destitueretur. Fragilitatem verò ac vicissitudinem rerum, quia ferè in oculo incurrat, facilè utiq; insipientes juxta ac prudentes omnes, omni ævo animadvertere potuere, & usque possunt. Eandem tamèn nihilo-

A

minus

minus altâ subindè securitate vel oblivione plerique transmittunt. Atque indè evenit, ut rebus caducis intentius, quàm oportet, studeant homines; & præterea fortunæ vel blandius arridentifidant nimum, vel repugnanti sese abjectè submittant. Nam si inconstantiam rerum rectius expendere, minùs utique curæ ac spei in illis ponerent, & utramque sortem, ut mutabilem, æquabiliùs ferrent. Sanè inter imbecillitates nostras hæc non minima est, quòd eam ipsam imbecillitatem haud satis attentè consideramus. Et cum cotidiana ejus exempla undiquaque se ingerant, eo ipso minùs nos afficiunt, quòd consuetudo nobis familiaria illa reddidit. Ita ut nisi cominùs, & aliquo insignitèr gravi ictu percussi, non excitemur. Meritò itaque hujus imbecillitatis nostræ conscii ac memores, quâcunque licet ratione eidem succurrimus, & non voce tantùm, sed & stylo, tùm nobis ipsis, tùm cæteris mortalibus communem rerum omnium volubilitatem ob oculos ponimus. Neque ignarus sanè sum, jam ante, & ab omni penè ævo, viros ingenio & doctrinâ præstantes argumentum hoc partim singularibus libris excoluisse, partim plurima ad id facientia scriptis passim suis adsperxisse. Certè ut plerique, qui unquam scripsère, maximo consensu vitæ hujus fragilitatem ingeminant: ita eandem alii aliis coloribus ac quasi imaginibus depingere certant. Nobis aliquas ex auctoribus delibare fas sit.

Princeps

Prin
hum

Som
mula

„ reg

„ do

„ les

„ He

„ avdp

„ 78s

„ circ

„ for

entib

tam i

drinu

bolun

là vit

Comi

minu

velut

dianâ

nostra

non n

tamqu

fatis d

& gra

excusa

Princeps ingeniorum Homerus conferebat genus humanum foliis arborum

Οἷον ποτὶ φύλλον γενεὴ τοῖς ἡδὲ καὶ ἀνθρώπων

Quæ foliis fors est, eadem mortalibus instat.

Somnium umbræ hominem vocabat Pindarus, si mulachrum Sophocles, Plato vitam περιπετίζεσθαι peregrinationem, & humana omnia tesserarum ludendo similia esse dicebat. Κύκλον τοὺς ἀνθρώπους Aristoteles: & ante eum Cræsus Cyrum alloquens apud Herodotum: κλένο, inquit, πρῶτον μάθε αἰς κύκλῳ τῶν ἀνθρώπων ἐστὶ περιγυρνᾶσθαι περιφερῆμεν, δὲ ἐκ ἐξ αὐτοῦ τὸς ἀνθρώπους εὐτυχῆσαι. Inprimis illud discito, humanarum rerum circulum esse, qui rotatus eisdem non finit semper esse, & fortunatos. Pari imagine ab Aegyptiorum sapientibus Rotæ comparata vita est, quos & ideo rotam in templis suis collocasse, ait Clemens Alexandrinus, ut inconstantiae rerum humanarum symbolum esset. Alii, inter quos Seneca, cum fabulâ vitam humanam contendunt, & scenas in eâ Comicas Tragicasque observant. Iste tantus hominum consensus, & in fragilitate depingendâ velut certamen, accedente simul experientiâ cōtidianâ, de rei quidem veritate certiores nos reddit: nostram tamèn ad talia meditanda inclinationem non morari aut sistere debet: cum tantî momenti, tamque necessaria hæc materies sit, ut nunquam satis disci vel dici possit. Et mihi nunc in eâ tanto & gravior, & fructuosior, & apud alios denique excusatio occupatio erit, quod præsens rerum fa-

cies tam multa mutationum specimina nobis offert, eoque magis admirabilia, quia non ex privati Laris angustiis, aut unius Urbis finibus, sed ex illustribus Ducum Regumque palatiis, magnorumque Regnorum ac Rerum publicarum incendiis ac ruinis effulgent.

CAPUT II.

Mutationes Cæli, siderum, aëris, maris, terræ, Urbium, Romæ.

Sed primum per rerum omnium tum genera, tum vices, paulum deflectere animum libet, ut pateat, quàm, præter Deum & cælestes Spiritûs, nihil penè ab istâ fragilitatis sorte immune sit. Sapientissimum utique Regem Hebræorum sic imitabimur, qui in Ecclesiaste suo, rerum vicissitudinem ostensurus, paritèr à Sole ad ea, quæ sub Sole fiunt, progreditur, illud subindè in omnibus ingeminans; *Vanitas vanitatum & omnia vanitas.* Ac primò omnium cælum sese nobis offert, quod res omnes alias ambit continetque. Hoc quiescere Philolaus & Pythagoras, alique pauci olim docuère: quos tamen hodiè celeberrimi quique Astronomorum Antesignani sequuntur. Cæterùm id in perpetuo motu esse, & velocissimo cursu circumagi vulgata
 „ antiquis seculis & communi consensu celebrata
 „ opinio fuit. *Pars cæli, ait Seneca, levatur assidue. pars*
 „ *mergitur.* Cum cælo verò stellas etiam volvi, & suis
 præte-

MUNDI.

f

„præterea Sphæris singula circum ferri creditum
 „est. *Adspice*, inquit Seneca, *sidera mundum illustrantia*.
 „Nullum eorū perstat; labitur assidue & locum ex loco mu-
 „tat: quāvis cum universo vertatur in contrarium, nihil-
 „ominū ipsi mundo (hoc est Cælo) refertur. Per omnes si-
 „gnorum partes discurrit. Perpetua ejus &c. Præcipuè
 autem ipse siderum quasi Imperator, Sol, vices suas
 ac circuitus habet. Primum enim singulis diebus
 abit & redit, oritur occiditque,

Dum per utrumq; volat redeunte volumine cælum

Ignæus, & totam lumine vestit humum.

Deindè idem per duodecim cæli signa transiens,
 annua nobis spatia admetitur: ipse cursu suo con-
 summato eo revertitur, undè exiverat. Quam
 præterea vultum ejus diversa aëris temperies va-
 riat? & ut

Mæstum Sol hodiè caput

Cras lætum roseo promit ab æquore!

Luna verò, magnorum mundi luminarium alte-
 rum, quoties faciem mutat? Nonnè enim intra
 mensis unius spatium nunc tacitis augmentis cre-
 scit, donec orbem suum impleat, plenoque vultu
 spectandam sese præbeat: mox decrescit iterum,
 tandemque evanescit, sed post breve intervallum
 denuò fulsura. Certè ob perpetuas has alternatio-
 nes Lunam in Symbolum inconstantie jam olim
 Romæ acceptam, ejusque adeò signum in calceis
 gestatum testatur in quæstionibus Romanis Plutar-
 chus, & Cælius Rhodig. l. XX. cap. 28. Sed utrumq;

sidus alii porrò vicissitudini obnoxium est. Quando nimirum duos istos mundi oculos eclipsis infuscat, orbemque hunc inferiorem aut magnam ejus partem, tenebris circumfundit. Ac Lunæ quidem deliquia ut crebriora, ita minùs horrenda. At Solis defectus majore ut plurimum stupore afficit animos: præsertim cum universum optimi maximi sideris lumen orbi subducitur. Quale spectaculum paucis abhinc annis; non multum utique ab simile illi, quod Poëta vetus describit, vidimus.

*Ipse caput medio Titan cum ferret Olympo,
Condidit ardentes atrâ caligine currus.*

*Involuitq; orbem tenebris, gentesq; coegit
Desperare diem, qualem fugiente per ortus
Sole, Thyestæ noctem duxêre Mycenæ.*

Sanè totum tum penè sidus solare obscuratum, medio die noctem nobis fecit, & nisi nubes intercessissent, stellas in cælo reddidisset conspicuas. Jam anni vices, quæ à Solis & siderum positu dependent, curenume em? nimis utique manifestas, & cujusque crassissimi etiam hominis sensui subiectas. Cum nimirum hyemem veris amænitas, hanc æstas, istam autumnus, autumnum iterum hyems excipit. De quibus Seneca Epiſt. 36.

„ *Obſerva Orbem rerum in ſe remeantium, videbis in hoc*
 „ *mundo nihil extingui, ſed vicibus deſcendere ac reſurgere,*
 „ *eſt is abit, ſed alter annus illam reducit, hyems cecidit,*
 „ *reſerent eam ſui meſes. Solem nox obruit, ſed ipſam*
 „ *ſtatim dies abiget. Stellarum iſte decurſus, quicquid præ-*
 „ *terierit,*

„terierit, repetit, pars cœli levatur assidue, pars mergitur.
 „Et epist. 108. Natura hoc quod vides regnum mutatio-
 „nibus temperat, nubilo serena succidunt, turbantur ma-
 „ria, cum quieverunt, flant induem venti, noctem dies sequi-
 „tur, pars cœli consurgit, pars mergitur, contrarius rerum
 „aternitas constat.

Medium verò illud spatium, quod cœlum à ter-
 rà interjectu suo distinguit, quàm diversam subin-
 dè faciem habet, quot vices experitur? Cùm nunc
 amænâ atq; innubi ridet serenitate, nunc atro nu-
 bium amictu obtegatur, nunc nimbis procellisq;
 tumultuatur, nunc svavem terris pluviam destillat,
 nunc nives grandinesq; præcipitat. Porro nec ter-
 ra, nec mare expers est vicissitudinum. Ac ma-
 ris quidem instabilitas jamdudùm in proverbium
 abiit: quin & cum res alias variis mutationibus ob-
 noxias esse ostendere cupimus, in mari subindè eas
 comparamus. Certè & per se Oceanus assidue mo-
 vetur, & alterno fluxu reciprocus, modò littora
 deserit, modo immani eadem reverberat impetu.
 Ventorum præterea ludibriis ita expositus est, ut
 ex eorum varietate ac quasi libidine, celerrimas
 identidem experiatur vices,

Quod vexant hodie Noti,

Cras lambent hilares aquor Etesiae.

Hincque etiam fit,

Ut modo tranquillis placidum quod luserat undis,

Mox furat insanos jactans ad p.d.ra fluctûs.

Nihil nunc de Euripo nobili maris parte dicam,

cujus rapidæ conversiones jam olim curiosissima quæque ingenia non in stuporem tantum, sed & desperationem mortemque adegere. Terra porro pro temporum & incolarum diversitate modò excolitur, modo desolatur. Nonnunquam conceptis intra viscera ventis tremit, hiat, desidit. Sæpè aquarum eluvionibus obruitur, est etiam ubi emergit, & quæ antea fluctuum area erat, segetibus substernitur. Ovidius de hac terræ & aquarum vicissitudine l. i. 5. Metamorph. ita canit :

*Vidi ego quod quondam fuerat solidissima tellus,
Esse fretum, vidi factas ex æquore terras.
Et procul à pelago conchæ jacuere marinæ,
Et vetus inventa est in montibus anchora summis.
Hic fontes natura novos emisit, & illos
Clausit, & antiquis tam multa tremoribus orbis
Flumina profluunt, aut exsiccata residunt,*

In terrâ porro quæ vicesunt rerum earum, quæ ex eadem terrâ originem habent, eidemque superstruuntur? Arborea modò gemmeâ foliorum comâ virentes, modò svavi fructuum onere gravidas, mox deindè sinè foliis & fructibus squalentes videmus. Flores modò pretiosissimam pulchritudine provocant purpuram, paulò post in terram defluunt flaccidi, & evanescent :

*Jam rosa purpureo crescit rubicunda colore,
Mox rosa purpurea cassa colore jacet.*

Jam, quas necessitas humana vel luxuria molitur, structuræ, quibus pariter mutationibus subjacent?

Magnis

Magnis sumptibus & hortos suos in aëre suspenderat Semiramis, & latissimos Babylonici circumdederat muros : at eorum jamdudum ne rudera quidem super sunt. Ducentis viginti annis in templo Dianæ struendo tota sociaverat operas Asia : postea incendio ejus ludum sibi & famam paravit Herostatus. Roma plurimas olim in honorem Deorum altissimè exexerat ædes : ita ut non temerè exclamaret Rutilius.

Exaudi genitrix hominum, genitrixq; Deorum.

Non proci à cælo pertua templa sumus.

At hodiè ex omnia templa unà cum Diis suis videmus concidisse. Jam ipsa Urbs quibus Cæsarum ac Senatorum Palatiis, quibus Amphitheatris, quibus aliis ædificiorum molibus olim superbiit, quarum hodiè vix parietinæ, vix etiam nomina supersunt. Ut jure Lipsius diligentissimus antiquitatum Romanarum scrutator, alicubi eam alloquatur : *Ego Te, Roma illa vetus & spetiosa supra omnes usquam & unquam urbes, non solum non video, sed etiam quæ fueris, quero. Quæ fueris? Imò, & ubi fueris? Et qui scio, an non & aliquandò utrum fueris, quaeretur; Non magis hoc mirum, si secula plura current, quàm nunc de Thebis Ægyptus, aut Trojâ dubitari. Nam habet hoc atus, ut formam primò tollat, tum rem, tum famam & nomen. O spes & res humana, quid estis? quò itis? hâc flebite. En posteris est superba illa Roma, quæ Urbs eterna audiebat, quæ victura cum seculis, quæ Deorum opus & cura, tota perit, condita in ruinis suis*

A 5

jacet,

„ jacet, & laboramus eruere, & adstruere magnitudini
 „ ejus fidem. Haftenùs Lipsius. Alludit autem is
 verbis postremis, ut quisque doctorum facilè ani-
 madvertit, ad locum Flori de Veiorum Urbe :
 „ Laborat Annalium fides, ut Veios fuisse credamus. Lu-
 bet adhuc de Urbium fatis Ovidium audire :

— *Magna fuit censuq; virisq;
 Perg, decem potuit tantum dare sanguinis annos
 Nunc humilis veteres tantummodò Troja ruinas
 Et prodivitis tumulos ostendit avorum.
 Clara fuit Sparte, magnæ viguere Mycenæ:
 Necnon & Cecropis, necnon Amphionis arces.
 Vile solum Sparte est, altæ cecidisse Mycenæ,
 Oedipodionæ quid sunt nisi nomina Thebæ ?*

Plenissimus non hominum, sed Urbium cadaveri-
 bus campus hîc se mihi aperit, si excurrere luberet.

CAPUT III.

Mutationes in Homine. Morbi. In-
 novationes Corporum. Ætatum
 variationes. Diversa mortium
 genera.

SEd jam ad eam, cui humanum genus peculiari-
 ster obnoxium est, vicissitudinem accedo. Quæ
 ut rectius percipiatur, primùm illa, quæ quibus-
 vis & singulis hominibus propria est, considerari
 debet, postea etiam quæ ad totas hominum socie-
 tates

tates pertinet. Communem omnibus & singulis hominibus naturam cum inspicimus, illico vicissitudinis non unum genus subit oculos. Inprimis autem offert se nobis imbecillitas, quæ in ipsâ corporis nostri compage, variis sârè mutationibus obnoxia, consistit. Corpus accepit homo ex humo, undè & nomen habet. Sed nempe ex humo ita conflatum corpus est, ut alia simul omnia elementa ad compositionem ejus concurrant. Quæ cum contraria inter se sint, hîc coalescunt quidem, sed discorde quadam concordia: adeò ut subindè inter se rixentur, ac corpus tandem ipsum, in quo decertant, labefactent pessudentque. Indè ingens illa morborum, quibus corpus humanum identidem affligitur, colluvies originem habet. Difficile est numero comprehendere omnem Symptomatum exercitum, qui unum hoc misellum animæ tugurium inquietat. Et multa adhuc quodammodò incognita sunt, certè nondum nomen inter Medicos reperere. Plusquam quinquaginta affectuum species sunt, quibus ipsa arx Palladis caput & cerebrum humanum impetitur. Nec connumero tamen oculorum, aurium, oris, & his affinium partium infirmitates, quæ si computentur omnes, pariter etiam non longè infra quinquagenarium subsisterint. Ita hoc quantillumcunque est corporis, quod à vertice ad cervicem porrigitur, plusquam centum hostibus patet. Febrium quoque, quæ ipsum vitæ focum, Cor scilicet, oppugnare & convellere

vellere solent, notæ plurimæ sunt, ita ut tricenarium ferè egrediantur. At multæ tamèn adhuc nomine carent: & plura subindè earum genera procedens mundi senecta nobis agglomerat. Sed extramorbium etiam perpetuò mutatur corpus. Cum optimè habet, defluit, & per occultos cutis meatûs expirat. Innovamur nescii, & subindè aliâ atq; aliâ pelle induimur non sentientes. Certè si rem rectè consideremus, vivimus morimurq; quotidie, crescimus decrescimusq;, alii identidem sumus, & tamen iidem; rogam, quo in aërem tacitis nativi ignis effumationibus exhalamur, ipsi circumgestamus, dicam audacius, funeri quodammodo nostro & nobis ipsis sumus superstites. Porro datum homini nudum corpus est, adeoq; Solis æstum, hyemis frigora, ventorum flatûs asperiusculos facile sentit, facillimeq; lædi potest. Datum inerme, adeoq; casibus & injuriis opportunum, opisq; alienæ summè indigum est. Datum molle, adeoq; ærumnis & laborum assiduitate subindè atteritur. Cibi ipsi, sine quibus vivere non potest in noxiam pituitam vel bilem, in materiam deniq; mortis vertuntur. Sunt aliqua corpora, quibus Natura ingens robur, sunt alia, quibus formæ pulchritudinem indulgit. Quid tamen utrumq; hoc naturæ munus habet firmitatis? Robustissimum quemq; Milonem levis sæpè casus prostermit occiditq;: & Helenarum formositas exiguæ plerumq; febriculæ spoliū est. Sed porro quam lentos ætatum processūs

cessus habet corpus? Quot anni deteruntur, antequam id ad maturitatem pertingat? Quanta vitæ pars vagiendo, reptando, balbutiendo, crepitaculis variisq; nugamentis & ineptiis consumitur? Ubi verò ad perfectionem suam corpus pervenisse videtur, quamdiu in eâ consistit? nonne illico, & citatoribus quidem, quàm creverat, gradibus ruit in declive, & si alia omnia absint, quæ extrinsecus obvenire & obesse nobis solent, nonne ipso tamen senio quasi tæbe quadam defluit marcescitq; sensim, donec penitus deniq; exanimetur, & in cineres residat? Sed quotumcunq; corpus tam firmum est, ut senili demum marcore ad mortem deducatur? quot aliæ viæ sunt, quibus ad metam suam non eunt, sed præcipitantur mortales? Quot sunt, quos maror animi, quos labor assiduus præmaturè conficit? quam multos voluptates ipsæ strangulant? Nonne enim plurimi subinde in cibis vorant, in potu bibunt, in Venere gignunt sibi mortem? quot porrò non dicam turmas, sed chiliadas hominum bella absument? Ubi hunc gladius, illum lancea, alios globus trucidat, alii equorum calcibus proteruntur. Quantus verò illorum numerus est, quos debita sceleribus supplicia auferunt, quorum fauces nodus elidit, aut spiramenta præcludit aqua? Quot sunt, quos venena, quos lapsus ex alto, quos ruina ædium, quos incendia enecant? Et quis omnia mortis genera enumeret? Ecquid enim tam exile est, quod in mortem

hominis

hominis non sufficiat? Anacreontem acines uvæ,
 Fabium Senatorem Romanum pilus in lacte hau-
 stus, Adrianum IV. P. musca in fauces cum aquâ il-
 lapsa, Arnolphum Baviariæ Principem spina piscis
 suffocavit. Romæ olim stiria glacialis puero vitam,
 Poëtæ verò sequens carmen extorsit:

*Quà vitiâ pluit Vipsanis porta columnis
 Et madet assiduo lubricus imbre lapis.
 In jugulum pueri qui roscida templa subibat,
 Decidit hyberno prægravis unda gelu.
 Cumque peregisset miseri crudelia fata,
 Tabuit in calido vulnere mucro tener.
 Quid non sæva sibi voluit fortuna licere?
 Aut ubi mors non est, si jugulatis aquæ?*

CAPUT IV.

Animorum mutationes, diversæ ex
 variis causis, etiam in amicitiiis.

A Corpore porro ad animum transcamus. Qui
 per se equidem terrenæ fecis, adeoque corru-
 ptionis experts, nihilominus tamen in statu eodem
 & quiete assiduâ minime morietur. Quinimò quò
 generosior est, eò agilior, eò varias laborum vices
 & appetit & subit facilius. Gaudet, inquit
 Panegyristes, divina perpetuo motu, & jugi agi-
 tatione vegetat se aternitas, & qui quid laborem vocamus,
 nostra natura est. Ut ind. fess. vertigo calum rotat. ut ma-
 ria æstibus inquieta sunt, ut stare sol nescit: Ita tu, Impe-
 rator,

rator, continuatis negotiis & in se quodam orbe semper redeuntibus semper exercitus es. Et Seneca : *Mobilis, inquiet, & inquieta mens homini data est: nunquam se tenet, spargitur & cogitationes suas in omnia nota atque ignota dimittit.* Etsi porpò cœlestis omninò originis & naturæ animus sit : multùm tamen in eundem servus & instrumentum ipsius, corpus potest. Senecam audiamus, qui magnoperè alioquin animi humini & nobilitatem admiratur, & imperium depredicat, adeò ut illum alicubi DEUM in humano corpore hospitantem audeat nominare. Ille tamèn in Consolatione ad Marciam : *Hæc, inquit, quæ vides ossa nervis circumvoluta, & obductam cutem, & in nostras manûs, & cætera quibus involuti sumus, vincula animorum tenebræque sunt. Obruitur his animus, offuscat, inspicitur, arcetur à veris & suis in falsa conjectus. Omne illi cum hac gravi carne certamen est, ne abstrahatur & fidat. Nititur illò, undè demissus est. Ubi illum æterna requies manet è confusis crassisque pura & liquida visentem* Non longè Philosophus huc videtur abludere ab eo, quod de luctâ carnis adversus spiritum, Sacrarum literarum oraculis docemur. Quicquid sit, afficitur sanè à corpore animus, & quemadmodùm corpus, ex elementis perpetuò interf. pugnans conc. evit, ita nec animus sibi semper constat. Subindè averfatur, quod ei anteplacuerat : quos nuper sectabatur, mox virat. Sæpè se ipsum fugit, certè à seipso disfidet, sibi displicet, sibi irascitur, & ægiè nonnunquàm adducitur, ut
secum

secum redeat in gratiam. Subindè locum, vitæ genus, consilia mutat, nunquàm præsentibus contentus. Graphicè in hanc rem Lucretius lib. III.

— — *Ut nunc plerumque videmus
Quid sibi quisq; velit, nescire & quærere semper,
Commutare locum, quasi onus deponere possit,
Exit sæpè foras.*

Facit quoque huc Aufonii locus :
*Disfidet ambignis semper mens obvia votis,
Nec voluisse homini satis est, optata recusat,
Esse in honore placet : mox pœnitet, & dominari
Ut possint, servire volunt.*

Porrò ut in corpus, sic in animum multùm roboris habet ætatis, temperamenti, cælique ipsius dispositio. Ab ætate certè est, quod aliter plerumque animati juvenes, aliter senes sunt. Illi affectibus fervidi, ad ardua rerum audaces, ad pericula incauti, ad voluptates proni, ad prodigendum argentum præcipites, in vitium fermè omne faciles ac quasi cerei esse solent. Contra autem senes ad concupiscentiam hebetiores, ad consilia lenti, in suspiciones & querelas propensi, plerumque omnia tuta metuentes, verbis profusi, manu parci ac tenaces esse consuevère. Quis præterea ignorat, quantum in homine exsuperantis in corpore humoris dominatio possit? Si sanguis abundat, isq; defecatus ad hilaritatem, ad benignitatem, sed sæpè nimis flexibilem, adeoque fraudi opportunam sequitur inclinatio. Si pituita prævalet, homo in-

mo i
flav
irasci
que a
miun
front
oriet
re, m
li fav
ne h
est.
Dei,
sanè
ficili
san h
tantu
subii
Nequ

Cert
feren
est.
vesce
rente
rò Af
illis
singu
lent,

mo inhabilis, piger, remissusque ad omnia : Si flava bilis præpollet, tumidus, cupidus honoris, irasci & lædere facilis, turbarum litium, bellorumque appetens erit. Si eadem bilis nigrescat nimium, læva quædam morum difficultas, nubila frontis mæstities, & anxia mentis sollicitudo suborietur. Nec sine multo certamine, multo labore, magnâ etiam felicitate & singulari quodam cæli favore is qui copiâ & viribus prævaluit in homine humor ad modum ac temperiem revocari potest. Cum cæli favorem addidi, providam curam Dei, benignamque opem intelligi velim, sine quâ sanè mortales sui ipsius regimini, rei perquam difficili ac operosæ, non sufficiunt. Aliquantum forsitan huc quoque siderum influxus facit; Nec ille tantum, quo imbutus homo est, cum auras vitales subiit, sed præcipuè iste, quo quotidie fruimur. Neque enim prorsus de nihilo est, quod ille ait:

Tales sunt hominum mentes, quali pater ipse

Juppiter auctifero collustrat lumine terras.

Certè aliter affectos se sentiunt mortales, ubi Sol serenus fulsit, aliter ubi cælum nubibus obductum est. Et ut morbos sub noctem plerumque ingravescere videmus: ita Sole suas vires minùs exferente, tristes curæ inolescere solent. Quod si porò Astrologis fides est, (uti omnis prorsus detrahi illis non potest) bonorum malorumque, quæ in singulos annos orbi portendere ac vaticinari solent, semina aliqua in ipsa vi astrorum posita esse

oportet. Nam cum illi pestem vel bella nobis ex tali horum vel illorum siderum positu oppositive augurantur, significant eo ipso, esse efficax aliquod siderum in animos hominum defluvium, quo hi ita afficiantur, ut, nisi aliunde & à vi maiore impedimentum interveniat, nihil aliud magis, quam discordias, quam ferrum & bella spirent. Et eâ in re Astrologis Seneca videtur assentiri: *Ex siderum*
queque, inquit, levissimis motibus fortuna populorum
dependent, & maxima ac minima proinde formantur,
prout æquum iniquumve sidus incipit. Consol. ad Marciam cap. 18. Dum autem animi & affectuum humanorum mutationes memoro, non possum, quin illam tangam, quæ ab amoris maximi in homine affectûs instantiâ profecta, amicitiarum jura & nexûs resolvit rumpitque. De quâ labe, ex quo esse cæpit, questum est humanum genus. Nota Sapientiæ magistri vox est: *ὁ φίλος οὐδέ τις φίλος.* Bonus fuit Princeps, nec malè dixit, qui bonos Principes uni annulo inscribi posse dixit. Sed idem ferè de veris amicis dici possit. Certè ex omnibus seculis vix tria aut quatuor nominari amicorum paria agnovit jam olim Cicero de Amicit.
Quod idem innuit Seneca, dùm inquit: Nescis,
quantum sit pretium amicitie, si non intelligis multum te
ei daturum, qui dederit amicum, rem non domibus tantum
sed seculis raram: quæ non alibi magis deest, quam
ubi creditur abundare. Et quid mirum, plerisque hominum amicos, amicis verò, qui esse videntur, fidem

fiden
virt
tuna
cum
spira
turba
solitu
rectè
alioq
arbit

Inpri
vis an
pè ex
peria
quon
venia
verfo

Mu

N

conv
ber a

fidem deesse? Ferè enim utilitate homines, non virtute aut honestate metiuntur amicitias; & fortunam aliorum, non ipsos amant. Fortuna autem cum sit variabilis, illi perindè, ut ventus fortunæ ispiraverit, vertunt velum. Cum res secunda sunt, turba amicorum circumfidet: circa everfos ingens solitudo est: & inde amici fugiunt, ubi probantur, ut rectè ait Seneca. Quod idem Petronius melior alioquin facundiæ & elegantiarum quàm virtutis arbiter, inter tot alios testatur:

Cum fortuna manet, vultum servatis amici,

Cum cedit, turpi vertitis ora fugâ.

Inprimis verò Aulæ ejusmodi amicis vel potiùs larvis amicorum plenæ sempèr fuèrunt, & sunt. Nempe exulat ab istis veritas, & quomodò verus ibi reperiatur amicus? Certamen potiùs istic esse solet, quomodò alter alterum quàm scitisimè circumveniat. Sed eâ de re in Aulico, à nobis aliquandò versò, aliisque id genus libellis plura legi possunt.

CAPUT V.

Mutationes animorum ex conversatione, ex fortunæ diversitate.

NOS jam ad alia pergimus, quæ hominis animum moresque mutare atque invertere solent. Inter quæ non spernendam vim habet conversatio. Certè uti tabernæ unguentariæ semper odorem aliquem commoranti affricant: ita

boni honestique mores auram semper aliquam suæ virtutis afflant iis, qui cum ipsis habent commercium. Contra etiam, sicut flumina per se dulcia, cum mare subiêre, salsescunt, sic mores per se haud mali malorum consuetudine corumpuntur. Dicendum quoq; jam est, quantum in hominem fortunæ liceat: & quàm illius vis in ipsum sese animum soleat infundere. Certè alii plerumq; sunt mortales, cùm res ex voto succedunt: alii, cùm inter adversa luctantur. Alii mores, ubi divitias, honores, victorias, triumphos, sceptræ & trabeas fortuna suggerit, alii, cùm inter contumelias & contemptus vita trahenda est. Res secundæ inprimis multùm immutare solent homines, quippe quæ antiqui Scriptoris iudicio, etiam *sapientum animos fatigant*, & subindè in superbiam, luxum, stultitiam præcipitant. Dario, inquit Curtius; *erat mite ac tractabile ingenium, nisi etiam naturam plerumq; fortuna corrumpere*. Et pari sensu Charidemus cum alloquitur: *Tu quidem licentiâ Regni subito mutatus, documentum eris posteris, homines, cum se permisere fortunæ, etiam naturam dediscere*. Dario aliis rebus adversus, in hoc simillimus Alexander fuit. Quem Regno & vitæ exuerat, ejus mores induit victor. Quem inquit, florentissimus historicorum Curtius, arma Persarum non fregerant, vitia vicerunt. Intempestiva convivia, & perpetuandi pervigilandiq; insana dulcedo, ludicq; & greges pellicum, omnia in externum lapsa sunt morem. Et alibi: *Hic palàm cupiditates suas solvit, continen-*
tiamq;

tiamq; & moderationem, in altissimâ quaq; fortunâ eminentia bona, in superbiam ac lasciviam vertit. Et paulò post: *Purpureum diadema distinctum albo, quale Darius habuerat, capiti circumdedit, vestemq; Persicam sumpsit, nec omen quidem veritus, quòd à victoris insignibus in devicti transiret habitum.* Et ille se quidem Persarum spolia gestare dicebat: sed cùm illis quoq; mores induerat, superbiamq; habitûs animi insolentia sequebatur. Sed ad hoc exemplar plurima extant in historiis, & quæ paulò post de Principum atque Aulicorum periodis dicentur, majori ex parte huc quadrabunt. Nunc misso jam corpore & animo humano, ad alias conditionis humanæ vices accedamus, quâ, quod neminem diffiteri arbitror, cunctis prorsus hominibus communes sunt: adeò ut rarò quispiam inveniatur, quem fortuna æquali semper aut favore tollat, aut irâ deprimat. Variari plerumq; successus solent in vitâ humanâ, & quemadmodùm mare haud quaquam continuò tranquillum est, sed nec continuò etiam turbidum: ita conditio mortalium multas subindè alternationes experitur. Nimirùm Deus ipsemet hanc legem rebus mortalium posuit: & actionum ejus præcipua est, ambiguis vicibus versare genus humanum. Non malè utique vetus ille Chilo, cum quid Deus ageret in cælis rogaretur, respondit: *humilia exaltat, excelsa humiliat.* Id quod exemplis ostendere non adeò forsân necessarium fuerit, quùm magna eorum seges obvia cuique sit, & sese in hac ipsâ nostri sæculi scenâ undiqua-

diquaque in oculos ingerat. Per ipsa dominia rerum atque Capita orbis si ire luberet, occurrerent Principes, quorum sacro in vertice vix dum diademata benè sederant, quando, levi intercedente morbo, splendidissimas inaugurationum pompas cum funebri cupressò commutârunt. Occurrerent alii, quos Regia Majestas, & magnorum Regnorum possessio ab infinitis difficultatibus, & tragicâ denique securi, liberare non potuit. Aderant, quibus Imperii curâ ejusmodi concivère fastidium, ut abdicatione sceptri libertatem sibi putârint emendam. Nec deessent, qui ex humili conditione ad paludamenta Imperatoria, & hinc porro ad ejusmodi potentiam pervenère, ut maximis Regibus fuerint formidabiles.

CAPUT VI.

Excursus de novissimis rerum in Poloniâ vicibus.

EX ipso inprimis hoc Regno nostro quot vicissitudinum, & quàm atrociam sese offerunt exempla? Totus profectò orbis inhorruit, ad mala ingentia, quibus nos anni superiores obruère. Equidem secundum conceptam animo meo sententiam pertinere illa videntur ad eam classem, quæ integrarum gentium casus ac fata exponet. Neque enim unius aut alterius Ducis, Magnatis, vel Aulici, in hoc Regno commota nunc fortuna est. Totâ Respubl.

Respu
mult
est.
rum
ti lib
Polo
Strip
dis R
ipsun
noce
suis,
focio
ties
tus i
Rem
disla
Cum
nam
ritat
que
cam
ad q
ubi
quo
ded
put
qua
Rex
Scy

Respubl. imis evulsa cardinibus contremuit, & multorum iudicio præceps in ruinam ire visa est. Hostium contra felicitas supra spem ipsorum, quantumvis audacem, penè & ultra voti libidinem sese nuper extulerat. Fatigata erat Polonia nostra bello servili per annos penè octo. Stipendiarii Reipubl. Cosaci arma, quæ defendendis Regni finibus impendere debebant, in Regnum ipsum converterant. Atque ut tantò potentiùs nocerent, cum Tartaris, acerrimis antea hostibus suis, conjuravere. Concurrente ad hanc nefariam societatem universâ Russicâ plebe, coactus aliquoties trecentorum penè millium hominum exercitus incubuit Regno, primusque eorum impetus in Rempubl. Capite orbam incidit. Quippè tùm Vladislaum Regem intempestiva mors abstulerat. Cum Rege expirâsse videbatur felicitas Poloniæ: nam eodem penè tempore exercitus, qui pro securitate publicâ hætenùs excubuerat, casus, Ducesque ipsi cum flore militiæ in captivitatem Tartaricam abducti sunt. Domi discors Nobilitas tardè ad quærendam publicæ rei medelam concurrit, & ubi concurrerat, boni regiminis defectu &, nescio quo paucorum temerario consilio dilapsa, magno dedecore suo, animos & opes hostium erexit. Caput deindè novum adepta Respubl. prosperiùs aliquanto movit lacertos. Primâ enim expeditione Rex exercitum Polonum immensâ Cosacorum & Scytharum multitudine ad Zbarasiam circumvalla-

tum, ex præsentissimo discrimine, sed non sine magno quoque & suo, & copiarum suarum periculo liberavit. Alterâ, eosdem hostes ad Beresteciam fudit prælio triduo: elapsasque astu reliquias Cosacorum, apud Albumfanum per Duces suos, sub adductius frantum adegit. Anno post, cum omnia quieta esse viderentur, subito impetu coorta eadem hostium colluvies exercitum Reipubl. denuò propè Batovum cum fudit, & penè totum unâ cum Ducibus delevit. Iterùm Rex ipse arma induit, & ad Camenciam, ultimum adversus Turcas propugnaculum, progressus, inito cum Transylvania Palatino Rakocio fadere, Cosacorum vires imminuit, non tam pugnando quidem, quàm Chmelnicianas societates dissolvendo. Nam & novam hominis cum Moldavia Principe affinitatem, alio Principe introducto, inutilem, Regno innoxiam fecit: & Tartaros denique Cosacorum hætenus propugnatores, sibi & Reipubl. conciliavit. Sed tum Cosaci Tartaris, ob renovatam cum Rege amicitiam diffisi, Moscorum Principi sese dedidère. Qui dudùm jam Polonia, inter bella intestina tot annis longvescenti, inhians, & jam tanti roboris accessu ferocior, Lithvaniam ingente exercitu invadit, & penè totam occupat, cum Lithvanicus exercitus minor esset, quàm ut tantæ potentiae resistere posset, & quod spererat provinciæ robur, pravis aut malè concordibus (ut rem perniciosissimam lenissimo nunc vocabulo exprimam) aliquo-

aliquo
lon
illico
insup
hom
pido
in L
Svec
am,
tot h
restit
noce
iam
quæ
potu
mag
voca
diqu
oppo
bat.
valid
citu.
nia
Ven
vicin
omn
fatig
ti,
mus

aliquorum consiliis non parùm minuebatur. Polonia quoque ipsius ita accisæ vires erant, ut non illicò magnos exercitûs submittere posset. Et tùm insuper optimi Regis pro Republ conatibus, per homines factiosos, & ex novis rebus crescere cupidos, intercedebatur. Cæterùm invalescente ita in Lithvaniâ Mosco, ultra mare quoque Martius Svecorum Rex, ferrum acuire incipit in Poloniâ, non alio fortiore stimulo impulsus, quàm quod tot bellis occupatam, fellam atque ideò, mirûs restitutam existimaret. Mittuntur Legati, qui innocentiam Poloniæ probarent Regi, & omni etiam specie injuriarum discussâ, pacem & fœdus quærent. Sed æquis conditionibus expleri non potuit spes, quâ hostes illi Regnum integrum vel magnam certè ejus partem devoraverant, nec revocari arma, quorum prosperimos in Poloniâ undiquaque tùm laborante, successûs ipsa temporis opportunitas, quietis suæ impatientibus, ostentabat. Ingressus itaque est Sveciæ Rex Poloniâ valido & dudum & rebus omnibus instructo exercitu. Venit eidem in auxilium Dux Transylvaniæ Racocius. Venère Cosaci & cum his Tartari. Venit denique, præter alios è Germaniâ principes, vicinus & feudi legibus Poloniæ innexus. Qui omnes primò secundissimam in Regno undiquaq; fatigato fortunam, at diversissimam tandem experti, insigne & ad argumentum, quod jam tractamus, præclarè faciens spectaculum Orbi dedere,

sed hæc curatori operi historiæ, quam molimur, reservanda censemus.

CAPUT VII.

Vicissitudines, quas magni Principes experti sunt. Julius Cæsar. Pompejus. Polycrates, alii.

Nunc antiqua & magis remota aggredientibus primus nobis prodeat Julius Cæsar, qui quantas res pro patria & contra patriam gesserit, quodque fastigium per tot rerum discrimina tandem attigerit, nemo est, qui ignoret. Neque adè aut victorias ejus, aut casus omnes hic enumerabo. Primam tantum luctam illius, quam cum fortunâ juvenis habuit, brevibus attingam. Erat is in ipso flore ætatis suæ, Syllæ Dictatori suspectus: quippe qui in eo multos se Marios videre dictitabat. Sylla itaque victor, cum in Marii factionem atrocissimè sæviret, Julio huic, etsi vix dum puberi minimè parsurus videbatur. Julius fugâ sibi consulit. Sed scyllam vitans in charybdin incidit. Navigans enim capitur à piratis: à quibus nemo illi nisi tristissima quæq; ominabatur. Nilominus huic quoque discrimini pretio se exemit, fortunâ semper admirabilis, nec minùs animo, quem inter pericula perpetuò intrepidum servavit. Plurimum olim delectatus sum, cum hunc quasi ludentis fortunæ mimum & simu! summam Julii securitatem mentemque imperterritam in Plutarcho

olimur, tarcho legerem, nec abstinere potui, quin epigrammate rem complecterer; quod liceat hic subjicere:

cipes
Pom-

dienti-
ar, qui
m ges-
imina
Neque
c enu-
quam
ngam.
ri su-
vide-
Marii
tfi vix
Julius
ybdin
quibus
Ni-
e exe-
nimo,
vavit.
quasi
n Ju-
Plu-
archo

*Syllanum fugiens vix puber Julius ense,
Captus ab Æmathi classe Latronis erat.*

*Nel juvisse fugam, nisi quod mutaverit hostem,
Et pejora Du i quisq; timenda putat.*

*Nil metuit Caesar, cælo securus amico,
Istaq; fortune judicat esse jocum.*

*Largus & ipse sui Censor, piratica tenet
Arbitria & parvo se licuisse dolet.*

*Aures carminibus, somnusq; silentia poscit,
Qui renuunt, fatuos bardaq; corda vocat.*

*Virtutis mihi cerne animos: dum capta tenetur,
Imperat. & Dominis jura dat ipsa suis.*

Verum multos equidem claros viros per res ad-
versas ad magna felicitatis culmina videmus per-
tigit, eodemque etiam post interpositam fortu-
næ aliquam velut eclipsin, rediisse. Quod genus
vicissitudinis etsi acerbum primò animis est, quia
tamen lato tandem clauditur exitu, aliquibus non
adeò refugiendum videtur. Multis quippe volu-
pe est ad eum modum luctari, dum magnificè vin-
cant: & placet talibus, quantumvis carè empta
felicitas. Sed age jam alteram fortunæ faciem,
ex serenâ scilicet nubilam, & meris tempe-
statibus naufragiisque desævientem in exem-
plis quibusdam intueamur. Agmen ducat Pom-
pejus, Vir summus & à rerum gestarum excellen-
tiâ

tiâ Magni nomen adeptus. Is quò fastigii in Urbe Romanâ pervenisset, ipse apud Lucanum indicat, ubi ita loquitur :

*Quò potuit civem populus perducere liber,
Ascendi, supraq; nihil nisi Regna reliqui.
Non privata cupit Romanâ quisquis in urbe
Pompejum transire parat.*

Et paulò post:

*Pars mundi mihi nulla vacat: sed tota tenetur
Terra meis, quocunq; jacet sub Sole, trophæis.*

Is tamen tantus Vir quò prolapsus est miseriæ ? Victus à C. Cæsare summæ fortunæ ratem uno ictu fractam reparare nunquam potuit, sed ubi miserrimum exilium aliquandiu per maria & terras varias circumtulcrat, in Ægypto tandem augustum illud & Regibus ante formidatum caput Septimio, clienti olim suo, coram uxore & liberis absceindendum præbuit, ne justo quidem sepulchri honore post fata donatus. Pulchrè de eodem hoc Pompejo & aliis fortunâ illi similibus, Nirenbergius, cum folle seu pilâ eos comparans :

Pax nulla folli, nulla potentibus.

Pompejus, Orbis cum fuerat pila,

Hic sortis est pila in duello

Carnifici data præda ferro.

Pompejum tempore, propè etiam felicitate antecessit Polycrates Samiorum Rex, cui fortuna ipsâ adeò sese addixisse videbatur, ut nihil unquam adversi contingere ei passâ sit. At finis tamen qua-

lis

lis ?
lam
term
Perf
ctac
sem
tore
rolo
cere
rum
gum

M

N

blan
und
mun
ne n
que
„ an
„ Se
„ &
„ po

lis ? Victus à Persis, in cruce tandem felicem illam, ut visa est, vitæ fabulam infelicissimo exitu terminavit. Possem hic Crasos, Darios, Dionysios, Perseos, Jugurthas, Herodes, Aristotimos, Caractacos, possem alios ex antiquitatis annalibus, possem & ex recentioribus historiis Henricos Imperatores, Franciscos, Henricos Galliarum, Joannes, Carolos Angliæ Reges, possem & alios plures adducere, sed non libet jam tragicum hoc Monarcharum ingredi theatrum. Malo ad Principum Regumque Ministros transire.

CAPUT VIII.

Magnorum Aulæ Ministrorum vices,
Sejani, Cleandri, Rufini, Stiliconis, Eutropii.

Nusquam frequentiores sibi ludos struit fortuna, quàm in magnis magnorum Principum Ministris. Plurimos utique, fallaci quâdam blandientis fortunæ comitate eò evectos legimus, undè nonnisi cadendo potuerunt descendere. Primum inter eos locum meretur Seianus : quo homine nemo unquam aulicorum altiùs ascendit. At quem tandem is honorum omnium fructum, quem „ ambitionis colophonem habuit ? *Quo die*, inquit „ *Seneca, Senatus illum deduxerat* (confortio nempè „ & successione imperii honorandum à Tiberio) „ *populus in fusta divisit. Atq; ita, in quem, quicquid con-*
geri

geri poterat, Dii hominesq; contulerant, ex ea nihil su-
perſuit, quod carnifex traheret. Apud Commo-
dum Imperatorem, Cleander quidam, Phryx na-
tione, ab infimâ conditione eo poſteâ honoris
proſectus eſt, ut & Corporis Imperatorii caſtodiam, & cu-
biculi curam, prætereâ militum præfecturam ſolus obtine-
ret. Tandem divitiæ ac luxus eundem ad ſpem Imperii in-
ſtigarunt. Et corruptis pretio militibus, imperatore verò
ipſo in altiffimâ otii ac voluptatum ſaginâ, rerum omnium
quæ in publico agerentur, ignaro ſecuroq; compos abiſſet vo-
ti: niſi una Sororum Commodi molitiones Cleandri, & præ-
ſentiffimum, quod ab eo toti Imperatorie domui immineret
periculum, lugubri & ſciſſâ veſte ſolutisq; urinibus fratri
expoſuiſſet. Qui re penitus mox exploratâ, Cleandro ad
ſe accerſito, caput amputari, & conto præfixum circumſci-
ri jubet, gratum populo, qui peſſimè hominem oderat, ſpe-
ctaculum præbiturus. Liberi quoq; ejus & amici ad unum
omnes contrucidati, tractaq; per urbem cadavera, & poſtre-
mo in cloacas objecta. Ita rem memorat Herodianus.
Qui item narrationem tali corollario claudit: Hic,
inquit, finis Cleandri fatorum fuit: quaſi in uno illo velut
ambitioſus oſtendat (ut ſic dixerim) natura humana,
poſſe ex infimo loco ad ſupremum faſtigium evehi hominem
atq; evehẽtẽ dein ruſum deturbari, quamlibet exiguo atq;
inſperato fortune momento. Arcadii & Honorii tempo-
ra præ cæteris duo inſignia Aulæ delicia primũ,
eademque mox ludibria exhibent, Ruſinum & Eu-
tropium De quibus etſi in Aulico inculpato actum
memini, juvat tamen nonnihil uſq; hic addere. Ruſi-
num

finun
tis ſi
que
idem
rever
Goth
Rom
etiam
capit
quã
ne ex
Duce
tam
brio.
ipſu
gẽ de
tus e
tem
noru
ſeſe a

Ag
M
H
Fi
Ill
El
In
La

finum Theodosius Imperator tanti fecit, ut & secretissimis consiliis summisq; Imperii rebus, & denique filii sui Arcadii tutelæ ipsum adhiberet. Sed idem Stiliconem virtute & rebus gestis inclytum reveritus, quò cum ab Aulâ abstineret, Alaricum Gothorum Regulum ad invadendum Imperium Romanum excitat, eâ rerum perturbatione ipsi etiam Arcadio eripere diadema & suo imponere capiti sperans. Sed necessaria consilia, plus Autori, quàm Imperio, aut Imperatori nocuere. Proditione enim compertâ Rufinus, à militibus Italicis Duce Gainâ occisus est: caputque ejus ante portam Constantinopolitanam publico pependit ludibrio. Ejus porrò opes Eutropio cesserunt, æmulo ipsius, sed qui ob mores non pares modò sed longè deteriores, simile quoque fatum tandem expertus est. Iste homo conditione servus, virilitatem insuper puer amiserat, plurimum postea Dominorum fastidio venditus, ad lenocinium denique sese applicuit. Undè de illo Claudianus:

*Aggreditur lenonis opus, nec segnis ad artem
 Mens erat, officiiq; capax: omnesq; pudoris
 Hauserat insidias. Custodia nulla tuendo
 Fida toro, nulli poterant excludere vestes.
 Ille vel erat à Danaen sub turre latentem
 Eliceret, fletus Domini fingeat amantis,
 Indomitasq; morâ, pretio lenibat avaras,
 Lascivasq; jocos.*

Is tamen postea mirâ seu ingenii sui solertiâ, seu fortunæ potiùs jocantis lusu, in aulam & intimam denique Imperatoris gratiam irrepfit, adeo ut tandem cæteros propè omnes Purpuratos potentiâ anteciret. Quo nomine idem Poëta factorum iniquitatem & admiratur & quodammodò accusat:

— — — prob quisquâ Olympi

*Summa tenes, tantone libet mortalia risu
Vertere? qui servi non est admissus in usum,
Suscipitur Regnis, & quem privata ministrum
Dedignata domus, moderantem sustinet Aula.*

Paulò post ejusdem impotentem, crudelemque dominatum ita describit:

*Semivir excelsam rerum sublatus in arcem,
Quod nec vota pati, nec fingere somnia possunt,
Vidit sub pedibus leges, subjectâq; colla
Nobilium, tantumq; sibi permittere fata,
Qui nil optasset plus libertate mereri,
Jamjam dissimulant Dominos, alteq; tumescunt
Serviles animi, procerum squalore repletus
Carcer, & exulibus Meroe, campiq; gemiscunt
Æthiopum, pænis hominum plaga personat ardens,
Marmaricus clavis violatur cædibus Ammon.
Asperius nihil est humili, cum surgit in altum,
Cuncta ferit, dum cuncta timet, descendit in omnes,
Ut se posse putent: nec bellua tetrior ulla est,
Quam servi rabies in libera colla furentis.*

Ut hæc rectiùs intelligantur, expediverit, Zosimi historiam, & tripartitam inspicere. Sed rem compendio

ia, seu
timam
ut tan-
potentiâ
im ini-
cufat:

ue do-

pendio tradit Suidas veterum autorum diligens
& utilis rei literatæ scriptor: *Eutropius*, inquit.
Imperatoris Arcadii Cubicularius, nullum facinus præter-
misit, tum magistratus publicè vendendo, tum milites ca-
lumniando, tum proceres relegando, tum omnibus contu-
meliis Senatû afficiendo: ac ne Barbarorum quidem socie-
tate sibi temperavit, non aliâ ex causa, aut spe, quàm quod
ita ad fastigium Imperatorium perventurum se speraret. Atq;
ut impietas luculentius appareat eos, qui in templa, asyla
alioquin ipsa religionis sanctitate venerabilia, confugerant,
comprehendi jussit, legemq; promulgavit, quâ illos, vel ab aris
abstrahi permittebatur. Sed quis tandem exitus Evnu-
chi istius fuit? quæ fabulæ, quam in ipso fortuna lu-
sit, catastrophe? Cum diu provinciis, cum Im-
perii proceribus, cum imperio ipsi insultasset, lin-
guæ deniq; intemperantiâ, & nescio quibus convi-
ciis Imperatricem, & in eâ Imperatorem Arca-
dium offendit, atq; indè in Cyprum Insulam se-
positus est. De quâ re ita Claudianus:

Qui modo sublimes rerum flectebat habenas

Patritius, rursus verbera nota timet.

Et solitos tardæ passurus compedis orbes,

In Dominos vanas luget abîsse minas.

Culmine dejectum vitæ fortuna priori

Reddidit insano jam satiata joco.

Scindere nunc alia meditatur ligna securi,

Fascibus & tandem vapulat ille suis.

Illicitas Consul pœnas, se Consule, solvit,

Annus qui trabeas, hic dedit exilium.

osimi
com-
endio

Et paulo pòst :

Mollis femineâ detruditur arte Tyrannus,

Et thalamo pulsus prodidit Imperium.

Sed non hic stetit Nemesis. Benignè nimis cum eo sibi visa est decidisse, si homo tot scelerum reus non nisi exilio multaretur. Itaq; urgente Gaine, viro bellicoso, sed & ipso postea easdem fortunæ vices experturo, è Cypro revocatus, jussu Imperatoris, occiditur, quemadmodum testatur Zosimus. Nam Claudianus ultra ejus exilium non est progressus.

C A P U T IX.

Vices Philippæ Catanensis, Mariti & filii nec non filiæ ejus. Pandulphi Carraccioli.

MINUS fortassè pervulgatum, at non minùs notabile est exemplum, quod Neapolitana nobis historia suppeditat : Petro Matthæo, floridissimo rerum Gallicarum scriptori dignum habitum, quod peculiari libello Gallico complecteretur, haustum ut ipse profitetur, ex Joannis Bocacii Florentini scripto de casibus illustrium virorum. Tragœdiam, quam tanta ingenia exquisito labore, velut in theatro exhibuère, brevibus hîc exponam. Quo tempore Robertus Calabriae Dux, Caroli II. Regis Neapolitani filius, bellum contra Fridericum Arragonium gerens, Panormum

num Siciliae urbem obsidebat, uxor ejus Violanta, ut obsidionis fastidia militibus leviora redderet suâ præsentia, apud Maritum in castris, gravis perstitit, ibique filium enixa est, nullâ auxiliante idonearum mulierum, quales parientibus adhiberi solent, manu, seu quia copiam talium vita castrensis negabat, seu quod hora partitudo opinionem citius oppresserat prægnantem. Adhibita est, quæ fortè fortuna aderat, vilissimi generis fæmina, quippè lintheaminibus lavandis vitam tolerare solita, & pauperrimi piscatoris uxor. Philippa, & à patria Catanensis appellabatur. Hæc quâdam ingenii & morum gratiâ ita puerperæ placuit, ut quæ obstetrix parienti fuisset, eadem nati Infantis nutrix esse juberetur. Et brevi tempore adeò Principis animum cepit, adeo & benè fundavit fortunam suam, ut nec secuta paulò post Infantis mors gratiam nutricis extingueret, nec deinceps etiam Violantæ ipsius decessus fisteret felicitatem. Nam à moriente Dominâ commendata Principi marito, eo authore alterius postea conjugis Sanctiæ parem affectum experta est. Interim piscator Philippæ maritus moritur. Illicò Viduæ proci non obscuræ notæ inhiant. Sed Principi utrique placuit eam Raimundo cuidam locare. Hunc hominem gente Maurum, conditione servum, religione Mahumetanum emerat Raymundus Campanus Culinæ Regiæ præfectus; & in eo commoditatem morum ac miram quandam ingenii sa-

gacitatem ita adamare cepit, ut non tantum nominis sui Gentilitii, cum Christianis sacris hominem initiari curaret, sed postea etiam muneris, quod in aulâ splendidum habebat, participem faceret, cum ipse à Rege Carolo ad altiorem dignitatem eveheretur. Non multò post Maurus vestuario Regio præficitur; & Philippæ mox proculus, antequam cum eâ in manum conveniret, equestribus ornamentis, magnificâ solennitate à Rege, præfente præter cæteros ejus filio, Rege Ungariæ & conjuge ipsius, donatur, verba juramenti, quod ab Equitibus exigere solebat, præeunte Barenfi Archiepiscopo. Interim Carolus Rex moritur: succedit Robertus hætenùs Calabriae Dux, Violantæ olim & post eam Sanctiæ maritus. Is altior jam fortunâ, animo idem erga Philippam, hanc ipsam filio suo & nurui Mariæ Valesiæ commendat: quæ simul ut primo partu filiam edidisset, ea non alij, quàm Philippæ educanda traditur: ejusdemque recens natæ Principis familiæ universæ præficitur: maritus autem Philippæ, Raymundus ille, paulò post magnus Seneschallus Regni Neapolitani creatur. Quæ inter Regni ejus dignitates primaria & proxima Regiæ habetur. Bocacius rem hanc memorans tenere se non potest, quin exclamet: *O ridiculum, inquit, vidisse ex ergastulo servili ac nidore popinæ Æthiopem Roberto Regi inter primos Regalia obsequia exhibentem!* Sed non multo post acceptam hanc dignitatem honorum omnium & vitæ finem habuit

Raimun-

Rai
hin
in A
fert
ten
dest
gub
batu
occa
Nec
lio C
sic t
Spo
gisq
sequ
strat
filio
Sen
dece
mita
gim
nâ, i
quod
diad
obst
in d
neru
nant
cona

Raimundus, felici morte, quæ ipsum invidiæ & hinc secuturæ ruinæ subtraxit. Philippæ interim in Aulâ magis magisque evalescebat potentia. Præfertim quod Joannam, patre orbam, Robertus avus, tenerrimo amore prosequeretur, & hæredem sibi destinaverat. Tantò magis illa, & propter illam gubernatrix quoque Philippa, ab omnibus adorabatur. Et hæc tam bellam ambitionis explendæ occasionem nacta, pro arbitrio suo omnia agebat. Nec obfuit ei, quod Joanna paulò post Andream, filio Caroli Regis Ungariæ desponsatæ est. Nam & sic tamen potior illa semper apud Joannam, quàm Sponsus fuit. Quin illa hunc indies magis, magisque odisse capit, Philippæ magis magisque obsequi. Undè hæc & opes Regni & munia magistratum ad se rapiens, ac pro lubitu distribuens, filio suo Comitatum Ebulensem & simul magni Seneschalli munus, quod pater Raimundus nuper decessu suo vacuum fecerat, genero autem suo Comitatum Murfanum, pariterque rei maritimæ regimen tradit. Papa malè ferens Andream à Joannâ, instinctu Philippæ, contemptim ac porrò Regni quoque res perperam haberi, Andream Regio vult diademate insigniri. Philippa, quantum potest, obstat, Joannæ persuadens mariti coronationem in diminutionem ipsius cessuram, simul filium, generum, amicos & clientes instruens, ut sese opponant. Sed frustra fuit omnis contra nitentium conatus. Undè Philippa, Andream jam Regis potentiam

tentiam & vindictam metuens, tollendi Regis consilia init. Nec mora. Per Carolum Artum, quem Philippa magnum Chambellanum fieri curaverat, conscio filio, & genero Philippæ, conscio etiam Carolo Durasio & Mariâ Joannæ Sorore, injecto laqueo sericeo strangulatur Andreas Rex; occiduntur non pauci ministrorum aulicorum, qui prode-
re posse videbantur sceleris autores. Fama occisi Regis bacchatur illicò ex Urbe Principe in Regnum, & in Ungariam ipsam post delata excit Ludovicum Regem ad vindicandam Fratris sui mortem. Proceres Neapolitani & Papa ipse Reginam hortantur, ut severâ lege in autores sceleris animadvertatur. Joanna, ut sese à crimine absolveret, consentit in reos inquiri. Capti multi ex cubiculî Regii familiaribus, & inprimis Philippa, filius item Seneschallus, filia denique cum marito Comite Mursano, torturæ subjiuntur publicè, & omni inspectante populo. Postea crati impositi trahuntur nudi per vicos Urbis, & ut terrâ marique crudele spectaculum exhiberetur, tribus malis navalibus alligati, forcipibus candentibus carpuntur, scinduntur novaculis, igne lento ustulantur. Philippa inter hæc expirat, senili corpore tot & tantis cruciatibus non sufficiente. Sed mortuæ cor & viscera per carnificem abrepta, caput verò portæ Neapolitanæ impositum, reliquum corpus in cinerem redactum. Filia ejus post tot tormenta vivicomburio punita, Filius pariter ad ignem damnatus, diutissimè o-

manium

mnium se mbri sensit. Nam semitostum & semivivum jam populus per spurcissima quæque Urbis loca traxit. Postea cor ac viscera frustillatim direpta, tanto plebis furore, ut essent, qui ungvis ea, imò & dentibus invaderent. Hic finis Philippæ, & liberorum ejus fuit. Primos eorum successus insipientibus fateri oportet plus quàm matrem iis fortuna fuisse, si extrema, plusquam carnificem. Non abs re historiam hanc concludens Matthæus: *Quamdiu, inquit, hic mundus stabit, aget ibi tragædias suas fortuna, & palam faciet, se non alios artius amplecti, quàm quos suffocare velit.* Cæterùm eadem hæc aula Neapolitana non dissimilem minimum sub Joannâ II, in Pandulpho quodam & Caracciolo edidit, sed quia eum ex Collenutio & Scipione Amirato Clariss. Forstnerus in notis ad Tacitum, cum curâ annotavit, malo illuc legi, quàm â me recitari historiam.

CAPUT IX.

Vices Alvari Lunæ, Ducis Ossunæ,
Calderonii in Hispaniâ, item Ducis Lermæi & filiorum ejus.

Nunc mihi ab aulâ Neapolitanâ ad Hispanam lubet transire. In eâ præ aliis Alvarus Luna nobis occurrit, homo nothus, sed rarâ animi industriâ magnam sibi fortunam struere aptus.

Quam & apud Joannem Arragoniæ Regem struxit sibi maximam. Nam non tantum ordinis S. Jacobi magister, sed & magnus Regni Comestabilis factus est. Regem verò ita sibi addictum habuit, ut honorum, ut opum, ut pacis & armorum arbitrium uni ipsi permitteretur. Et cum ipse hic Regis amor odium apud alios in regno & extra Regnum ei concitasset, Rex ipsius causa non simultatem tantum cum Regina invidiamq; apud filium & proceres reliquos, sed & bella cum Patruclibus suscepit. Quid verò tandem? Ubi diu Vir hic omnibus aliis prahabitus fuerat, venit denique Regi seu amicitiae istus, seu odiorum, quæ propter illum à cæteris patiebatur, satietas. Hincque paulatim homini tergum obvertere capit Rex & fortuna; donec tandem in oppido Burgenfi captus, capitalique supplicio affectus, in foro per triduum ostentui fuit omnibus, veterisq; dicti sui adstantes mortuus & mutus admonuit, *non esse ædificium laudandum ante finem operis*. Ita enim responderat olim iis, qui fortunam ipsius impensius admirarentur ac prædicarent. Non multo meliorem fortunam in eadem Hispanorum Regum aula expertus est Antonius Perezus diu intimæ Philippi II. gratiæ usus, postea eadem ob Escovedi cædem, etsi conscio Rege patratam, exutus, & è carcere vix demum in Galliam elapsus, ubi exilii miserias morte finiit: de quo, si cui lubet plura legere, legat Thuani libr. 104. Ita post mortem Philippi

III, simul

III. , simul atque filius ejus Philippus IV. scepro manus admovit, Dux Ossunæ olim Pro-Rex Siciliae & postea Neapolis, in carcerem conjectus est: & Rodericus Calderonius ab infimâ quondam sorte ad potentissimam ac fastuosissimam (ita habet auctarium Chronologicum ad annales Baronii) auctoritatem evehctus, sed à multo jam tempore plurimorum atrocium criminum reus constitutus, capite damnatur, felicior piâ morte, quàm odiosâ vitâ, ut in eodem auctario Spondani legitur p. 77. Sed Calderonii hujus admirabile fatum si quis plenius cognoscere velit, consulat historiam Emanuelis Meterani lib. 41. sub anno 1621. Ubi & hec legget, ab eodem Philippo IV. Duci Lermæo, qui sub Patre Philippo III. omnia ad nutum habuerat, ademptos esse annuos redditus 70000. aureorum, filio ejus Duci de Vredâ aulae magisterium, alteri filio Comiti de Salvanâ præfecturam Srabuli Regii ereptam, & omnes Lermæi clientes, antehac fortunæ pullos & delicias, honoribus ac beneficiis omnibus dejectos.

CAPUT XI.

Vices Aulicorum Ministrorum in Gal-
liis. Engverrani Marini. Olive-
rii Damæ. Petri Brochia, Gvi-
siorum, Bironii, Ancrei. Luinei.
C s Svillii,

Svillii, Espernoni, Ornani, Bassompetri, Villa Regii, Momorantii. Mazarini.

Aula Hispanicæ Gallica plerumque contraria, & naturali quadam antipathiâ discors, Aulicorum tamen fluxâ & faciliè variabili conditione haud quaquam discrepat. Non est opis nostræ, nec instituti hujus enumerare omnes, quos Aula illa vice mirabili evexit depressitque. Sufficiet aliquos nominâsse. Engverranus Marinus flagrantissimâ apud Philippum Pulchrum gratiâ nihil non poterat in Regno Galliæ: at idem à Carolo Valesio, nescio quorum criminum, levium sanè anquisitus, in patibulo vitam posuit. *Oliberium Damam* Ludovicus XI. ex tonthrinâ in aulam vocatum, ad secretissima denique consilia & legationes gravissimas adhibuit. Sed mortuo Ludovico, ab iis, qui Carolum filium regebant, in furcam actus est: ut vitæ genere, sic exitu simillimus *Petro Brochia*, quem Philippi olim Regis favor summis pariter & opibus & honoribus cumularat: sed pariter tandem finis omnium fuit laqueus. Ex recentiori historiâ offerunt sese Gvisii, qui in Galliâ eò processerant autoritate, ut Regi ipsi essent formidabiles. Sed cum ambitioni eorum nihil jam impervium esse videretur, duo præcipui à sicariis percussi, insolentes spiritûs cum sanguine effudère. Offert se itidem *Bironius*, Vir ingens,

ingens , & in quo ornando virtus cum fortunâ contendisse visa est. Nam & magna ejus in Henricum IV. fuerunt merita, & meritis ipsius par sanè respondit Regis gratia. Eum enim Ducem, eum Parem, & Marefchalcum Galliæ, eum ordinis utriusque Equitem, eum Burgundiæ Gubernatorem fecerat. Sed ut merita ille sua nefariâ in Regem conſpiratione oblitteravit, ita exitium ſub clementiſſimo quàm libet Rege , & nihil magis quam conſervationem ejus optante, non effugit. Cervicem enim denique carnifici coactus eſt præbere, & quam triginta quinque vulnera, præliando accepta, non abſtulerant animam, unus infamis ictus exhaustit. Quid de Concino Marchione Anchreo dicam ? Ei ob modicos natales & rem tenuem nihil adeò altum ſpiranti, equus, quem Mariæ Medicæ, munus Sponſo ſuo dandum quærenti, donaverat, primum ad Aulam & gratiam Principis aperuit aditum. Ab illâ Equitis honorarii, deindè primi in aulâ Nobilis, mox & Mareſchalci Galliæ honorem obtinuit : poſtremò auctoritate & opibus adeo potens, ut eminentiſſimos quosque proceres ipſosque etiam ſanguinis Principes alto deſpiceret ſupercilio. *Si fortuna manſiſſet*, inquit de eo Gramondus, *nihil erat quod ſperaret, nihil quod timeret.* Undè cum aliquando capiti Reginæ, quæ ipſius humero innixa procedebat, velum ventus abripuiſſet, ludere auſus eſt familiaritèr, *non eget velo, quam anchora firmat.* Sed quantum cun-

cunq; firma sibi visa est hæc *Anchora*, in *Vitrio* reperit scopulum, ad quem frangeretur. Is enim procurante Luinæo, qui stante Ancreo statum publicum stare non posse Regi puero persuaferat; in ipso cubiculi Regii vestibulo, hominem exarmavit, & duplici glande transverberari iussit. Sed Luinæi quoque cujus machinatione Ancreus occidit, quale fatum fuit? Equidem populo Gallico æquè erat invisus atque Ancreus fuerat. Indè natum distichon ex nomine utriusque petitum:

Post atramentum data sunt absynthia nobis

Et dubium est, utra sit potio amara magis.

Interim diu satis negotia Galliæ ad nutum ejus gerebantur, & nemo non virum istic adorabat, quippe cujus ore pronunciare videbatur fortuna, quod cuique datum vellet. Neque dum vixit, dejectus est fastigio, quod tenebat: Attamen jamdudum ante mortem, imò & ante senectam ejus, concessit gratia Aulica, quâ olim floruerat, & forsân potentiæ suæ supersitem habuisset longior vita. Sed prævenit ille morte suâ naufragium fortunæ. Interim mors quoq; ejus veneficii suspitione non caruit. Et mirum est, quàm cum illo omnis ilicò clientum amicitia & fides defecerit. *Nondū exhalaverat animam*, (verba recito Gramondi) *cum defuere amici familiares, Medici & suppellex omnis. Statim desertum Luinæi limen, quiq; turmatim litaverant fortune adultæ, dum stabat, exsecrantur cadentem & abdicant. Quanta amicis fides, qui aulam sequuntur! Nemo ambiget, dum munera Coronæ omnia, dum Ecclesiastica*

Alica beneficia publicamq; ad libitum pecuniâ distribuebat Luinaeus, conciliaſſe ſibi largitione pleroſq; quos inter vix duo morienti oculos claudunt, reliquis egerantibus gratiam. Abbas Rouſſelains & Contadus mortuæ fortunæ litant, quod in aulâ rarum. Deficientibus ad juſta exſequiarum cereis, & ſyn-done, ære illi ſuo comparant. Poſſidebat, quæ in aulicis cadunt omnia, nec inventa in tantâ ſuppelleſtile carbaſus tumulando: in quo ſpirabant omnia, deſtituitur omnibus, exſpirat ſolus. O ſpectaculum! cui, (ſi Luinæi fortuna non ignorabitur) vix ſit fidem habitura poſteritas! fluxam aulæ fortunam! triſte humana vitæ ſpeculum! cui ſi ſe attentius introſpiciunt Aulici, ſpernent quæ tanti faciunt, honorem inſtabilem, familiarum decora, divitias & luxum. Memorat ibidem Gramondus, cum Burdigalam veheretur cadaver, non fuiſſe, undè merces ſolveretur fæminis, quæ viſcera Luinæi ſanie & tabe polluta laverant. Denique verò ſine omni ſplendore & apparatu agro, cui â Luinæo nomen erat, illatum cadaver. Quòd ſi porrò magnorum Aulæ miniſtrorum Svillii, Eſpernonii, Ornani, Baſſompetri Mariliacorum, Villa Regii, Mazarini Card. aliorumque ejusmodi fortunam variam exponere vellem, ſub copiâ rerum laboraret oratio. De Duce tamen Suillio, poſt mortem Henrici magni, ſub quo theſauri curam geſſerat, officiis & honoribus ſuis valedicante, pretium operæ videtur, carmen hîc apponere, quod mihi in Galliis agentis amicus quidam ſuggeſſit. Eo Dux ille ærarium Regium ita alloquitur:

*O Domus ! ò mihi bis senis arx amplius annis
 Custodi regnata ! ò invidiosa Moneta
 Templavalete Dea ! pertæsum mittite rerum
 Et me privata securum reddite vita.
 Ille ego sum, qui Regis opes, Regniq; capaci
 Pectore complexus tenui, cui publica censu
 Aucta novo certum debet fortuna tenorem.
 Hactenus & justis constans rationibus arca
 Infantis Domini. Cura solertis honores
 Præmiq; ampla tuli: sub Rege potentia magno
 Magna mihi crevit ; simul hæc extincta cruento
 Illius occasu cecidit, meaq; omnis eodem
 Invidia extincta est fato, quâ sæpe minati
 Exitium mihi non pauci, dum publica sector
 Commoda, & unius Domini moror unus amorem,
 Securus procerum, & popularis nescius aura,
 Propositiq; tenax. Tandem mala cura facesse,
 Jam mihi stat navem tuto subducere portu.
 Publica res, quid profuerim magè fortè carendo
 Agnoscet, populiq; scient, tam gratia sera
 Atq; odio succedet amor : sed gloria tanti
 Non mihi sit satis patriæ quæsitæ malignis.
 Dii facite, ut regni constet fortuna, labare
 Non illam videam, neque me desideret illa.*

Sed cum Svillio hoc non adeò malè transegisse vi-
 detur fortuna, quæ non invitum à munere difficil-
 limo & invidiæ plenissimo liberavit. Asperius ea-
 dem fortuna Henricum Monimantium habuit,
 quem inexorabilis justitiæ rigor sub Ludovico

XIII. vi-

XIII
 sex
 buli,
 jores
 Iustri
 xam,
 erat
 ctus:
 Rich
 haud
 aviti
 tum
 te eg
 mul
 Regi
 Auli
 ra fu
 hæc
 gii p
 earu
 prop
 vinc
 præc
 bus,
 est.
 tam
 stan
 phiu
 circu

XIII. vitâ exuit. Antiquissimâ is ortus familiâ, sex Marechalcos Galliæ, quatuor Comites stabuli, omnes optimè de Galliâ meritos, inter majores suos numerabat. Conjugem duxerat ex illustri Ursinorum gente, Medicæ familiæ innexam, ipsius Gallorum Reginæ neptem. Pro-Rex erat Galliæ Narbonensis: maris prætereâ præfectus: (& cum id munus postea, jussu Regio, cederet Richelio Cardin.) in compensationem hujus, aliis haud exiguis à Rege præventibus donatus. Sed avitis jam opibus potens, magnis multorum clientum studiis, ubique colebatur. Et Martiâ virtute egregiam sibi apud omnes famam pepererat: multis præliis, & victoriis pulcherrimè de Rege & Regno meritus. Non effugere hæc invidiam apud Aulicos, qui jampridem ægrè spectabant Viri decora superbo Uxoris generi copulata. Sed vicisset hæc omnia virtute suâ; nisi Matris Fratrisque Regii partibus sese applicuisset, præcipuus tandem earum contra Regem & Cardinalem Richelium propugnator. Quibus deindè victoribus, ipse in vincula datus, & Tolosæ, frustrâ Fratre Regio, & præcipuis Galliæ Proceribus pro ipso deprecantibus, anno 1632. 3. Cal. Novembr. capite plexus est. Multam passim commiserationem Viri tantam immane supplicium, multa & ingenia ad testandum dolorem excitavit. Inter alia Epitaphium Gallico sermone cum in Galliâ essem, circumlatum vidi, quod etsi facinus ejus aliquan-

tum

tum elevare videatur, quia tamen fragilitatem humanam inculcando, ad argumentum nostrum facit, Latine à me Versum hîc lubet apponere. *Disce viator, inter rerum humanarum incerta nihil certum te habere, quàm mortem. En sepulchrum hoc præbet Tibi exemplum. Continet id Henrici Mommorancii cineres. Nomen viri arguit nobilitatem sanguinis, vita fortitudinis merita, mors inconstantiam fortune. In genere ipsius expendenda Regii sanguinis vincula, in fortitudine victoria terrâ mariq; partæ, in fortunâ, ambigua cuius ante mortem felicitas. Autores generis primi Eadem plantarunt in Galliâ. Successores eandem sanguine irrigarunt, ipse suo defendit. Postremò ille Carnificis manu vitam. supplicio suo familiam finit. Facinore multos pares. penâ paucos habuit. Unici fratris Regii querelis aures, manus ejusdem servitio præbuit. Aliud secum ignoscendo ipsi quæviscet gloriam, nostrum, puniendo quævit. Accusa magis fortunam, quàm actionem ejus, & si misericordia tibi dolorem excitat, cave eum lingua aut oculi ostendant. Bene precare, & abi.* Communicatum quoque tum mihi ab amico epigramma, quod alludebat ad statuam Henrici IV. extantem in aræ Tholosanâ, in quâ filius Henrici Magni Ludovicus XIII Mommorantium decollari jusserat. Verba carminis, quod juveni mihi recitavit amicus, jam quidem exactè non memini, cæterùm sensum habebat talem:

Ad Patris statuam. Nati implacabilis irâ,

Ante diem indignâ morte manuq; cado.

Illorum ingemuit neuter, mea fata videndo;

Ora Patris, Nati pectora marmor erant.

CAPUT

Vic

SE
Sm
te

num

dixer

istic

Nam

vices

Auli

cos a

hos

fato

vina

bita

setur

post

tem

quit

depi

quo

char

dat

MUNDI
CAPUT XII.

49

Vices Ministrorum Aulicorum in Angliâ, Thomæ Mori. Volſei. Eſſexii. In Sveciâ Theodori. Georgii Petri.

Sed tempus est, ut ex Galliâ in Angliam trajiciamus, insulam multâ cæli sui terræq; benignitate felicem, sed eandem variis pariter mutationum quasi fluctibus obnoxiam. Oceano similem dixeris, quo circumluitur. Nolo hic Regum, qui istic variâ fortunâ regnârunt, reficere casûs. Nam jam alibi nonnullorum mirabiles memoravi vices, & quis omnium referre queat? Intra Aulicos jam subsisto, & horum etiam nonnisi paucos aliquot attigisse satis erit. Inter paucos verò hos non possum reticere Thomam Morum, et si fato ejus nihil vulgò notius esse videatur. Sed Divina hominis Virtus à fortunâ in terris malè habita meretur, ut in ore posteritatis perpetuò versetur. Is vir quali ingenio fuerit ex paucis, quæ post se reliquit, scriptis colligi potest, cognosci autem perfectissimè ex Erasmo, qui ab Hutteno Equite Franco rogatus, vivis coloribus virum totum depinxit. Sed breve jam nobis elogium sufficiat, quo idem hic Erasmus Morum in epistolâ ad Richardum Virfordum Britannum scriptâ commendat: *Non arbitror, inquit, nisi me vehemens in illum*

D

fallis

fallit amor, unquam naturam finxisse ingenium hoc uno presentius, promptius, oculatius, argutius, breviterque, dotibus omnibus absolutius. Et oportuit utique magnum ingenio & virtute fuisse, qui ad Cancellarii dignitatem in Angliâ, viris summis tùm abundante, pervenerit. Felix judicari poterat, quem non tam fortuna, quam virtus singularis tanto in culmine videbatur posuisse. Felix quoque Anglia, cujus consilia & negotia potissima in tanti viri dexterrimâ prudentiâ innitebantur. Neque facile eundem ulla res prosperos ejus successus turbâset, si Dominum habuisset, æquè ut ipse erat, virtutis & conscientiæ reverentem. Sed iste ut amoribus inhonestis indulgebat, ita iisdem ab aliis volebat applaudi. Atque inprimis legitimæ uxoris repudium, quod non aliâ ex causâ Regi placuerat, quàm ut alii magis adamatæ locum faceret, à præcipuis Ministris & Consiliariis approbati jubebat. Quod cum facere per conscientiam se non posse diceret Morus, carceri primùm includitur. Nimirum ita hominis animus sperabatur molliri posse, ut libertatem corporis libertati animi ac honesto præferret. Perstat ille in sententiâ, etsi eam capitalem sibi fore intelligeret. Non movère virum minæ, non movère carissimorum etiam capitum blanditiæ. Ferunt filiam, puellam egregiis animi corporisque dotibus præditam, & ipso Patre magistro bonis literis non vulgariter imbutam, illi è carcere ad supplicium prodeunti, occurrisse aliquoties,

quoties,
ferrin
ipse i
quam
inter
ejus,
cari,
exem
simill
tus, a
servat
gis &
Ex Sa
Ebor
Regn
eund
dit ab
læ op
indè
ut alt
amor
malor
ut of
suâ m
placit
mine
ceri i
in iti
flâsse

quoties, ut moriturum amplexaretur. Ille miserrimè ejulantem Christianissimis solatiis erigit, ipse immotus, & de capite suo non magis sollicitus, quam si de alieno ageretur. Atque ita paulò post, inter ardentes pro ipso etiam Rege & Ministris ejus, etsi ipsi adversis, preces, innocens collum securi, Orbi universo aeternum invictæ constantiæ exemplum præbuit. Illi ævo compar, moribus dissimillimus fuit *Thomas Volsæus*. Is lanio Patre natus, animum genere dignum in summis honoribus fervavit. Pro virtute ei fortuna fuit, quæ cor Regis & in eo omnia homini prona ac pervia fecit. Ex Sacellano Regio Licolniensem primùm, hinc Eboracensem Antistitem, mox & Cancellarium Regni, & denique Cardinalem vidit Anglia, sed eundem etiam tantis dignitatibus superbissimè vidit abutentem. Nullus splendor fastum ejus, nullæ opes avaritiam explere poterant. Amores subindè mutanti Regi turpissimè adulatus, eò excrevit, ut altius non posset. Tum denique fastidium in amoribus Regium, cui hætenus serviverat, ipse malo suo experiri capit. Nam paulò post Henricus, ut ostenderet omnem istam hominis fortunam suæ manûs figmentum esse, nec nisi quamdiu ipsi placitum esset, splendere posse, uno momento hominem omnibus ornamentis exuit, tandemque carceri inclusit: fortè nec majora effugiturum, nisi in itinere dum Londinum duceretur, animam efflâisset. A Volsæo ad *Essexium* Comitem pergo.

Quantus ille sub Henrico, tantus hic sub filiâ Henrici Elisabethâ fuit. Sed genus huic illustre & Regiæ stirpi aliquomodò innexum, dignasque porrò natalibus virtutes à primâ juventâ exeruerat. Magnum quoque decus & robur à matrimonio habuit, quippè Leicestrium adeptus socerum, à quo Reginæ commendatus, eo denique gratiæ processit, ut omnes Aulicos familiaritate Reginæ anteiret. Ordini Georgiano & sanctiori consilio 23. ætatis anno insertus est; præfectus item exercitibus, nullis, quantumvis sinistris, bellorum successibus favorem Reginæ amisit. Ceterum cum & hanc & in eâ fortunam ipsam jam possidere sibi videretur, subiêre vitia felicitatis, contemptus & oppressio aliorum. Populi militumque favori enixius studuit, quàm solent, qui Principibus suspecta esse norunt ingenia nimium civilia. Denique in ipsam quoque Reginam contumax, nec post leviores castigationes melior, imò efferatus magis, cum multum clientum numero & plebis studiis fideret, apertè consilia coquere capit, adversus statum præsentem, obtentu potentiæ adversariorum suorum, quam, ut intolerabilem sibi, vellet accîdere. Sed antequam maturesceret nefaria machinatio, enotuit: captusque cum sociis Essexius iudicio sistitur, cogitati sceleris convincitur, veniam tamen apud Reginam, veteris benevolentia adhuc tenacem, reperturus, si quærere voluisset. Sed ille nescio quâ horribili pertinaciâ cle-

clen
pern
stin
illi
secu
Sve
illiu
dor
de t
fule
Reg
tam
set
igno
cen
que
Eric
tera
adm
ne &
tra
hoss
Ad
qua
fixi
den
dep
stre
Jac,

clementiam spreuit, imò dicere est ausus, *se jam sine pernicie Regina vivere non posse.* Monstrosâ hâc obstinatione irritata Princeps suo illi olim delicio, illi adedò ab omnibus adorato fortunæ pullo, caput securi jussit præcidi. Si Danorum porrò, ut & Svecorum excutere annales luberet, multa etiam illius aulæ ludibria afferri possent. Inter alia Theodorus occurreret, quem Christiernus Daniæ Rex de tonsore Legatum ad Pontificem, postea Præfulem Lundensem, post Scarensem, tandem & ProRegem Sveciæ fecit. Sed cùm ex obscuro ad tantam dignitatem elatus, superbè & crudeliter egisset, Regno Svecico ejectus, Hassniæ postea ad ignem damnatus & exustus est, ut Ioannes Loccenius refert lib. IV. hist. Suec. Notabile quoque est quod Georgio Petri in Sueciâ contigit. Is Erico ab epistolis cum esset, omnia apud eum poterat, præcipuus libidinum & flagitiorum ejus administer. Ericus deinde à fratribus suis Joanne & Carolo, tum affine etiam Magno Saxone intra Regni metropolin obsessus, Ministrum illum hostibus dedit, hâc quasi victimâ hos placaturus. Ad castra deductus Georgius duabus rotis circumquaque tractus, præcisis auriculis & ad furcam adfixis, ipse etiam vivus per horam in patibulo pendens, gratum militi spectaculum præbuit, & inde depositus, cruribus ac brachiis rotâ contusis, postremo in quatuor partes dissectus est, ut refert Jac. Aug. Thuanus lib. 43.

Vices Ducum & Ministrorum Aulicorum in Poloniâ. Scarbimiri. Toporovii, Dunini. Sboroviorum, Corecii, Zolkievii, Ducum Moldavorum.

Peregrinas hætenus pervagati aulas, minimè sanè Polonicam præterire debemus. In hac equidem paulò minùs fortunæ in Purpuratos videtur licere; quia non est ibi ea Regum potestas, ut faciliè sola, arbitrio suo, infelices reddere possit. Non damnat hic Rex quenquam Nobilium, nisi legibus interrogatum & de Procerum sententiâ condemnatum. Nemo itaque faciliè perit, nisi multorum calculo dignus judicatus, ut pereat. Sed antiquioribus tamen seculis, ut minus circumscriptum erat Principum gubernamen, ita plura Aulicorum naufragia. Sub Boleslao Crivousto summa Scarbimiri Palatini Cracoviensis potentia & autoritas fuit: parta ipsi tum dexteritate ingenii, tum rebus domi forisque bellè gestis. Sed fortunâ suâ ebrius, principis gloriæ suam antehabuit: nimius ostentator facinorum suorum, alienorum obtreçtator; Inque Principem ipsum obliquus & contumax, tandemque in apertam rebellionem erupturus, nisi à Principe fuisset præventus

ventus. Hic hominem & honoribus cunctis, & denique oculis privavit: & ut tanto major labes reo inureretur, dignitas ipsa, quam gesfit, immixta. Nam ex eo tempore solus in Poloniâ Palatinus Cracoviensis Castellano suo semper posterior est. Sub Patre Crivousti multum Secechi Toporovii virtus enituerat: & ipsi Crivousto adolescenti rector datus, strenuè eidem ad præclaras res edendas præivit. Sed ambitione postea & Crivousto & fratri ejus Sbignéo exosus redditus vim extremam non effugisset, nisi Pater principum Vladislaus, bello quodammodò cum filiis suscepto, hominem defendisset. Jam Petri Dunini quæ sub Vladislao secundo Crivousti filio fuit fortuna? Is ex Daniâ oriundus, singulari morum elegantia prudentiaque animi Crivoustum supra modum sibi devinxerat: ejus benignitate ad opes & Comitatum Scrinnensem evectus. Et derivatus ex Patre in filium favor est, adeò ut apud Vladislaum II, Crivousti primogenitum non minùs in deliciis esset. Sed Principis conjugem Christinam adversam habuit, eo quod subindè Principem cum fratribus suis, quos Christina persequabatur, conciliare niteretur. Accessit liberius dictum, quo proriorem Christinæ erga Dobessum quandam perstrinxerat affectum, Principis joco provocatus, quippè qui prior uxori Petri inhonestam cum Abbate Scrinnensi familiaritatem objecerat. Christina à marito de Petri facetiâ admonita, Dobessum subornat, qui

hominem captum in Aulam adduceret: & mox marito persuadet, ut capto oculos effodi, lingvamque præcidi juberet. Sed ad recentiora tempus ipsum nos invitat. In quibus primùm delibabimus, quæ parentum nostrorum memoriâ in duobus nobilissimæ familiæ viris contigerunt. Ambos magnitudine animi insignes diversâ causâ abripuit, alter enim miserè ob eadem Senatoriam, alter in bello Turcico bis captus, gloriôsè interiit. Prior est Samuel Sborovius, vir ut genere, sic animo magnificus. Avis natus, qui primis in Poloniâ functi fuerant honoribus. Fratres habebat plures. Quorum unus Palatinus Cracoviensis, alter Marschalcus Regni, tertius Castellanus Gnesnensis & militiæ Aulicæ præfectus erat. Ipse ingenio manuque acer, nihil mediocre pariter spirabat sperabatque in Republ. Sed obstruxit luminibus suis nimio in æmulos odio atque impetu iræ, quâ percitus Vapovium Castellanus Premisliensem occidit, factus ita & infandæ cædis & læsæ Majestatis reus. Quippè in coronatione Henrici Regis, nec procul à palatio & Rege ipso facinus patraverat. Quare debitum capitis supplicium ut effugeret, in Ungariam secessit. Ibi cum esset, cum Stephano Batoreo noticiam contraxit, eique inter primos autor fuit suscipiendi Poloniæ Regni, quod tùm abitu suo Henricus Valesius capite orbaverat. Et potitus voto est Stephanus, fratribus Sborovii Arenuam ei apud Ordinem Equestrem

navam.

navantibus operam. Sed hi postea sua erga Regem merita ferocius ostentando pro gratiâ odium retulerunt, periculoso inprimis certamine cum Zamoscio commissi, quem potiori apud Regem loco esse indignè ferebant. Samuel Regis novi gratiâ fretus, ventitabat subindè in Poloniam, quâ interdictum ei erat, & inter suos versari liberius, denique etiam, cum à Rege Samoscium præ Zboroviis foveri intelligeret, in Regem loqui cæpit intemperantius. Quæ res ei tandem capite constitit. Rex enim ferociæ Sborovianæ impatiens, Samoscio seu mandavit seu permisit, severâ cum proscripito lege agere. Is itaq; Præfectus Cracoviensis cum esset, jure suo usus, Samuelem non procul tùm Cracoviâ inter suos pergræcantem comprehendi, nec multò post capite multari jubet. Ita iste male dicere desiit Regi, & Samoscio, at non desierunt fratres ac cognati, quorum ingens & numerus & potentia erat. Sed & hi denique senserunt difficilem cum Principe luctam esse. Nam & frustrâ industriam fatigârunt, opesque attriverunt: & unus eorum Christophorus cæteris acrior vix effugit, quin fratri, cujus vindicias spirabat, pari supplicio parentaret. Venio jam ad alterum Samuelem Ducem Corecium, extra Patriam suam & in meliori causâ infelicem. Hic antiquis Lithuaniae Rusiæque Ducibus progenitus, animo indomito summa omnia à teneris unguiculis agitabat. Et datis fortissimæ indolis speciminibus non suam tantùm gentem, sed vici

nas paritèr in sui admirationem arrexir. Inprimis virtutem ejus suspexit Jeremias Muldaviæ Princeps, adeò ut filiam ei suam locaret. Offensus tali Jeremiæ in Polonos affectu Turcarum Tyrannus missò exercitu hominem Muldaviâ suâ expellit. Restituit eum Corecius, à Michaële Duce Visnovecio altero Jeremiæ genero, aliisque Russiæ proceribus adjutus. Sed restitutum paulò post vita destituit : filium relictum Turcæ denuò invadunt ejiciuntque, translato in Tomsam Moldaviæ Ducatu. Arma iterùm capessit Visnovecio sociatus Corecius, & mox Visnovecio, ferventibus jam armis, mortuo, solus ille Tomsam impugnat, prælioque vincit. Sed labentem Tomsæ fortunam duo Bassæ Turcici excepère, & valido exercitu Polonos aggressi, victoriâ potiuntur, ipsumque Corecium ab aliis jam ferè desertum, sed vehemente illo, quo agebat omnia, spiritu, hosti & fortunæ suæ cum paucis adhuc obnitentem capiunt, mittuntq; Constantinopolin. Ibi cum ad festivam triumphipompam quæreretur, miro fati favore absconditus, effugit ludibrium, & paulò post Græci cujusdam astutiâ è captivitate liberatus, in Italiam, atque indè in Patriam rediit ; totus adhuc arma & vindictam de Turcis sumendam spirans. Cumque diu occasionebus magnâ impatientiâ inhiâisset, tandem Stanislaum Zolkievium virum fortissimum in Moldaviam malo suo fato secutus est. Hic enim exercitus Polonus ab ingenti Turcarum ac Tartarorum

rum multitudine circumdatus, & quod pessimum, à Duce & seipso discors, Cannas reperit; Dux supremus Zolkievius cæsus, Stanislaus Coniecpolscius captus, captus & Corecius noster, ac Constantinopolim deductus est. Sed Coniecpolium post triennem captivitatem Zbarasiana liberavit legatio; Corecius Dux, quod antea custodum industriam dolo eluserat, ne eluderet iterum arcto & ærumnoso carcere diu afflictus, ac denique strangulatus est. Non aliter nimirum se Turcæ ab hoc Leone tutos esse putârunt, quàm ubi mortuum vidissent. Factâ jam Moldaviæ mentione, non alienum esset, fato principum ejus terræ, utpotè Regno Polonico vicinæ, olim etiam prorsus innexæ, paulò diutius immorari. Et nulla profecto ditio est, ubi æquè crebris mutationibus sibi ludos faciat fortuna. Sed rudis literarum natio non habuit nec habet ingenia, quæ sortem Principum suorum, cumque iis Provinciæ ipsius exponant. Polonici scriptores subindè de iis aliquid annalibus suis aspergunt: quia non pauci etiam Ducum seu Palatinorum ejus Provinciæ, & auctoritate Polonorum instituti & armis restituti fuerunt. Miras certè Ivoniæ, Constantini Mohilæ, Bogdani, Alexandri, Tomzæ, Gratiani legimus vires. Et quæ his temporibus inter Basilium Lupuli, & Logofetum certamina luctæque fuerint super Principatu, ex famâ constat. Mihi alibi hæc non transeunda, hoc loco jam latius persequi non est animus:

animus: quia procerum ac Aulæ Ministrorum, quales recensere caperamus, fortunam excessisse videntur illi Duces, & casus eorum totas provincias implicuere. Tales autem vicissitudines ad illarum mutationum classem pertinent, quibus non tam singuli homines, quam totæ hominum societates sunt obnoxia.

CAPUT XIV.

Vices in Societate domesticâ ex variis causis. Familiarum præultrium interitus.

SOcietales cum sint multifariæ, primaria tamen, & cæterarum velut Mater domestica est, quâ intra unius familiæ limites liberi & Parentes, Domini & serui, & omnia quæ communi istorum curâ operaq; aut aliis modis parta sunt, comprehenduntur. Hujus uti progenies, sic complementum est societas civilis, quæ multarum familiarum catûs in unius pagi, Civitatis, provinciæ, Reipubl., Regni, Imperiive consortium colligit, certisque legibus devinctos regit. Cum quâ nexu indissolubili cohaeret Ecclesiastica, homines vinculo Religionis, quo nullum arctius sanctiusque est, connectens. Quam comitatur Scholastica, cæterarum quoddam quasi seminarium, homines liberalium studiorum communione socians. Nobis singulas istas societates oculo saltem tralatitio fas
fit

fit lustrare : ut quam omnes illas communis rerum humanarum alea verset, clariùs appareat. Ac primum domesticam videamus. Quæ quia paucorum Caputum plerumque est, fortè casuum varietatibus minùs videri queat opportuna. At experientiam si consulas, non aliud variabiliorem reperies campum. Est, ubi thori facunditas, docile liberorum ingenium; & optati eorundem in virtute ac honestis laboribus progressus delectant animos. Latitiam pariunt occupationes quotidianæ & opera manuum nostrarum, ubi ea favor caelestis quasi ferente vento videtur provehere. At quâ in domo gaudia ista ita mera & illibata sunt, quin aliquo tristitiæ quasi felle admixto subindè amarescant? Quis enim casuum domesticorum inire numerum, aut percensere genera possit? Num rarò evenit, ut orto incendio domus conflagret, ut fur parietem perfringat aut suffodiat, ut fidem fallat debitor, ut greges & armenta contagio invadat, ut sementem, messemve aut villicus malè administret, aut aëris inclementia corrumpat? Jam quas sæpè nubeculas animis vicinorum importunitas offundit? quas sobolis & familiæ regimen facessit molestias? Quoties accidit, ut liberi degenerent? Quod si domestici etiam omnes officium faciant, quas curas tamen creant iidem, cum morbis detinentur, adeoq; nec suam nobis ritè navare operam possunt, & nostras curas multis subindè querelis gemitibusque interpellant? Quod si porrò earum aliquod atque
utile

utile membrum domûs, vel ipsum Caput morte abripitur, quanta illicò animorum, quanta rei ipsius familiaris oritur metamorphosis? Sed ipsa illa mors nonne totas quoque stirpes & familias, si non uno ictu, at minutatim tamen & quasi carpendo aufert? Nec istas tantum proletarias, sed splendidas & vetustis majorum imaginibus gloriaque fulgentissimas. Adeò ut quæ antea multâ egregiorum facinorum, multâ & honorum luce in illustri Reipubl. theatro, nituère, prosapia, postea deficiente sobole, prorsùs extingvantur, & solâ in memoriâ hominum aut fide annalium vivant vigeantque. In ipso hoc nobilissimo Poloniae Regno quot extingarum prælustrum familiarum numerare possem cadavera? Ubi enim jam Zbarascii, Ostrogii, Zaslawii, Pruncii, Korecii? Ubi Tęczynii, Kmitæ, Gorceani, Rithvani, Huiſcii? Ubi Dorostaiscii, Krzepicii, Gamrati, Gastoldi, Rzeszovii, Cemæ, Jaslovecii, Strusii, Curoſvancii, Schidłovecii? Ubi alii, quos longa referre mora est? Certè ipse hic adeò & multarum & illustrium familiarum interitus jamdudùm viris prudentibus insignem aliquam in ipsâ quoque Republ. mutationem visus est portendere. quanta jam terræ huic incubet, commemorare nec licet, nec necesse est. Nimis enim omnium oculis res ea, fervente cum maximis hostibus bello, est exposita: & nihil aliud ubique jam cuncti, vel audimus, vel loquimur. Alioquin utique vel sola hæc rerum nostrarum metamorphosis multas no-

bis

bis ja
omn
nis, c
mate
aliqu

Vic

I Ps
Im
vit
gred
tatio
Impe
crem
tiat ?
perp
possi
Vers
terna
torn
auto
quoc
aut
diut
veni
men

bis jam paginas implere posset, & prælustre nobis omninò documentum præberet rerum vicissitudinis, cui maxima etiam Regna sint obnoxia. Sed hanc materiam supra cap. VI. libavimus, & porro jam aliquot exemplis illustrabimus.

CAPUT XV.

Vices Rerumpubl. Judaicæ, Romanæ,
Prusicæ.

IPsâ rerum serie monemur ab angustioribus Domuum familiarumque spaciis ad augustius Civitatum Rerumque publicarum theatrum transgredi. Enimverò hîc demum in ipsissimum mutationum ingredi videor Oceanum. Quod enim Imperium tam statæ tranquillitatis est, ut non incrementorum simul & decrementorum vices sentiat? Ut nullæ res mortales magnam illam & se perpetuò circumagentem fortunæ rotam evitare possunt, ita minimè evitare possunt Respublicæ. Versat illas inevitabilis fatorum vis, versat vis externa, versat interna tam Regentium quàm Subditorum vitiositas. Sed & in ipsis quoque illis, ceu automatis quibusdam, latet nescio quid occultum, quod eas perpetuò mobiles facit, & aut ascendere aut descendere cogit. Ita aut nulla iis, aut non diuturna quies datur, etiam cùm ad summum pervenisse videntur. Solem in Auges signo ultrà momentum stare posse negant: ita Imperiis Regnisq;

vix aliquantillum in fastigio datur consistere. Bene Paterculus: *Difficilis imperfecto mora est; naturaliterque quod procedere non potest, recedit.* Et Seneca Pater: *Fati maligna perpetuaque in omnibus rebus lex est, ut ad summum perducta rursus ad infimum velocius quidem quam ascenderunt, relabantur.* Illustr: Savedra sagittæ similitudine rem adumbrat, quæ aut ascendit aut decidit, in statu nunquam manet. Ipsa illa sanctissima Judæorum à Moyse instituta Respublica, quas quæso mutationes subiit? Quam pulchrè illa sub Josuâ aliisque nonnullis Judicibus effloruit? Sed quibus subindè quoque vicinorum contumeliis vexationibusque fuit obnoxia? DEO identidem hostes immittente immorigeris, ut ad resipiscentiam sui oblitos revocaret. Abiit deindè hæc Respubl. in Regni formam, & ab uno Capite gubernari capit. Sed diuine sic quoque in tranquillo mansit? Egregium juventæ florem Saulus ei addidit, robur virile David, divitias & pacis fertilitatem Salomon. At sub filio ejus Roboamo pulcherrimum illud corpus in frustra discerptum, & mutuis postea collisionibus ita fractum ac debilitatum est, ut tandem Regum externorum potentia cervices necesse habuerit submittere. Postremò denique, cum in missum cœlitus Servatorem, & ejus assèclas atrocissimè sævissset, tota penitus concidit, metropoli Hierosolymâ per Titum Vespasianum eversâ, & Templo splendidissimo, religionis Mosaicæ præcipuâ hætenus sede, fundi-

tus

tus ex
olim
nam
quæ i
& suc
Ardu
re, &
Judæ
quar
temp
sacro
que v
inter
Sadd
batur
filio
racu
blas
mur
mè
arde
puk
ranc
b9, l
Hie
stis
Pau
Cæ

tus exciso. Præcessere hanc antiquissimæ & DE O
olim unicè dilectæ tum Urbis, tum Reip. rui-
nam omnis generis flagitia, permittente fato, ut
quæ in perditionis præceps rucbat, mereri omninò,
& suo sibi jumento accersere videretur interitum.
Arduum fuerit, omnes scelerum colores exprime-
re, & fusè satis descripti sunt à Josepho, homine
Judæo, sinceroque satis narratore earum rerum,
quarum ipse pars magna fuit. Cæterum, erat eo
tempore ingens ibi religionis confusio, regimine
sacrorum extra cancellos suos errante, & plerum-
que venali. Atque id porro pravis, & ut plurimum
inter se dissonis interpretum legis, Phariseorum,
Sadduceorum, Scribarum detorsionibus perverte-
batur. Venienti cælitus Magistro Veritatis, DEI
filio præcludebantur aures, divinis ipse mi-
raculis negabatur fides, beneficiis odia, calumniæ,
blasphemix, persecutiones rependebantur, extre-
mum deniq; supplicium mortis, summè atrox, sum-
mè ignominiosum innocenti, & salutem omnium
ardentissimo studio querenti, infligebatur. In Disci-
pulos quoq; ejus, quantumvis vi Divinâ pariter mi-
randapatrantes sæviebatur flagellationibus, carceri-
bus, lapidationibus. S. Jacobus frater Christi, Episcopus
Hierosolymæ, vi omnium bonorum consensu ju-
stissimus, de fastigio templi præcipitabatur. Nec S.
Paulus Apostolus suprema ibi effugisset, nisi ad
Cæsaris tribunal provocasset. Porro Civile etiam

E

regimen

regimen ibidem omnimodè vacillabat. Romano Imperio non aliâ ratione parebatur, quàm quia arduum & periculosum erat, resistere. Interim non cessabant plerique quærere rimas, per quas illâ servitutis, ut interpretabantur, caveâ elaberentur. Herodis Ascalonitæ sævisimam experti erant dominationem, & tamen non paucium, ut futurum Judaicæ libertatis vindicem suspicere caperant. Nec erga posteros ejus, etsi minus potentes, defuere studia: & eò magis intendebantur, quoties aliquis illorum in Christi Domini assecclas stringebat gladium. In Præsides Romanos obliqui penè omnium animi, subinde & in Seditiones ac latrocinia, intra & extra Urbem, Ducibus variis, erumpebant. Et illi ipsi præsidēs plerumque cumulandis magis nummis, quàm exercendæ justitiæ invigilabant. Sic & legum, in turbido semper stato obtusa acies, auxilium utique invalidum erat. Quid mirum, si tali rerum facie, omnium scelerum colluvies, & scelerum denique merces panditæ urbis & Reipublicæ secuta est? Deo iram suam in perditissimæ gentis flagitia eò cumulatius effundente, quò pluribus ante beneficiis singularem curam & benevolentiam illi erat testatus.

Jam ipsa illa Judaicæ Reipubl. vastatrix, & deletrix, *Terrarum Dea, gentiumque, ROMA* an immunis fuit ab hac mutationum aleâ? quàm illustribus victoriis proximas primùm gentes, mox Italiam totam, & denique Orbem penè universum per-

perdon
vére
sum?
tus ist
miserr
perpet
Anno
buit?
rias pl
nonné
ferro
regim
omni
Taciti
Roman
sulatur
meban
Tribun
Cinnæ
tentia
stum c
princip
tius
res p
servit
norur
volut
Vand
fieret,

perdomuit? Sed quot clades quoque interpellavêre identidem felicitatis & victoriarum ejus cursum? Nonnè Gallorum aliquandò gladio mactatus istic Senatus? nonne urbs tota igne ac ferro miserrimè vastata est, &, ne aut nulla esset, aut perpétuùm serviret, uni civi suo debuit Camillo? Annon postea Annibal aliquot annis Italiæ incubuit? Nonnè idem Trebias, Thrasymenum, Cannas plurimo Romanorum sanguine nobilitavit? nonnè ipsas propemodum Romæ portas hostili ferro pulsavit aliquoties? Ipsâ autem forma regiminis quoties istic mutata est? Optimè omnium, brevissimèque id nos magnus docet Tacitus, qui sic Annales suos orditur: *Urbem Romam à principio Reges habuere: Libertatem & Consulatum L. Brutus instituit. Dictatura ad tempus sumebantur: neq; Decemviralis potestas ultra biennium, neq; Tribunorum militum Consulare jus diu valuit. Non, Cinne, non Sylle longa dominatio, & Pompeji Crasq; potentia cito in Cæsarem, Lepidi atq; Antonii arma in Augustum cessere, qui cuncta discordis civibus fessa, nomine principis, sub imperium accepit. Quot Tyrannos potius sequentibus deinde, annis quàm Imperatores passa est? Quibus calamitatibus, quid in servitute extremum esset, experta fuit? Quâ benorum malorumque vicissitudine tandem eò devoluta est, ut barbararum gentium, Gothorum, Vandalorum, Longobardorum spoliis & prada fieret, DEO ulciscente crudelitatem, quâ in fide-*

les Filii sui affeclas multis seculis defævierat. Sed ut propiora non prorsus intacta relinquam, nonnè hæc ipsa Prusia multas variasque experta est periodos? Gravissimis certè olim incursionibus Lithvanorum concussa, & denique à Boleslao primo Polonorum Rege ad qualemcumque tributi tolerantiam redacta fuit. Postea sibi iterùm reddita, gravis esse cæpit Masoviis. Hi verò suæ sibi defensionis impares adscivère Cruciferos: quorum armis diu afflicta hæc terra, tandemque sub jugum quodammodò missa est. Quod cum illa longissimo annorum tractu tolerâsset, tandem Urbes majores, & his juncti nobilium ordines Casimiri III Polonorum Regis potens patrociniū amplexi, in hanc, quâ hodiè gaudet, Politix formam, magnâ laborum calamitatumque bellicarum patientiâ, auspiciibus Ducibusq; Poloniæ rectorib; sese asservère. Quas dein Terra hæc orto superioribus annis bello Svetico vices subierit, multi meminère: quas & nunc denuò, fatis urgentibus, subeat, omnes videmus. Adderemus hic, loco corollarii, mutationes Belgicas, nisi eæ à magnis scriptoribus traditæ, passim ab omnis coloris hominibus legerentur.

CAPUT XVI.

Migrationes gentium. Mutationes
lingvarum. Morum & bellorum
vices.

Cate-

CÆterùm cùm ad publicum Provinciarum Regnorumque Statum migrationes gentium plurimùm habeant momenti, eas quoq; non omninò præterire oportet silentio. Sed copiosum hoc argumentum est, & magnis id libris Viri insignes percoluere. Cumq; multa dixerint, plura tamen aliis dicenda reliquere. Quod si autem aliquem breviter succinctèq; de eo dicentem audire lubet, audiatur Seneca. Cujus locum etsi longiusculum ex libro ad Helviam Matrem non pigebit adscribere.

„*A caelestibus, inquit, te ad humana converte. Videbis*
 „*gentes populosq; mutasse sedem. Quid sibi volunt in me-*
 „*diis Barbarorum Regionibus Græcæ Urbes? Quid inter*
 „*Indos Persasq; Macedonicus sermo? Scythia & totus ille*
 „*ferarum indomitatarumq; gentium tractus Civitates Achææ*
 „*Ponticis impositas littoribus ostentat. Non perpetuæ*
 „*hyemis sævitia, non hominum ingenia ad similitudinem*
 „*celi sui horrentia transferentibus domos suas obstiterunt.*
 „*Atheniensis in Asiâ turba est. Miletus LXXV. urbium*
 „*populum in diversa effudit: totum Italiæ latus quod infero*
 „ *mari alluditur, major Græcia fuit. Tuscos Asia sibi*
 „*vindicat. Tyrii Africam incolunt. Hispaniam Peni-*
 „*Græci se in Galliam immiserunt, in Græciam Galli. Pyre-*
 „*næus Germanorum transitus non prohibuit. Per India*
 „*per incognita versavit se humana levitas. Liberos, conju-*
 „*ges & graves senio Parentes traxerunt: Alii longo errore*
 „*jactati, non judicio elegerunt locum, sed lassitudine proxi-*
 „ *mum occupaverunt. Alii armis sibi jus in alienâ terrâ fe-*
 „*cerunt. Quasdam gentes cum ignota peterent, mare hau-*

3 sit; quædam ibi confederunt, ubi illas rerum inopia depo-
 3 sut. 3 ex omnibus eadem causa relinquendi quærendiq; Pa-
 3 trism fuit. Alios excidia Urbium suarum, hostilibus ar-
 3 mis elapsos, in aliena, spoliatos suis, expulerunt. Alios do-
 3 mestica seditio submovit: alios nimia superfluentis populi
 3 frequentia ad exonerandas vires emisit: alios pestilentia,
 3 aut frequens terrarum hiatus, aut aliqua intoleranda in-
 3 felicitis solivitia ejecerunt, quosdam fertilis oræ & in ma-
 3 jus laudatæ fama corrupit: alios alia causa excitavit domi-
 3 bus suis. Illud itaque est manifestum, nihil eodem loco
 3 mansisse, quo genitum est. Assiduus humani generis
 3 discursus est. Quotidiè aliquid in tam magno orbe mu-
 3 tatur. Nova Urbium fundamenta jaciunt: nova gentium
 3 nomina, extinctis prioribus, aut in accessionem validioris
 3 converfis, oriuntur. Omnes autem istæ populorum trans-
 3 portationes, quid aliud quam publica exilia sunt? Quid
 3 tam longo te circuitu traho? Quid interest enumerare
 3 Antenorem Patavii conditorem, & Evandrum in ripâ
 3 Tiberis Regna Arcadium collocantem? Quid Diomedem
 3 aliosque, quos Trojanum bellum victos simul victoresq; per,
 3 alienas terras dissipavit? Romanum Imperium nem-
 3 pe autorem exulem respicit: quem profugium captâ Patriâ,
 3 exiguas reliquias trahentem necessitas & victoris metus
 3 longinqua quærentem in Italiam detulit. Hic deindè po-
 3 pulus quot colonias in omnes Provincias misit: ubicunque
 3 dicit Romanus, habitat. Ad hanc commutationem loco-
 3 rum libenter nomina dabat, & relictis aris suis trans maria
 3 sequebatur colonus senex. Res quidem non desiderat
 3 plurium enumerationem; unum tamen adjiciam, quod
 3 in

3 in
 3 mu
 3 reli
 3 sul
 3 est.
 an na
 taten
 incon
 deina
 milit
 idem
 dam,
 rum
 Rom
 ties
 denig
 lant
 sit.
 expu
 semp
 per
 sequ
 tant
 & m
 pau
 alite
 res
 sanè
 ribu

in oculos se ingerit. Hæc ipsa Insula sæpè jam cultores
mutabit. Ut antiquiora quæ vetustas abduxit, Phocide
relictâ, Græci qui nunc Massiliam colunt, prius in hac In-
sulâ confederunt. Ex quâ quid eos fugaverit, incertum
est. Utrum caligravitas, an præpotentis Italiæ conspectus,
an natura importuosi maris? Nam in causâ non fuisse feri-
tatem accolarum eo apparet, quod maximè tunc trucibus &
inconditis Galliæ populis se interposuerunt. Transiverunt
deindè Ligures in eam, transierunt & Hispani, quod ex si-
militudine riuûs apparet. Eadem enim tegumenta capitum,
idemq; genus calceamenti quod Cantabris est, & verba quæ-
dam. Nam totus sermo conversatione Græcorum Ligu-
rumque à patrio descendit. Deductæ deindè sunt duæ Civium
Romanorum colonie: altera à Mario, altera à Syllâ. To-
ties hujus aridi & spinosi saxi mutatus est populus. Vix
deniq; inuenies ullam terram, quam etiam nunc indigenæ co-
lant. Pernixta omnia & instituta sunt: alius alii succes-
sit. Hic concupivit, quod alii fastidio fuit. Ille unde
expulerat, jectus est. Ita fato placuit, nullius rei eodem
semper locostare fortunam. Hactenus Seneca, quem
per majorem Orbis partem nos circumducentem
sequi non piguit. Cæterùm non loca tantùm mu-
tant populi, sed subindè etiam linguas, habitum,
& multò magis mores. Romani profectò haud
paulo aliter Tarquiniorum ævo, aliter Catonis,
aliter Augusti temporibus locuti sunt. Jam mo-
res eorum quantum & quoties mutavêre? Alii
sanè fuêre primis seculis, cum quid velut ex pasto-
ribus indomitum spirans populus de territorii su-

limitibus tuendis cum finitimis Italiæ nationibus, mox de Italiâ totâ, & denique, procedente fortunâ, cum Carthagine, de Orbis imperio certavit. Alii mores paulò post, cum jam ad summum potentix culmen Urbs provecta, inter servitutis instrumenta etiam Reges numeraret. Alii denique, cum eadem Roma felicitatis suæ molem non capiens, ex ambitu & luxu nimio in bella civilia, & exindè in servitutem delapsa est. Quod in Romano populo contigit, idem in aliis gentibus contingisse & adhuc contingere, facile si opus esset, ostendi posset. Sed res nimis liquida est, & à nemine vocatur in dubium. Antequam verò à regimine civili abeamus, de belli quoque vicissitudinibus dicendum aliquid videbatur. Belli enim res ad Statûs publici administrationem pertinent. Jam si usquam in re certè militari magnæ & admirabilis casuum varietas est. Quod multis utique exemplis clarum, manifestumq; est. Et vel nostrum hoc bellum, cujus brevia ante lineamenta dedi, sufficere nobis potest, ne ulla alii amplius testimonia aut documenta requiramus.

CAPUT XVII.

Vices in statu Ecclesiæ antiquissimæ.
Sub Imperatoribus Ethnicis, Christianis.

TAndem à regimine Civili ad Ecclesiæ res transimus. Has verò variis pariter mutationibus agitata

tatas
temp
quili
ante
mili
illud
erat
mer
Isaac
Ægy
egre
stea
que
belli
tis p
secu
gnar
nem
Mar
brev
igne
Ma
exte
mat
nes
thol
ing
Col
rum

tatas nemo ignorat. Nam si antiquissima primum tempora respicere libeat, quæ istic unquam tranquilla Ecclesiæ sedes fuit? Quâ pace fruebatur ante diluvium, cum illi in unam propè Noachi familiam redactæ Gigantes, terræ & filii & domini, illuderent? Et paulò post cum tota, quantacuncue erat, arcæ erat inclusa, & in aquis cæterum orbem mergentibus natabat? Nonnè eadem in Abrahamo, Isaaco, Jacobo assidue peregrinata est? Nonnè in Ægypto gravissimæ servitutis jugum, indè verò egressa, acerbissimam deserti solitudinem tulit: postea refocillata nonnihil, mox iterum afflicta, denique verò malorum Principum infandis moribus, bellisque civilibus agitata, in Babylonice captivitatis præcipitium ruit? Hinc reversa, post aliquot seculorum, plures autem fortunæ circuitus, magnam illam, auspice DEI filio, Crisin conversionemque subiit. Ubi sparsò per Orbem beatorum Martyrum sanguine lætissimè disseminata, & post brevem quietem iterum in exilium, carceres, ignes, furcas, ire iussa est: donec sub Constantino M. ad Imperii clavum pervenit. Felix visa, nisi à vi externâ tutam assertamque, interna litium, Schismatum, hæresum venena infecissent. Quis enim nescit, hoc illud tempus esse, quandò Patrum Catholicorum cum Arrio exarsère certamina? cum ingemuit Orbis, & Arianum se esse admiratus est? Collisa tùm vehementer Ecclesia, vix multo annorum decursu ad quietem redire potuit: & postea,

cum

cum acquieviffe ſibi videretur, alia atque alia, videntidem ſchifmata & hærefes ſubortæ ſunt, quæ deinde in atrociffimos tumultus, ſeditiones, bella, regnorum & Rerumpublicarum mutationes erupere. Ardentem his flammis Orbem Chriſtianum jam duo penè ſæcula videre & fortasſe plura videbunt. Ac hæ ipſæ Chriſtianorum diſcordiæ ut primò januam aperuere Mahometis teterrimi impoſtoris doctrinæ & potentiæ, ita hodieque eidem fulera & incrementa præbent. Verèque hæc ſunt tempora, quibus ſoluti è vinculis Sathanæ inſtitu, Gog & Magog, tum & de quatuor mundi angulis excitæ gentes dilectam Civitatem (Eccleſiam) & Caſtra Sanctorum oppugnant.

CAPUT XVIII.

Vices in artium emporiis: & ipſis artibus: quæ migrarunt ſubinde de loco in locum, nec eadem ſemper æquè florent.

VERùm ab Eccleſiæ theatro ad artium officinas deſcendamus. Quas & ipſas quin communis ille rerum & mundi circulus variè rotare aliquandò ſoleat, nemini cruditorum dubium aut obſcurum eſt. Si non aliis urgentur, fatiſ, tamen Imperiorum, in quibus poſitæ ſunt, fortunam ſequuntur. Publicæ ſcilicet felicitate viſcunt, bellis aut aliis malis ingruentibus deſolantur, vel ipſâ
etiam

etiam vetustate exolefcunt. Neque mirum est Scholarum vices esse ejusmodi, cum artes quoque & disciplinæ ipsæ à variis mutationibus non sint immunes. Nam primùm de gente in gentem migrant. Primis mundi seculis intra Patriarcharum familias clausæ, postea ad Chaldaeos & Ægyptios profluxêre. Indè ad Persas & Indos, mox ad Græcos sunt progressæ, inter quos non maximis tantùm auctibus locupletatæ, sed indiversos etiam sectarum velut alveos fuerunt dispersæ. Et artium illud Palladium, in istius quidem gentis custodiâ diutissimè omnium mansit: ibi pegasus, ibi aquæ Castaliæ, ibi Parnassus Musarum sedes;

— *Vates ibi factus Apollo.*

Nostro ævo omne illud literarum decus in Graciâ periit, præclarique illi scientiarum fontes inaruêre. Itali, Galli, Hispani alique populi Occidentales magisterium illud sapientiæ ad se jampridem traxerunt, ipsi etiam subindè inter se de principatu certantes. Iisdemque Septemtrionum quoque filii, si non ingeniorum acumine, saltem industriâ palmam facere ambiguum conantur. Sed aliud præterea fatum est, quod artium studia patiuntur. Cum enim non unius generis illæ sint, sed in multas quasi regiones ille disciplinarum Orbis dividatur, rarò certè, aut nunquam eæ omnes simul parique curâ coluntur. Fuêre secula, in quibus merè caelestium corporum contemplationi mortales invigilârunt,

cate-

cæterarum artium rudes & incuriosi. Socratis ductu à celo in terras, à speculationibus ad morum & vitæ civilis disciplinas conversi sunt animi. Generatim verò humana Sapientia, in plurimis imperfecta, in multis prorsus despicens & gravissimorum errorum facibus contaminata ita magnam Orbis partem occupatam tenuit, ut de rebus divinis aut parum sollicita esset, aut pessimè sentiret. Postea Divinæ scientiæ ita vicissim evaluère, ut aut obliterarent aut corrigerent philosophiam. Alicubi tamen, cum ut bonarum segetum, sic spinosarum quæstionum magnus inter eruditos proven-
tus luxuriaret: tandem istarum quoque fastidium multis mortalium venit, & in Academiis plerisque à subtilium speculationum acuminibus ad linguarum artiumque humaniorum culturam denudò flexère ingenia. Quamdiu his quoque vigor ac pretium suum manurum sit, nemo facilè dixerit. Senectam equidem iis & periodum instare, multi nec vani augures præfagiunt.

CAPUT XIX.

Alexandria olim mater artium, Athenæ. Academia quot in Italiâ, Galliâ, Germania. Doctissimi subindè loca mutavère, uti Aristoteles, Herodotus, Franciscus Petrarcha, Georg. Buchananus, Isaacus Casaubo-

nus, Alciatus, Iustus Lipsius, Gerhard. Vosſius.

SED redeo ad ſapientiæ officinas, quarum excidia à me explicari ante capta, in exemplis magis patebunt. Copioſiſſimo artium omnium proventu Alexandria olim beata & clara fuit: ſic ut ejus potiſſimum cauſâ Ægyptus Mater artium ſit appellata. Hodiè nescio an ullum Scholæ veſtigium illis. Athenas non magis res geſtæ, quam artes ſapientiæ olim nobilitarunt, undè & Græciæ muſæum, & Græcia Græciæ Urbs illa fuit nuncupata. Noſtro ſæculo Athenæ aut nullæ, aut prorsus illiteratæ, minimè certè Atticæ ſunt. Maſſilia Galliæ Urbs olim literarum alumna fuit, nec Gallis tantum, ſed & Romanis ipſis frequentata, undè Julio Agricolæ C. Taciti focero ſedes ac magiſtra ſtudioſorum fuit. Nunc quod ſciam, nihil illic memorabile geritur in literis. Verùm iſtis in locis artium ſplendor extinctus eſt, ita alibi tantò lucculentius effuſit. Habet Gallia, cujus pars Maſſilia eſt, ſedecim Academiæ, Italia undecim, viginti ſex Germania, viginti duas Hiſpania, duas Anglia, tres Polonia, Pruſſia hæc noſtra unam, ſed præter hanc alia non pauca Gymnaſia & Scholaſſatis celebres. Neque enim Septemtrionem quoque hunc carere literarum luce Deus voluit: quam ejusdem Clementia non perennare tantum ſed & magis magisque eniteſcere velit, rebus omnibus,

bus, quæ ad salubre disciplinarum ac pietatis incrementum pertinent, largiter suppeditatis. Is imprimis literarum nobis Mecænates conservet, sub quorum patrocinio non vigor tantum sed & honor ac pretium est ingeniis artibusque honestis. Idem quoque dignos identidem submittat operarios, eosque qui sunt conservet, ac talibus locet stationibus ubi quamplurimum prodesse possint. Hujus enim rei, uti omnium cæterarum, dispositio, Divino maximè comperit arbitrio. Quod dum homo sequitur, nulla eidem mutatio acerba, nulla apud alios invidiosa vel est vel esse debet. Certum est enim, faciem, quam rebus humanis literati præferunt, ita uni loco affigi non posse, quin aliò quoque eam interdum transferri oporteat. Divinus Plato studiorum causâ Athenis in Italiam, ex Italiâ in Ægyptum migravit: ter in Siciliâ fuit, ibidemque varias fortunæ vices expertus est. Magnus Aristoteles Athenis relictis in aulam Macedonicam, indè denuò Athenas se contulit, tandem verò hinc quoque in Chalcidem profectus, reliquum vitæ istic transegit. Herodotus ex Patriâ Halicarnasso in Samum Insulam, indè iterum in Patriam, denique verò Thurium, quæ Atheniensium colonia est, concessit, ubi & historiam suam & vitæ fabulam finivit. Nec recentioris ævi sapientes eodem semper in loco manserunt. Franciscum Petrarcham aliquot annis Romæ, aliquot Neapoli, aliquot Parmæ, aliquot Aveniome, aliquot deni-

deniq
nan
merar
Gram
nedo
in Ga
Burd
cum C
egreg
plinâ
tholic
iterum
ctis, F
ctuten
& jux
mâ M
ritus.
mò G
bonas
co IV
biblio
que v
comm
quin
episto
mium
morte
eloque
(ideni

denique Patavii vixisse reperio. Georgius Buchananus Vir sanè inter primicerios eruditorum numerandus, cum Scotus esset, in Galliâ primum Grammaticam docuit. Indè in Patriam cum Kennedo Comiteredux factus, exacto ibi quinquennio in Galliam rediit, ubi primum Lutetiæ, deindè Burdigalæ literas professus: hinc in Lusitaniam cum Goveano evocatus, studiis istic renascentibus, egregium lumen capit affundere. Postea Disciplinâ S. Francisci, cui se addixerat, & Ecclesiâ Catholicâ desertâ, in Galliam rediit, ubi quinque iterum annis in Caroli Cossæi contubernio transactis, Patriæ tandem post liminiò redditus, hic senectutem institutioni Jacobi Regis tùm pubescentis & juxta historiæ scribendæ impendit, quâ de formâ Matris Regiæ & fide Catholicâ pessimè est meritus. Isaacus Casaubonus Clarus eruditione, primò Genevæ, postea in Academiâ Monspeliensi bonas literas docuit. Indè Lutetiam ab Henrico IV. ob res gestas Magni nomen adeptus. Ad bibliothecæ Regiæ curam evocatus est, denique verò in Angliâ Jacobo Regiæ operam suam commodas, satis concessit: rediturus alioquin denuò in Galliam, quod ex quadam ejus epistolâ colligo, fortè & ad Ecclesiæ Catholicæ gremium, ad quod vilius dudum erat adspirare, nisi morte fuisset præventus. Alciatus Jurisperitorum eloquentissimus, eloquentium Jurisperitisimus (id enim elogium, à Cicerone olim Scævola tribu-

tum,

tum, Lilius Gyraldus Alciato confert) quatuor minimum locis docuit Avenione, Biturigibus, Ticini, Bononiæ. Quo nomine ille se non tantum veniâ sed & laude dignum judicat. Veniâ, quia ærumnis bellicis loci mutatione se subduxerit: laude, quod nullum in locum nisi amplissimis præmiis invitatus venerit. Ita enim ipse in Oratione Ticini habitâ de se, ut refert Cl. Minos sub emblemate 142: *Quamplurimi, inquit, vestrum optime sciunt, ut bellicamilitatibus ejectus relicta Patriâ trans Alpes profectus sim. Ibi professorio muneri addictus aliquot annos summâ cum gratiâ moram traxi. Quod an illorum humanitati tribuam, an qualibuscunq; studiis nostris non satis scio. Triacertè magnifica hac in disciplinâ tribus in celeberrimis Gymnasis mihi contigerunt, quæ nescio, quod citra arrogantiam dictum sit, an cuiquam alii. Primum ut Avenione, cum nunquam ad eam diem cathedram adscendissem, stipendium sexcentorum mererer, & ætate longè impar, senioribus tamen æquarer: alterum in Biturigibus, quorum liberalitate, ipso Rege adjudante, secundo quàm eo veneram, anno duplicatum mibi est honorarium, & mille ducentiq; præstiti: tertium est, quod tam à longinquis partibus in Patriam ab Excellentissimo Duce nostro accersitus, Senatoriâ dignitate ornatus, hanc accessionem ne quidem cogitans, tantum abest, ut petierim sim consecutus. Hactenus ille. Ad propria ut accedamus tempora Justum Lipsium Jenensis primum Academia, postea Leydana, deniq; Lovaniensis aluit, Erycius Puteanus Mediolani primum docuit, postea Lipsii locum Lovanii occupavit,*

quatuor
 gibus, Ti-
 tantum
 eniâ, quia
 erit: lau-
 s præmiis
 one Ticini
 mate 142:
 ut bellica
 fectus sim,
 ummâ cum
 mitati tri-
 scio. Tri-
 imis Gym-
 rogantiam
 ione, cum
 stipendium
 ioribus ta-
 liberalitate,
 anno dupli-
 præstiti:
 Patriam ab
 dignitate
 tantum ab
 lle. Ad
 ipsum Je-
 na, deniq;
 olani pri-
 occupa-
 vit;

vit, & parum abfuit, quin indè Bononiam se per-
 trahi pateretur. *Joannes Gerhardus Vossius*. Dordrech-
 tani primùm Gymnasii Rector, deindè Seminarii
 Hollandici, quod Leidæ est, Regens, postea Profes-
 sor ibidem, denique verò Amstelodamum transla-
 tus est, ut novum istic Gymnasium incomparabili
 eruditione suâ & famâ illustraret.

CAPUT XX.

Adversa eruditorum, Trapezontii,
 Hermolai Barbari, Philippi Comi-
 nei, Collenutii, olim Aristotelis. Pli-
 nii Majoris Criniti, Sabellici.

PRæter istas verò migrationum vices, alias quo-
 que mutationes subeunt identidem eruditi.
 Agam primò de adversis, quibus subindè con-
 sistentur. Neque enim ab his Numen cultores
 Sapientiae voluit esse immunes. Fortè, quòd uti
 omnis virtutis, sic studiorum stimulus & quodam-
 modò nutrix est calamitas: vel etiam, quia homi-
 nes sapientiam profectos dignos maximè judicat,
 cum quibus metuenda collidat: vel denique, quod
 ferendis malis non alios magis sufficere posse exi-
 stimat. Quicquid sit, tantus sanè numerus, tanta
 & varietas est malorum, quibus literatos subindè
 affectos legimus, ut hæc tristis Ilias *Pierio Valeria-*
no, viro longè doctissimo, argumentum fecerit sin-
 gularis

gularis libelli. Qui ut titulo ipso, ita tractatione totâ nihil aliud quàm infelicitatem eruditorum spirat & loquitur. Quanquam multos etiam calamitosos, quos ordo literatus habuit, prætermittit, verè enim intra sui, aut suo proximi temporis, Italiæque suæ viros literatos constitit, nullâ aut certè permodicâ aliorum, qui extra patriam ejus, aut anterioribus sæculis vixissent, factâ mentione. At omne ferè ævum, omnem etiam populum cultiorem, literati, non ingeniis tantum, sed calamitatibus quoque suis insigniêre. Plurimis doctrinâ suâ de aliis publicè, & privatim benè meritis, pro statutis, aliisque præmiis, quæ grati olim Magistratus dare talibus soliti sunt, odium, contemptum, calumnias repositas, & usque reponi videmus. Scimus, quam gratiam pro laboribus suis retulerit Georgius Trapezuntius vir sanè doctissimus, quem invidia æmulorum Româ Neapolim exegit, ut in vitâ ejus, quam filius Andreas descripsit, habetur. Non ignoramus etiam fatum Hermolai Barbari, laudatissimi tam innocentia vitæ, quàm Eruditione Patriarchæ Aquilejensis, qui, ob hoc ipsum Sacerdotium à Decemviris Venetis, possessionibus suis & patriâ exutus, & in exilio vitam pudendâ inopiâ, & tandem peste finivit. Inter omnes vitæ civilis & historiarum peritos clarum est nomen Philippi Cominei, viri genere & dignitate illustri. Aurei enim Velleris eques, & primum Carolo Burundo, postea Ludovico XI. Galliarum Regi con-

tinuus

tinuus
conjec
nocen
tanden
agit ill
lissima
torsêr
phi Co
& Græ
tur. I
monun
ranno
Pierius
lorum
viros e
teris d
quosda
tyricur
machi
tractur
sas in f
vocen
renus P
—
O
E
Ipse m
contin
febre,

tinuus carusque fuit. Sed is tandem in carcerem conjectus, & ab omnibus desertus, ipse causam innocentiae suae egit peregitque. Absolutus enim tandem est, sed ingrati animi reos, post fata etiam agit illos, qui tantum Virum, & tam insignem utilissimae historiae conditorem triennali captivitate torsêrunt. Verùm miserabilior fuit fortuna Pandulphi Collenutii Pisaurensis Juris-Consulti, Latinis & Graecis literis pereruditi, uti à Leandro appellatur. Hunc enim post elaborata non pauca ingenii monumenta, à Joanne Sfortiâ Pisaurensium Tyranno in carcere tandem strangulatum, Jovius & Pierius Valerianus perhibent. Sed ut variis malorum formis, ita & causis diversis afflictos subindè viros eruditos legimus. Quosdam ipsa sua in literis diligentia morbos debilesque reddidit : quosdam & perdidit. Persium doctissimum Satyricum vigesimo nono aetatis anno vitium stomachi abstulit, haud dubiè ex nimio studio contractum. Hortensius ingens Orator, dum Causas in foro ageret, in medio Orationis cursu, dum vocem nimis intenderet, ruptus est. De quo Seneca Poëta :

— *Causis etenim confectus agendis*

Obtuit, cum vox Domino vivente periret,

Et nondùm extincti moreretur lingua palati.

Ipse morborum maximus debellator Galenus ex continuo scribendi legendique labore correptus est febre, eademque vigilandi assiduitate somnum

amisit, ut in vitâ ejus refert Gesnerus. Superiori seculo Adrianum Turnebum virum sanè in literis præclarum, studia intempestiva in phthisim & exindè mortem immaturam præcipitavêre. Aliquantò benignius egit natura cum Guiljelmo Budæo, qui diutius quidem, sed non sine miserabili valetudinis incommodo vixit. Totis enim quatuordecim annis continuis vix propè tres se noctes dolore capitis vacuas habuisse, ipse in quâdam ad Erasmus epistolâ conqueritur. Valetudinis imbecillitatem assiduè penè deplorat in epistolis suis Justus Lipsius. Jam curiositas & insatiabilis in rerum obscurarum inquisitione cupido, nonnè summos doctrinarum Duces sustulit? Principem utique ingeniorum Homerum, cum datum â piscatoribus ingeniosum responsum interpretari non posset, concepto indè mærore animi, exspirâsse memorat Valerius Maximus & Plutarchus. Aristotelem, cum meditando assequi nequiret, quâ naturæ vi Euripus uno *ῥοχθινέῃ* fluxum suum septies reciprocaret, in ægritudinem incidisse perhibent, è quâ nunquàm convaluerit. Quanquam Censorinus in libello de die natali aliam morbi causam affert, quam, quia à capto argumento non abludit, referre, operæ pretium videtur. *Aristotelem, inquit, ferunt naturalem stomachi infirmitatem, crebrasq; morbidi corporis offensiones ad eò virtute animi diu sustentâsse, ut magis mirum sit, ad annos sexaginta tres vitam potuisse, quàm ultra non protulisse.* Cum Censorino facit Dionysius Halicarnassensis, & Apollodorus

Athe-

Athe-
sius.
vitâ,
super
vigili
Dicta
his S
majo
Bibli
orber
descri
mon
bat,
tanto
alioq
adun
penè
ex vi
Paul
Joan
Latin
Ang
sâ v
alter
fusu
mi a
cum

Athenienſis, & poſt iſtos Petrus Joannes Nunneſius, accuratæ eruditionis vir, qui in Ariſtotelis vitâ, quam eximio commentario illuſtravit, hoc inſupèr addit, morbum illum ventriculi ex aſſiduïs vigiliis & nunquam intermiſſis literarum ſtudiis Dictatori iſti Sapientiæ attractum eſſe. Duobus his Sapientiæ Autoribus meritò adjungo Plinium majorem, præclarum illum Naturæ, ut ſic dicam, Bibliothecarium. Quem, cum incredibili ſtudio orbem ſuperum inferumque luſtrare, poſterisque deſcriptum relinquare aggreſſus eſſet, Veſuvius mons, cujus incendia penitùs perveſtigare cupiebat, favillis ſuis ſuffocavit. Dolendi ſunt iſti tantorum Virorum exitus, at pudenda mors viri alioquin celebratiſſimi M. Antonii Sabellici, Enneadum ſcriptoris, qui productâ ad ſeptuageſimum penè annum ætate, morbo Gallico ut vocant, quem ex vulgiva gâ Venere contraxerat, decceſſit, ut poſt Paulum Jovium, & Pierium Valerianum refert Joannes Gerardus Voſſius in libro de Hiſtoricis Latinis. Idem, Petrum Crinitum, clarum ſatis Angeli Politani Diſcipulum, cum poſt cænâ, rixoſâ vernilitate cum convivâ quodam petulantiori altercatus eſſet, ab eo aquæ frigidæ cantharo percuſum obriguiffe, & accedente ex contumeliâ animi ægritudine, in ipſo mediæ ætatis vigore, vitam cum morte commutaſſe, memorat.

CAPUT XXI.

Eruditi multa patiuntur à Zoilis. Sæpè inter se rixantur, & scriptis se mutuò fatigant.

AB istis literatorum miseriis, quibus ipse amor sapientiæ ut occasionem dedit, ita laudem vel veniam conciliat, ad alias jam propero. Ac primùm illam levi manu tango, quam, qui inter eruditos procaciores sunt, sibi & aliis concinnant. Dùm nimirùm mordace ingenio & stylo calumniatore, suam simulque publicam literarum quietem turbant. Qualium hominum omnibus seculis copiosissima seges fuit. Et maximis quibusque literarum luminibus hæc scabies malorum ingeniorum molesta fuit. Jam olim Homerus, quem doctrinarum fontem sapientum omnium consensus appellavit, Zoilum suum habuit, qui quod summi viri carminibus flagellandis omnem suam operam impenderet, Homeromastygis nomen retulit: dignum sanè sordidissimo labore præmium. Cui & alterum, quod ille à Ptolomæo Rege Ægyptio reportavit, egregiè respondit. Ei enim, cum libros suos, quibus Homerum conspurcare quæsierat, offerret Zoilus, & pulcherrimi scilicet operis luculentam aliquam mercedem diu frustrà expectaret, tandem hoc responsum, lepidum sanè & peracutum accepit; *mirari Regem, cum Homerus jamdudùm*

anor-

mortu
doctio
defuer
Lemni
bis sæp
salibus
quocu
is ut a
dit. P
exempl
Comad
cet) sal
tum a
Non p
æa loc
tes ex
ftiorem
ista ini
& ma
laudat
istam
cum in
peram
riam j
nenato
per ea
tari es
vires e
quàm

mortuus tot hominum millia aleret, Zoilum egere, Homero doctiorem, quippè quem toties argueret. Nec Socrati defuerunt obtrectatores. Ne enim Antiochum Lemnium, ne Antiphonem nominem, quam acerbis sæpè Aristophanis similibusque Comædorum salibus perstrictus est in publico. Ut nimirum sic quoque patientia viri exerceretur, quam equidem is ut alibi, sic in istâ etiam arenâ graphicè ostendit. Pulchrè de eo Seneca: Respiciamus inquit, eorum exempla, quorum laudamus patientiam; ut Socratis, qui Comædiarum publicatos in se & spectatos (in theatro scilicet) sales in partem bonam accepit, risitque non minùs, quam cum ab uxore Xantippe immundâ aquâ perfunderetur. Non possum, quin & alterum de Socrate Senecæ locum non minùs elegantem adducam: Socrates ex illo carcere, quem intrando purgavit, omnique honestiorem Curiâ reddidit, proclamat. Quis iste furor? quæ ista inimica Diis hominibusq. Natura est? infamare virtutes & malignis sermonibus sancta violare? Si potestis, bonos laudate, si minus tacete. Quod si vobis exercere tetram istam licentiam placet, alter in alterum incurstate. Nam cum in cælum insanitis, non dico Sacrilegium facitis, sed operam perditis. Præbui ego aliquandò Aristophani materiam jocorum: tota illa Comicorum Poëtarum manus venenatos suos sales in me effudit. Illustrata est virtus mea per ea ipsa, per quæ petebatur. Produci enim illi & tentari expedit: nec ulli magis intelligunt, quanta sit, quam qui vires ejus laceffendo senserint. Duritia silicis nulli magis, quam ferientibus nota est. Præbeo me non aliter quam rupes aliquam

aliqua in vadoso mari destituta, quam fluctus non desinunt, undecunque moti sunt, verberare: nec ideo aut loco eam movent, aut per tot aetates crebro incurſu ſuo conſumunt. Aſſilite, facite impetum, ferendo vos vincam. Romanæ Hiſtoriæ Principem Saluſtium, quia Pompejum oris probi, antimo indercundum appellaverat, Libertus Pompeji, Lenæus mordaciſſimâ invaſit Satyrâ. Sed nec ipſe aliis pepercit Saluſtius. Notum enim eſt literatis, quam acerbus fuerit in Ciceronem: malè ferens viri magnitudinem, quâ ſuam obrui credebatur. Cicero autem iſte quot alios prætercâ habuit detractores? Aſinius Pollio elumbem & exanguem dixit: mortemque ejus in hiſtoriâ ſuâ malignè, teſte Senecâ patre, narravit. Sed hic idem Seneca alium quoque Ciceronis hoſtem nobis memorat Ceſtium quendam. Qui quoniam ob ſuas in Eloquentiæ Romanæ parentem calumnias, bellè & prorsùs ex virtutibus ſuis ornatus eſt, eò magis juvat apponere, quæ de eo Seneca refert: *Ceſtius, inquit, homo naſutùſſimus; & mox: Erat autem nullius quidem ingenii, Ciceroni verò etiam infeſtus. Quod illi non impunè ceſſit; nam cum M. Tullius, filius Ciceronis, Aſiam obtineret, homo, qui nihil ex paterno ingenio habuit præter humanitatem, cenabat apud eum Ceſtius. M. Tullius cui & natura memoriâ demperat: & ebrietas, ſi quid ex eâ ſupererat, ſubducebat; ſubinde interrogabat, quis ille eſſet qui in imo recumberet, & cum ſapè ſubjectum nomen Ceſtii excidiſſet, noviſſimè ſervus, ut aliquâ notâ memoriâ ejus faceret certioſiorem, interroganti iterum Domino, quis ille*

ille eſſet
trem
juſſit
fecit
Tulli
mali
rum
felice
ſalvâ
ſed a
bus f
tami
Sed p
attin
ne c
mon
ſoſq
tit:
totis
tur.
quiſ
extr
etia
ma,
nis,

ille esset, qui in imo recumberet, ait: *Hic est Cestius, qui Patrem tuum negabat literas scivisse. Afferi protinus flagrajussit & Ciceroni (Patri) ut oportuit, de corio Cestii satisfecit* En epidorpisma, en bellaria digna sanè Tullii filio, digna quoque Ciceroniani nominis maligno obtrectatore. Si recentiores quoque virorum literatorum *divulgationes* & æmulationes, si infelices inter se non dissensiones tantùm, (nam hæc salvâ libertate & virtute, tolli omninò non possunt) sed acerrimas colluctationes, & putidissima de rebus sapè inanibus aut exilis saltem momenti certamina memorare vellem, verba me deficerent. Sed piget quoque, purulentam hanc gangrænâ attingere, quæ professos sapientiam animos immane quantum dedecet fædatque. Hoc nimirùm monstrum illud est, quod viros sapè insignes, ipsosque aliquandò Antesignanos Musarum committit: & ita committit, ut rabiosarum instar anuum totis convitiarum plaustris in se mutuò invehantur. Hæc pestis ingentes nonnunquam libros conquisitis mordacissimorum salium acervis effercit extruitque: hæc non vivos tantùm, sed mortuos etiam subindè invadit: ipsissima sanè Cerberi spuma, ipsissima Erinnyes, non Palladis utique officinis, sed profundissimis Orci tenebris digna.

CAPUT XXII.

Fata Platonis, Demosthenis. Cremu-
ti Cordi, Aruleni, Bessarionis,
Gazæ. Pæna in persecutores mag-
norum ingeniorum.

Quod si rerum in Orbe potirentur literati, si
omnia ad arbitrium & nutum suum haberent,
minùs forsan mirum videri posset, eos felicitate suâ
corruptos ita luxuriare, atque effervesce-
re, tandemque in tædium quietis delabi, ut plerumq;
felices solent. Sed quoties quæso tam beata tran-
quillitas, tam alta otii sagina eruditis contingit,
ut non satis habeant, quod agant, etsi mutuis ejus-
modi jurgiis ac certaminibus sibi ipsi non faces-
sant negotium? Nonnè enim illi extra Scholarum
suarum spatia, hostium aut saltem contemptorum
fatis semper repererunt? Nonnè sufficiunt certa-
mina, quæ cum barbarie & ignorantia, ac proindè
cum majore humani generis parte, literarum sci-
licet imperitâ & aspernante, perpetuò decertanda
veniunt? Quis ignorat, quo loco illi plerumq; ha-
biti sint à superbis Aulæ vel Martis satellitibus?
quibus suggillationibus & quàm sinistris variorum
judiciis subindè sint obnoxii? quibus etiam non-
nunquam ab impotente dominatu injuriis vexen-
tur? Nimirùm vetus hæc est sapientiæ alumnorum
fortuna. Socratem ad carcerem primùm, mox ad
cicu-

cicuta
Plato
Dion
tem T
jussu
ristof
les, O
most
rum,
mort

Tiber
est, q
præd
set, li
mitia
nio Se
fuit,
„Neg
„libr
„ut
„for
„E
„abol
„forib
„quar
tio C



INCLYTO
SEPTENTRIONIS EMPORIO
CIVITATI REGIÆ
G E D A N O

Pacem & omnigenam felicitatem.



*R*iginta ferè anni effluxère,
cum ex Regno magnoperè tum
afflicto, & penè naufrago, ad
hoc littus Balthicum me recepi,
& intra mœnia dein Tua agens,
varias totius penè Europæ Vi-
ces, fama hîc non errantis indicio, cognovi, &
ipse parem tecum, aut non multùm dissimilem
fortunam sum expertus. Emensi simul sumus
atrocia & nimis diuturnabellorum incommoda,
sustinuimus pestiferarum contagionum pericula,

X 2

multa

cicutam damnatum fuisse, paulò ante diximus. Platonem vir Lacedæmonius, Polis nomine, jussu Dionysii Tyranni, vendidit. Eandem quoque sortem Theramenes, Atheniensis paritèr Philosophus, jussu triginta Tyrannorum, subiit. Eandem & Aristoteles vix effugit. Et ante hos Linum Hercules, Orpheum Thraciæ mulieres interemere. Demosthenis verò & Ciceronis, Principum Oratorum, quod fatum fuit? Uterque exilium, uterque mortem passus est violentam. Undè Juvenalis :

*Eloquio sed uterq; perit Orator, utrumq;
Largus & exultans letbo dedit ingenii fons,
Ingenio manus est, & cervix caesa —*

Tiberii seculo Cremutius Cordus in jus vocatus est, quod in historiâ suâ M. Brutum & Cassium deprecâisset. Et cum ipse vitam abstinentiâ finisset, libros ejus Ædiles jussi sunt cremare. Sub Domitiano, Aruleno Rustico, Petum Thraseam, Herennio Senecioni Priscum Helvidium laudâsse, capitale fuit, uti inter alios Cornelius Tacitus memorat:

„Neq; in ipsos modo Autores, (ut ibidem additur) sed in
„libros quoq; eorum scivitum, delegato Triumphis ministerio
„ut monumenta clarissimorum Ingeniorum in Comitio &
„foro urerentur. Scilicet illo igne vocem Populi Romani
„& libertatem Senatus, & conscientiam generis humani
„aboleri arbitrabantur, expulsis insuper Sapiëntia Profes-
„soribus, atq; omni bonâ arte in exilium actâ, ne quid us-
„quam honestum occurreret. Cum seculo abhinc ter-
tio Græciam invasisset Turcarum Tyrannis, in exi-
lium

lium unà cum literis abièrè Bessarion, Theodorus Gaza, Emanuel Chrysoloras, Lascaris, alique viri doctissimi. Superiori seculo magnum Tychonem Braheum, illum Cæli Mathematici verissimum Atlantem, æmulorum suorum iniquitas Patriâ suâ ejecit. Uti ea res in vitâ celeberrimi viri memoratur à Clarissimo Gassendo non sine dedecore ad-
versariorum Tychonis, qui haud dubiè postea, si sivilissent fata, factam Nobilissimo viro injuriam magno redemissent, ne tali cum notâ in literas ipsi venirent. Neque cæteris literarum persecutoribus benè unquam cessit crudelitas sua. Athenarum Urbi post Socratem condemnatum omnia adversa fuisse, memorat Eunapius. Nullo enim postea egregio facinore edito, pessum & ipsa ivit, & per eam Græcia universa. Polis, à quo Platonem diximus venditum, à Chabriâ deinceps superatus & in Helice submersus est: ante autem ab Oraculo vocem audivit, Philosophi malè tractati gratiâ sibi hoc evenire. Antonium verò detestatur omnis ingeniorum posteritas ob cædem Ciceronis. Et cum hic illius scelera toties exagitâset loquendo, nunquam majorem vel illi invidiam, vel sibi laudem, quàm moriendo paravit. Pulchrè apud Senecam Patrem Aurelius Fuscus: *Quoad humanum, inquit, genus incolume manserit, quamdiu usus literis, honor summæ eloquentiæ erit: quamdiu Reip. nostre aut fortuna steterit, aut memoria duraverit, admirabile posteris vigeat ingenium, & uno proscriptus seculo,*
pro-

pro-
di,
fatun
subdu
gens
tem i
perm
lituis
filiâ!
geniu
usum
ac res
tisim
mania
jus di
na cog
Vir R
Sejan
nio, a
Resp
bioner
Legit
stat en

Ho

Q

proscribes Antonium omnibus. Pariter Cremutii Cordi, quem ante nominabam, major post illætabile fatum fama est. Et scripta ejus, etsi cremari jussæ, subducta tamen rogo, gloriam autori, Tiberio ingens peperere dedecus. Caligula enim, hac saltem in re Tiberio melior, requiri illa lectitarique permisit, undè cum & in tenebris aliquandò delituissent, publicata fuerunt à Martiâ Cremutii filiâ! Quam eo nomine ita alloquitur Seneca: Ingenium Patris tui, de quo sumptum erat supplicium, in usum hominum reduxisti, & à verâ illum vindicasti morte ac restituisti in publica monumenta libros, quos vir ille fortissimus sanguine suo scripserat. Optime meruisti de Romanis studiis; magna illorum pars arserat, optimè de ipso, cuius viget vigebitq; memoria, quamdiu fuerit in pretio Romana cognosci, quamdiu quisquam erit, qui velit scire, quid sit Vir Romanus, quid subactis jam cervicibus omnium & ad Sejanianum jugum adactis, indomitus sit homo, ingenio, animo, manu liber. Magnum meberculè detrimentum Resp. ceperat, si illum ob duas artes pulcherrimas in oblivionem conjectum, Eloquentiam & Libertatem, non eruisses. Legitur, floret, in manus hominum, in pectora receptus, vetustatem nullam timet.

CAPUT XXIII.

Honores Literatorum, exemplis antiquis & recentibus demonstrati.

QVæ jam diximus, literatos, qui fortunam experiantur novercam, solari possunt, & erigere
ani-

animos, ne quisquam se à laudabili studiorum curriculo avocari patiatur. Atque ut tanto plus fiducia concipiant pusillanimes, rectè facient, si postquam adversa literatorum secum revolverint, prospera etiam sibi proponant cogitanda. Neque enim ad ærumnas solum & perpetuas miseriarum quasi tenebras damnata sunt bonæ literæ: subinde & melior illis ridet fortuna. Replicemus Annalium memoriam, vix ullo sæculo ignorantia ita genus mortalium possedit, quin alicubi saltem locus & pretium fuerit Sapientiæ. Apud Ægyptios sanè veteres summa eruditorum æstimatio fuit: adeò, ut testante Stobæo, nec Reges ibi sumerentur, nisi ex Sacerdotibus, vel viris bellicosis: quia his quidem generis nobilitatem ex fortitudine, illis ex sapientiâ credebant accedere. Et si quis ex bellicosis eligeretur, Sacerdos illicò fiebat, ut particeps fieret Philosophiæ. Similis penè honor literatis apud Sinenses fuit, quantum intelligi potest ex historiâ, quâ recens sed idem disertissimus auctor Martinius mores & fata istius gentis complexus est. Sed ad Christianos jam populos accedere malo, inter quos summum sanè literis & literatis pretium fuit, præsertim, ex quo illi ad Imperium, Gentilismo profligato, pervenêre. Inter literatos verò viri præcipuè sacri seu Ecclesiastici effloruêre, ita ut denique felicitas ista vitio quorundam luxuriare cæperit. Quod si singulatim aut Principes Christianos qui literis patrocinati sunt, aut erudi-

ros, q
dicer
metur
tum n
& qua
nec eo
mis no
discip
petuâ
suæ re
ni, id
majus
rum c
dari p
minur
gresfil
jam ist
hic br
se. A
lem fe
si am
rum c
xerit
conqu
mis ja
Dioge
mores
& sepu
se; ho

ros, qui in pretio habiti, recensere vellem, tantus dicenti aperiretur campus, ut fastidium ex copiâ metui posset: cum inprimis istiusmodi Mecænatum nomina dudum jam ab eruditis in illustri luce & quasi theatro æternitatis posita sint, ita ut nec ipsi, nec eorum in literas beneficia, nisi ab ignorantissimis nesciantur. Nimirum quicquid boni in honestas disciplinas confertur, nec condi, nec fileri, sed perpetuâ quasi tubâ decantari solet. Quod beneficentiæ suæ redhostimentum cum à literis accipiunt Patroni, id se accipere bonum intelligunt, quo nullum majus animo generoso & laudabilem sibi facinorum conscio, nullum certe perennius in his terris dari potest. Interim quia ampla & frequens hominum de literis benè meritorum in scriptis congressibusque literatorum mentio est, destituitur jam ista materies gratiâ novitatis. Tantoq; adeò hic brevior ero, pauca aliqua contentus delibasse. Atque inter Græcos quidem quanti Aristotelem fecerit Philippus Macedo, alias jam ob Homeri amorem φιλόμηρος dici solitus, quantâ doctorum cohorte identidem quasi circumseptus vixerit Alexander, quantus eruditionis amator & conquisitor fuerit Ptolomæus Philadelphus, nimis jam decantatum est. Nec illud ignotum ex Diogene Laertio, Zenoni Cittæ ob doctrinam, & mores doctrinæ consentaneos, coronam auream & sepulchrum in Ceramico Athenienses decrevisse; hos ipsos item, ut & Thebanos, Pindaro statuam,

tuam posuisse, ejusdemque Poetæ familiam, cum cæterorum civium Thebanorum nonaginta millia internecioni data, triginta sub hastâ vendita essent, servatam, his domui ejus inscriptis verbis: Πινδάρου τῆς οἰκίας τῆς σίγαν μὴ καίετε Pindari domum ne cremate. Vulgatum & illud, de Homeri Patriâ septem Urbes Graciæ non sine summâ æmulatione inter se certâsse, quâlibet earum Viri tanti Natales sibi vendicante. Inter Romanos Ennium non vivum tantum vivus maximi fecit Scipio Africanus, sed mortuum etiam sepulchro suo jussit imponi. Quâ de re Ovidius, veterum in Poetas munificentiam diverso sui temporis mori opponens:

*Cura Durum fuerant olim Regumq; Poetæ,
Præmiâq; antiqui magna tulere chori,
Sanctâq; Majestas, & erat venerabile nomen
Vatibus, & largæ sæpè dabantur opes.
Ennius emeruit Calabris in montibus ortus,
Contiguus poni, Scipio magne, tibi.
Nunc hedera sine honore jacent, operataq; doctis
Cura vigil Musis nomen inertis habet.*

Jam quæ Lælii cum Terentio, quæ Ciceronis cum Archiâ familiaritas, quæ Pompeii in Posidonium & Cratippum veneratio, quis Augusti in Maronem & Horatium amor, quæ liberalitas fuerit, lippis penè jam & tonsoribus, ut in proverbio, notum est. Quibus meritò Vespasianum ejusque filium Titum adjungimus, quorum ille, etsi alioquin par-

parcis
festis
alteri
carum
mè h
blicæ
tuâ p
mus
intim
gistr
Princ
ei in
Quem
gnitat
& sa
tempo
volv
Duc
mus
locu
fasci
iam
The
tran
exce
gori
aliq
chus
favo
cop

parcissimus, Salucio Basso illustri Poëtæ quingenta sestertia, h. e. duodecim millia aureorum donavit alterius verò favore & curâ Josephus, rerum Judaicarum accuratissimus Scriptor, Romæ liberalissimè habitus est, ita ut Libri ejus Bibliothecæ publicæ traderentur, & ipse, ob ingenii gloriam statuâ positâ honoraretur. Jure & Trajanum addimus, qui Plutarcho primùm Præceptore, postea intimo amico usus est: idem tam gratus erga Magistrum, ut Consulem eum denique fecerit. Ut Princeps iste solidissimè meruerit Encomium, quod ei inter alia multa tribuit Plinius in Panegyrico: *Quem honorem, inquit, dicendi Magistris, quam dignitatem Sapientiæ doctoribus habes? Ut sub te spiritum & sanguinem & Patriam receperint studia, quæ priorum temporum immanitas exiliis puniebat.* Nec silentio involvi debet Gratiani Imperatoris in Aufonium, Ducem olim studiorum suorum gratis animus, quippe quem ille non multis tantùm opibus locupletavit, sed perinde ut Trajanus Plutarchum fascibus ornavit Consularibus, splendidissimum etiam eo nomine ab Aufonio meritis Panegyricum. Theodosii quoque Magni tempora nefas fuerit transire, quippe quibus inter alios sacrâ Eruditione excellentes viri, S. Damasus Papa, S. Basilius, Gregorii, Hieronymus, Chrysostomus, Epiphanius, aliique sanctissimæ notæ Viri florere. Symmachus, Arsenius, Prudentius summa Imperatorii favoris specimina retulere, Claudianus verò Poëta eo provectus est, ut & Patricius Romanus, cùm

in Ægypto natus esset, fieret, & denique ab Arcadio & Honorio, filiis Theodosii, statuâ honestaretur. Cujus inscriptionem, quia ad præsens argumentum apprimè facit. liceat hic subnectere. Ita autem habet: CL. CLAUDIANO V. C. TRIBUNO ET NOTARIO INTER CÆTERAS INGENTES ARTES PRÆGLORIOSISSIMO POETARUM LICET OB MEMORIAM SEMPTERNAM CARMINA AB EODEM SCRIPTA SUFFICIENT, ATTAMEN TESTIMONII SUI GRATIA ET OB JUDICII SUI FIDEM DD. NN. ARCADIUS ET HONORIUS FELICISSIMI ET DOCTISSIMI IMPERATORES, SENATU PETENTE, STATUAM IN FORO DIVI TRAJANI ERIGI COLLOCARI. QUEFECERUNT.

Εἰν ἐνὶ βεργιλίῳ νόον καὶ μέσσην Ομήρου
Κλαυδιάνον Ρώμῃ καὶ βασιλεῖς ἔθεσαν.

*Virgilii mentem, Musam uno in pectore Homeri,
Hic statuunt Reges Romæ, Claudianum.*

Possẽ ex proximioribus quoque seculis plurimos adducere viros literatos honorificè admodum & benignè habitos à maximis Principibus: Ingentia enim fuerunt beneficia, quibus Musarum Cultores profecuti sunt Carolus Magnus, Carolus IV. Carolus V. Sigismundus, Imperatores, Nicolaus item V, Leo X. Adrianus VI, Eugenius IV, Urbanus VIII Pontifices, Alphonsus Arragoniæ, Ferdinandus & Robertus Siciliæ, Franciscus Galliæ, Matthias Corvinus Hungariæ Reges, Andreas Dandulus,

pernici narratione, Gedani 1540 impressa, quam nuper mihi doctissimus & juxta optimus vir Laurentius Eichstadius, Medicus & Physicus, nec non Professor Gedanensis, suppeditavit. Quibus jure addimus *Joannem Dantiscum*, Virum ab hâc Urbe, in quâ natus est, nomen adeptum, nec Patriæ vicissim suæ indecorem. Is obscuris Parentibus ortus, ingenio & doctrinâ cò se provexit, ut non tantùm eundem (quem lubenter toties jam nomino, quia quâ excellentium virorum copiâ is floruerit, melius sic intelligitur) Episcopatum Varmiensẽm adierit, sed & Legationibus ad magnos Principes obeundis subinde fuerit admotus. Carolo V fanè adeò gratus ille extitit, ut, cùm magnus iste Princeps imperium depositurus, plerosque alios Imperatoriæ fortunæ comites ministrosque dimississet, hunc in Hispaniam ipsam secum deduxerit, excultissimo Viri ingenio & moribus compositissimis ita mirificè delectatus, ut ægerrimè à confortio ejus avelleretur. Quanta porrò istius viri eruditio, quantusque in splendidissimâ etiam postea fortunâ in literas amor fuerit, ex multis clarissimis argumentis, sed inprimis quoque ex carminibus elucet, quæ is vir cum ad alios, tum ad Georgium Sabinum Poëtam eximium familiarissimè solebat scribere, inter poëmata Sabini, in perpetuum literarum nostrarum decus, extantia. Ex eadem hâc Urbe Gedanensi alii quoque Viri occurrant animo, quos ob ingenii, & doctrinæ dotes am-

G 3

plissimis

plissimis muneribus Curia publica adhibuit: etiam hâc ratione palam faciens, quo loco & numero studia sapientiæ habeat, sed hos singulatim enumerare nolo, ne illis invidiam, mihi assentionis conflem supicionem. Eterit spero alibi commodior locus de eâ re prolixius agendi.

CAPUT XXIV.

Solatia literatorum ex ipsis literis, ex præmiis æternitatis.

Ista verò omnia, quæ de literarum conditione hactenùs loquor, eò adducuntur, ut pateat, alumnos etiam Musarum utriq; sorti obnoxios esse, & aliquibus improspere, aliis verò supra spem & penè votum res fluere solere. Si quos autem aut non respicit, aut deserit fortuna, ii cogitent, esse in ipsis quæ tractant, sapientiæ studiis, undè animos possint levare atque erigere. Undè ad hunc quasi portum subindè Principes etiam Rerumpublicarum viri inter calamitates confugère. Hinc Cato, hinc Brutus, hinc Marcellus, hinc Cicero, hinc Baptista Fulgosus, hinc multi alii solatium petière, cum bella civilia Rempubl. in perniciem, ipsos in summa discrimina raptarent. Nimirùm ex ipsis literis, hoc quod præcipuè jam agimus, discere licet, leve momentum in adventitiis rebus esse; easque mutare sæpè & sæpè perdere Domi-
nos

Dandulus, Carolus Zenus Venetorum, Cosmus & Laurentius Hetruriæ, Rupertus Palatinus, Fridericus Saxonicus, Joachimus Brandeburgicus, Julius Brunsvicensium, Eberhardus Wirtenbergensium Duces. Si recentissima etiam licet adducere: J. Lipsium tanti fecere Albertus & Isabella Austriaci sanguinis Principes, ut publicè docentem audiverint. Eundem virum ut salutarent Christianissimi Regis Legati Belevrius & Brulartus summi in Galliâ viri, de industriâ Lovanium petière. Quâ de re ita in suo Pacis septennio Petrus Matthæus: *Operæ pretium est Flandriam videre propter Lovanium, Lovanium verò propter Lipsium, præcipuum Lovaniæ ornamentum. Quæ ille vir in historiâ præstitit, tanti sunt, ut ipsius videndi causâ tantum itineris merito suscipi debeat, quantum suscepit, qui ab extremis Gadibus Romam venit, ut Titum Livium videret.* Ita Historicus Gallus de Lipsio. Sed istorum Mecænatum erga literas merita præcones quoque suos alibi habent; ita ut minimè nostrâ indigeant deprædicatione. Unde intra Regni hujus nostri limites subsistere lubet. In quo quanta literatis dignatio, quod pretium sit, constare vel exinde potest, quòd in præcipuis Civitatibus Juris vel Medicinæ Doctores ad Consultatum ut plurimum provehuntur. Sed sacræ imprimis eruditionis æstimationem, nonnè tot Senatoriæ in Republ. dignitates & tot amplissima, tot denique pinguissima latifundia vel me tacente loquuntur? Nonne eò felicitas Ordinis istius, liberalitate Majorum procescit, ut & summâ jenu-

dudum invidiâ etiam insons laboret, cupiditatemq;
 alienam in suam & Regni calamitatem, quanquam
 nolens, irritet. Sed quidquid de hoc sit, illud utiq;
 agnoscunt & fatentur omnes, sacræ togæ prosperis
 plurima ingenia ad amplectendas liberales discipli-
 nas excitari, plurima etiam hâc ratione enitescere,
 quæ fortè alioquin in tenebris jacuissent. Ita sanè
 superiori seculo ex paupere statu in lucem emerfit
 Vir summus *Stanislaus Hosius* Culmensis primùm,
 dein Warmiensis Antistes, & simul Cardinalis Ro-
 manæ Ecclesiæ, ac Concilii Tridentini Præses. Ita
Martinus Cromerus in altum se extulit, Vir quantum
 insulâ suâ, tantum eruditione & scriptâ rerum Po-
 lonicarum historiâ illustris. Ita ante hos ad ce-
 lebritatem pervenit *Nicolaus Copernicus*, literarum
 culturâ eò provectus, ut & summum in Jure gra-
 dum, & Canonicatum Warmiensem, & præclaram
 in siderum scientiâ gloriam meruerit, in his omni-
 bus eximiam Tidemanni Giezii, Episcopi tùm
 Warmiensis opem & patrociniū expertus. Cu-
 jus ejusdem eximiam liberalitatem & in studiis
 promovendis sollicitudinem deprædicat *Georgius Joa-
 hannes Rheticus*, *Wittebergensis* Mathematices Profes-
 sor, sed istius præcipuè Præsulis curâ in Prusiam
 vocatus; ibidemque ab omnibus, & cum primis à
 Viro Magnifico ac Strenuo Joanne à Verden, Ca-
 pitaneo Novensi, Civitatis Gedanensis Consule, be-
 nignè habitus, ut ipse profitetur in singulari ad
 Joannem Schonerum de libris Revolutionum Co-
 pernici

tatis præterea titulo eadem æterna beatitudo decoratur: Sed *Civitatis fundamenta habentis*. Nimirum quæ in orbe hoc terrestri habitacula incolimus, quid nisi Nomadum tuguria sunt aut mapalia, si cum æternitatis domiciliis comparentur? Splendeant multo auro Regum palatia; latè spectentur insaræ substructiones, niteant Musivo opere atque emblemate verniculato non laquearia tantum, sed & pavimenta. Quamvis omnia habeant, quæ vel naturæ vel artis industria struaturis ejusmodi dare potest, carent tamen perennitatis beneficio & fiduciâ, quia incerta casuum, & certissimam denique ruinam non possunt effugere. Construantur Urbes magnificæ, extendantur spâtiis vastissimis pomæria, surgant sub æthera muri, in intima terræ penetralia descendant tum fundamenta, tum subjectæ vallis altissimis fossæ. Ut cuncta hæc curâ pertinacissimâ, immensisque laborum, pecuniarum, longissimi denique temporis impendiis spem omnem & vota propè ipsâ transcenderint, unum semper deerit & maximum, securitas perennandi; Nimirum mille periculis obnoxia sunt, quia fundamentum iis substerni nequit, quod corruptionem non metuat semper, non denique etiam necessariò incurrat. Quod enim illud fundamentum tam solidum est, quod vel aquæ non subluant, vel ignis non comburat, vel terræ nutantis tremor, vel vis humana non concutiat, quod postremo, si omnia alia abessent,

abessent, ultimæ saltem & universum orbem tracturæ de molitioni non subjaceat? Sed illa Civitas, quam expectamus, nulli mutationi subjecta est: quia Divina manus illi fundamenta supposuit, quæ perfectissimæ soliditatis nomen merentur; fundamenta æternùm stabilia & inconcussa. Fundamenta præterea non ex lapide illaborato vel aliâ informi materiâ composita, qualia nostrorum structurarum esse solent, quæ & terrâ plerumque absconduntur. Sed scilicet fundamenta nitidissimis, & quæ unquam reperiri possunt, pretiosissimis gemmis splendentia. Quippè in quibus cum Smaragdis pyropi, cum hyacinthis berilli, cum chrysolithis adamantes certant. Ita enim Civitatem hanc, ita fundamenta ejusdem ille describit, qui ipsum una cum fundamentis suis divino penicillo sibi repræsentatam vidit. Postremò denique sub *Coronæ* imagine offertur nobis celestis beatitudo: Sed Coronæ, ut Spiritus S. loquitur, *incorruptæ*, & ut idem alibi, *immarcescibilis*. Placuit sibi variis coronarum generibus antiquitas. Qui civem servâisset, ei querna dabatur, dicta indè *Civica*. Quales olim quatuordecim Siccus Dentatus; sex, Manlius Capitolinus memoratur accepisse. Qui exercitum liberâisset obsessum, gramineam coronarum omnium apud Romanos gloriosissimam, accipiebat, *obsidionalem* indè nominatam. Qui primus murum hostilem superâisset, frondeâ donabatur, quam *muralem* vulgo ap-

nos suos. Discere item licet, malè omninò quibusdam ingeniis committi felicitatem, & melius iis fata consulere dùm premunt. Alios verò in id attolli, ut lapsu graviore ruant, & per ipsas secundas res in exitium agi, bobus coronatis similes, quos cum pompâ ad macellum lanio ducit. Calamitatem contra virtutis occasionem esse: & per ipsa adversa DEO digniores effici homines. In iisdem certè sapientiæ monumentis, velut in theatro posita intueri fas est tot virorum exempla, quos fata vexando & bonos & claros, dicam amplius, beatos fecere. Beatos, quia ab externis his bonis ad vera & solida averſi, fragilem mundanæ felicitatis bracteam contemnere cœpêre.

CAPUT XXV.



Conclusio opusculi à consideratione
cœlestis felicitatis.

ROtam vicissitudinum, de quibus egimus, rectissimè nos claudere putamus, si ei sphaeram cœlestem circumdemus. Quod ita fiet feliciter, cum animum à rebus inanibus ad cœlum & Divina attollemus. Horum contemplatio & juxta efficax apprehensio idoneos nos reddet, ut lato vultu omnia caduca, tanquam infra nos posita, despicere possimus. Cordubensem philosophum

juvabat inter ipsa sidera vagantem, pavimenta divitum
 ridere & totam cum auro suo terram. Atque eâ in re
 summam ille ponebat felicitatem, quia alis philo-
 sophicis aliis evolare nesciebat. At nobis ejus-
 modi cœlestium speculatio nonnisi tenuis gradus
 est ad longè majora. Quæ enim eminùs intue-
 mur, ea ipsa occupamus spe, sublimiora etiam, &
 ad quæ nulla oculorum acies pertingere valet, fi-
 de complectentes, tandemque favente DEO, jure
 plenissimo possesuri. Quod aut nescivit, aut non
 credidit Philosophus: Expers nimirum illius Spi-
 ritûs, qui unus ineffabilia cœli bona & illas æter-
 nitatis delicias cognitâs habet. Quas ut iste no-
 bis commendatiores redderet, ejusmodi & nomi-
 nibus insignivit & coloribus depinxit, ut clarum
 omninò facere voluisse videatur, quam longè illæ
 ab hujus seculi bonis, inaniarum ac vanitatum ple-
 nissimis, discrepent. Primùm enim eas *thesauri*
 insignit vocabulo, sed talis *thesauri*, qui nec eripi nec
corrumpi possit: ut sic diversissimus sit ab usitatis
 Principum aut aliorum opulentorum gazis, quas
 non custodum ulla vigilantia, non fossæ circum-
 ductæ, non aheneæ tures à manu vel astu huma-
 no tueri, aut à casuum variorum incurfu, denteque
 ipso vetustatis asserere possunt. *Hæreditatem* por-
 rò filiorum DEI vocat, sed *corruptionis expertem*, &
 nempe dissimillimam vulgaribus, quas nemo vel
 illibatas adit, vel integras servat, quin nimirum aut
 deferat eas tandem, aut ab iis ipse deferatur. *Civi-*
tatis

gò appellabant. In ludis porro Olympicis qui vicisset, ei *oleagina* imponi solebat. Pretiosissima omnium erat ex auro, quæ Imperatoribus, qui triumphî honorem meruissent, mittebatur, *triumphalis* inde nuncupata. Mansitque ista etiam postea inter Christianos Imperatores Regesque ut cum regimini inaugurantur, Coronâ ejusmodi evinciri soleant. Caterùm ut diversissimi erant generis coronæ istæ, ita magni semper omnes habitæ, summaque virtutis contentione à generosisimo quoque quæsitæ ambitæque sunt. Quod si tamen penitiùs rem consideremus, quid quæso, solidum istis coronis inest? Quæ ex foliis arborum, ex floribus, aut gramine constant, intra paucos dies virorem & pulchritudinem suam amittunt: levique digitorum attritu in pulverem vanescunt. Quas verò Regnorum seu superbia seu magnificentia contexuit, eæ quidem metalli sui firmitate, aliquantò diutius durant, sed & graves sæpè sunt ferentibus, & ut rectissimè sustineantur, tamen fortuita casuum, & vim dolumque evitare nesciunt. Minui, raptari, auferri, & ut recens experientia tristissimo exemplo docuit, unâ cum capicibus Dominorum suorum decuti possunt. Et parva itaque & momentanea, & sæpè multo felle diluta felicitas est, quam ista, etsi magni æstimata humanæ seu virtutis seu dignitatis ornamenta aut signant, aut continent. At illa, quam fides sui cultoribus Divina bonitas pollicetur,

cetur, consummata & nullo eloquio effandæ pulchritudinis, quodque maximum, perer is est nullisque temporis legibus circumscripta, & illi vetustatis injuriis obnoxia. Ad hanc itaque meritò omnes anhelis animis, studioque incitatis impetu aspiramus. Sed frustrà aspiramus, & inuicem inquinamentis, si vanitatum quisquiliis hæremus affixi. Qui in stadio Olympico certans, ad nimiam quæque restitat, aut post se relicta respicit coronam utique non obtinebit. Neque nos coronabit cœlestis Agonothetes, nisi perruptis obicibus, amotisque, quantum fieri potest, mundi turbamentis, recto constantique pede ad metam contenderimus.



multa deniq; alia aduersa, quanquam serenioris
interdum sortis interuentu diluta aut suspensa,
pertulimus. Illata undiq; Republicæ Polone
Vulnera, tum & interna ejus dissidia, & ipsi do-
mesticorum non expertes, cum dolore & damno
sensimus. Vicinorum Dominiorum clades, Ur-
bium incendia, & valantes inde in propinquo
fumos ac cineres, si non oculis, nunciis tamen
tantum non cottidianis hausimus. Mare hoc
Arctium classibus inessum, ardentem Bellonæ
subminibus Oceanum, amplissima Regna armis
collisa, ditissimas Europæ provincias nunc ab
hoste occupatas, nunc sibi restitutas cognovi-
mus. Vicissitudinum istarum aliquas subinde,
cum per negotia licuit, annotare sum solitus,
nonnullas etiam epistolis, quas ad familiares
scriptitabam, inspersi. Si fata volent, quan-
tum olei & temporis in his absumpsim, dies &
typus aperiet. Republ. autem nostræ prospera &
aduersa jam dudum componi à me atq; edi capè-
re. Ceterum ante annos amplius viginti, in me-
diis belli Suetici aestibus, dum ex communi rerum
omnium mundanarum vicissitudine solatium
& mollimentum præsentis fortune quærerem,
libellum concepi, quo totius Orbis, & univer-
sa Na-

se Na
ditio
lium
natu
erat
mita
tur n
re:
dam
ipsâ
De h
eo ip
haua
dicio
Civi
nata
& ip
quas
anim
meli
rerum
Tibi
post
iesfer
ga T

sa Naturæ Vices, hominum item cuiusvis conditionis, omniumq; societatum, sacrarum, civilium, & literariorum mutationes utcunq; conatus sum adumbrare. Quicquid verò illud erat, quia operâ tumultuariâ & inter calamitatum nubila, genio parùm sereno, videbatur natum, in tenebris passus sum hæcenus latere: neq; nunc produceretur, nisi amicis quibusdam id apprime placuisset: qui iidem alius etiam ipsâ rerum varietate placitum iudicabant. De horum igitur Consilio iacta est hæc alea, & eo ipso nomine se publicæ luci infert libellus: haud dubie grandi varietati ac velut alex iudiciorum futurus obnoxius. Te tamen, illustris Civitas, in cuius, ceu Matris gremio hæc nata soboles est, propitiam, spero, habebit, quia & ipsa in eo Vices mundi contemplans, tuas, quas Dei permisso, dudum experiris, æquiore animo perferes, & omnium calamitatum in melius mutationem, ex variabili ac fatali rerum omnium conditione, eò maiore fiducia Tibi polliceberis. Mihi, antequam DELLS, post continuatas tot annis placidi convictus tesferas, nos separet, hoc qualecunq; mei erga TE affectus mnemosynon relinquere visum est:

est: nec futurum credo, ut ulli temporum vicissitudini in mutuam inter nos amicitiam quicquam liceat.

Quod restat, valere Te, Urbs celeberrima, cupio, optans ex animo, ut salva & incolumis, felici ope etiam Catholicos, secundum Jura, tuearis, paci concordibus animis studeas, majoriq; semper Cæli Terræq; favore efflorescas. Dabam 20 Apr. Anno nati Servatoris M DC LXXX.

TUÆ INCOLUMITATIS

Cupientissimus

JOACHIMUS PASTORIUS,

de HIRTENBERG, Canon. Chelm.
& nominatus Varmienfis &c. S. R.
Maj. Secr. & Commiss.

M

G

Prox

Nu

Te



quide
partin
percu
retur,
primo
regim
sisfim

MEDITATIONES

Super

Historiâ Passionum CHRISTI SERVATORIS.

CAPUT I.

Proxima occasio capiendi & affligendi Christi, est Lazari è mortuis resuscitatio.

Nulla mihi miseram breviant crimina vitam,

Ipsa sed accelerant grandia facta necem.

Te dum reddo tibi, mea, Lazare, fata lacesso;

Causa mihi mortis, Lazare, vita tua est.



Ex quo Christus, Servator nostrer, sacrum muneris sui curriculum ingressus est, perpetuis multorum odiis, convitiis, variis denique malis ac discriminibus infestum illud habuit. Populum equidem alicubi ita partim demulserat beneficiis, partim docendi autoritate, & divinis suis operibus perculerat, ut & catervatim ipsum subinde sequeretur, & aliquando Regios ei titulos deferret. Sed primores Judaeorum, inprimis illos, qui sacrorum regimen cum Reipubl. curâ conjunxerant, adversissimos plerosque expertus est. Ac odia istorum

A

ipse

ipse plebis favor asperabat, adeò ut tantò obnixius premendum illum putarent, quò majoribus multitudinis studiis proveheretur. Sæpè autem antehâc saluberrimæ, quas subinde seu ultro, seu laceratus dederat, admonitiones altissimè illos vulneraverant: solito apud flagitiosos more, ut eorum faciliùs plerumque animum irritent, quàm aggritudinem sanent remedia, ubi inprimis illi opinionatione sanitatis sibi & morbo suo blandiuntur. Nunquam parùm abfuit, quin præcipitiis, aut lapidationibus sanctissimæ ejus paræneses pensarentur. Sed nunquam tamen adhuc publico decreto vitam ejus appetere sustinuit Senatus. Post Lazarum demum resuscitatum eò immanitatis prolapsus est. Miraculum id grande admodum, & non longè ab Urbe Principe editum erat, adeò ut latè percrebesceret in populo, & multorum oculis subjectum, pectora ita penetraverat, ut non pauci hinc moti, Christo se addicerent. Id ferre ampliùs Proceres illi non possunt. Eripere & ipsi Lazaro vitalem parat lucem, cui nuper demum beneficio Christi red-dita erat, ne videlicet in conspectu publico versaretur; in quo resuscitato, Divina Christi vis, adeò magnificè splendet. Sed inprimis quoq; autorem tam stupendi facinoris vitâ luere cupiunt beneficium suum. Autoritatis suæ & Reipubl. interese putant, ne magnus iste prodigiorum patrat vivat ampliùs. Metuunt scilicet, ne attracto ille populo novum Principatum agitare, qui & ipso-

ipso-
mano-
specie-
vitam-
Regn-
Haud-
hunc-
maxim-
Quic-
incita-
da:
furor-
tei po-
nunc-
majo-
præva-
traba-
humana-
fallac-
surdas-
solâ s-
pi! M-
peric-
cut P-
mort-
quam-
hono-
rentu-
Regn-

ipforum luminibus vehementer obstrueret, & Romanorum denique arma in Judæam conciret. Ita specie boni publici inducuntur isti, ut in Christi vitam conspirent, quâ extinctâ non dubitabant, Regni quoque, quod ille moliretur, finem fore. Haud reputantes scilicet, à casu resurrecturum hunc majorem, & mortem ipsam non fore ei nisi maximi incrementi viam, & æterni januam Imperii. Quicquid sit, haud sacrarum adeò rerum studio incitantur illi homines ad extrema Christo inferenda: sed profanis potissimum stimulationibus in furorem istum aguntur. Parùm providi, parùm rei politicæ intelligentes fore sibi videbantur, nisi nunc ille premeretur, dùm opprimi posset. Quò major mora crescenti daretur, hoc mox adultæ & prævalidæ potentia ejus minùs se pares fore arbitrabantur. Sed ô quàm caligat sæpè prudentia humana, ubi acutùm se videre existimat! Quàm fallacibus umbris in consilia impellitur, non absurda tantùm, sed & summè noxia! Quàm deniq; solâ suspitione in maximum scelus se patitur abripi! Non erat profectò, cur politico Regimini suo, periculosum isti crederent CRISTUM; non erat, cur Patriæ suæ quieti, per mitissimi & Sanctissimi mortalium ruïnâ irent consultum. Non is unquam enim politica mundi sceptra affectavit: imò honores ejusmodi omnes, etiam cùm ultro offerrentur, respuit. Illud verò, quod sibi vendicabat Regnum, animos à mundi curis honoribusque ad

A 2

quærenda

quærenda cœlestia, ad virtutem omnigenam, modestiam inprimis & patientiam, atque ipsam etiam obedientiam Magistratibus præstandam, stimulat, stringebatque; Romanos verò, cœlum cuilibet faciliè concedentes, dùm terram possiderent, haud quaquam id poterat offendere. Saltem iis non hoc Christi regnum, sed illud potiùs, quod ipsi Judæi spirabant sperabantque, futurum erat adversum. Talem quippe Messiam præstolabantur, qui Judæis libertatem, Romanis plurimùm damni esset allaturus. Quàm improbi isti homines sunt! Christo per calumniam affingunt, & capitale faciunt crimen, quod ipsi intra animos moliebantur assiduò; cujusque cogitatione omnem servitutis miseriam unicè solabantur, nihil aliud avidioribus animis indies prospectantes. Neque verò Proceres isti ignoratam sibi innocentiam Christi, aut non agnitam muneris auctoritatem divinam poterant obtendere. Viderant jamdudùm audierantque tùm inculpatissimos mores, tùm irrefragabilem sapientiæ vim, tùm illustria admirandaque maximè facinora ejus: Omnia utique majora, quam ut homini tribui; sanctiora, quàm ut Dæmoni possent. Unde & aliqui istorum (teste Sancto Johanne) eò adducti jam erant, ut de Christo non malè sentirent, imò & doctrinam ejus occulto assensu approbarent. Non de se solo loquebatur Nicodemus, cùm diceret: *Scimus te à DEO missum venisse. Nullus enim ea miracula facere potest, quæ tu facis; nisi DEUS*

fit enim
dignit
æstim
tacito
sensu,
innoc
rò, po
qui ob
doctri
tiâ, C
hostes
public
que.
stimar
intuli
verbis
Christ
non a
unum
non co
attame
numere
ma nol
lum b
erat:
gente
rem s
mo c
fabilis

fit cum ipso. Ac iste vir, vitæ instituto Phariseus, dignitate verò Princeps populi, uti antea præ aliis æstimaverat Dominum; ita nunc, si non aperte, tacito saltem, sed undique tamen præfulgente dissensu, cum paucis opinor aliis, improbabat, quæ in innocentem struebantur. At prævalebant numerò, potentiâ, adde & fervore agendi audaciâque illi, qui obducto conscientiiis suis callo, excussâque tum doctrinæ sanctissimæ, tum miraculorum reverentiâ, Christum vel fastidierant aspernabundi, vel ut hostes oderant, animum insensum speciosis insuper publicæ utilitatis nominibus stimulantibus velantesque. Ita ut sic optimè se de patriâ suâ mereri existimarent, si maxima Christo, etsi non merenti, mala intulissent. Satis id vel ex ipsis summi Pontificis verbis elucescit. Cùm enim is decretoriam de Christo ad supplicium quærendo sententiam ferret, non aliam affert causam, quàm *quia conducatur populo, unum hominem pro populo mori.* Quasi dicat: *Sit ita, non commisisse istum virum quicquam morte per se dignum: attamen, quia occasio esse potest publicæ calamitatis, si scilicet numerosiore ejus factionem conspicati Romani vim & arma nobis inferrent, satius est eum solum perire, quàm populum hunc universum.* Hæc opinor, mens loquentis erat: quanquam verba, Spiritu Divino linguam regente, ita concepta fuere: ut alium longè meliorem sensum continerent, quam quem Pontifex animo comprehendisset. Magna itaque, & inexcusabilis est istorum omnium erga Christum Domi-

num iniustitia, atque immanitas. Sed gravio-
 rem reddit ipsa extrema occasio, quâ in eadem ejus
 tandem impulsus sunt. Beneficium scilicet Lazaro
 prestitum; beneficium, quod nemo grandius atque
 admirabilius edere potuit, id urit istos homines,
 ut de tollendo eo, qui id presterat, consilia in-
 eant. Magno documento innocentiae Christi, cui
 vita homini restituta crimini datur, & mortis causa
 est. Scimus olim etiam sacro populo Prophetas non
 æquè semper gratos fuisse; scimus aliquos multis
 malis, aliquos & morte dirâ affectos; at plerumque
 ob severè castigatos mores, ob tacta liberius ulcera
 Principum, Sacerdotum, plebis. Sed ob morbum cu-
 ratum, ob vitam alicui redditam, non memini cui-
 quam periculum creatum, vel intentatam mortem,
 Hic Christus ad ultima crudelitatis exempla dam-
 natur, quia amicum suum, in sepulchro jam faten-
 te in vitam revocat; quia Divinae potestatis suae spe-
 cimen illustre præbet. Quo scilicet caritatem omni-
 um, admirationem, gratias, honorem, conciliare
 sibi debuit: id ei fraudi, id occasione hostibus est
 & stimulo ad odia extrema, & quæ satiari nisi san-
 guine & vitâ effusâ non potuere. Discamus hinc
 mortales animi ingrati vitium, tantò vehementius
 odisse: ut præcipuum scilicet eorum, quæ Domi-
 no nostro adeò acerbam morrem concivere, tum
 uti crebrum adeò, adeò pervagatum inter homi-
 nes, ut inter prima perferendum occurrerit Ser-
 vatori. Alia flagitia eò potissimum capiunt pos-
 sidentque

fidem
 quoda
 gnat,
 regna
 se mal
 homin
 gratia
 ad inj
 malo
 venia
 natur
 exced
 lat, f
 probi
 debita
 dit:
 Auto

C

C

C

ci

identq; genus humanum, quia plerumque naturæ quodammodo blandiuntur. Hoc naturæ reputat, & tamen evictâ quasi illâ, latè adeò regnat, regnavitque semper. Quo enim seculo benè egisse malè non expetiit? æquando non reperti sunt homines, quos virtutis & amoris specimina, ad gratiam referendam, adeò non commoverint, ut ad injuriam potius inferendam irritarint. Malum malo retaliare usitatum vulgò, & ut vetitum sit, veniæ tamen facilioris, & ipsâ quodammodo lege naturæ excusabile videri queat. At excusationem excedit, omnemq; non humanitatem tantum violat, sed & inhumanitatem illa supergreditur improbitas, quæ non solum benè merito pro laude debitâ ignominiam; pro gratiâ injuriam rependit: sed & eò prolabitur, ut beneficium unâ cum Autore suo pessimis exemplis jubeat perire.

CAPUT II.

De tempore Passionis.

Cum pura, Isacida, poscat sibi pectora festum,

Redditis an letho pectora pura meo?

Crimine parta salus vestro est: Pretiosus hic Orbi,

Sed gravis, ah! vobis, credite, sanguis erit.

CONsideratione quoque dignum est, quo tempore tragiæ suam in Christo peregerint Judæi. Non parum enim id facit ad perspicuendam facti indignitatem: sed ad Providentiæ quoque

quoque Divinæ ductum simul agnoscendum. Cùm prima consilia inirentur de occiso Servatore, obtinuerat sententia, non in die festo aggrediendum esse facinus. Additur ratio, ne tumultus fieret in populo. Nempè tot beneficia Christus passim per Judæam & Galilæam omnem sparserat, tot & documenta dederat divinitatis suæ, ut nusquam non fautores, & asseclas suos haberet; inprimis, quem admodum diximus, in populo, qui ut artium rudior, facta quæ videt, simpliciùs, & citra malevolentiam æstimat. Hunc undique jam, etiam ex longinquis locis coitutum, timent Principes illi, qui in Christi necem conspiraverant. Verebantur enim, ne intercederet illa plebs consiliis ipsorum, & pro Christo, tanquam pro summo Doctore Prophetæque, imò & pro Messîa pugnare auderet; ac comprehensum, vel de manibus ipsorum tentaret eripere. Ita nec destinata sua assecuturi erant, & autorirati non exilem inusturi labem. Postea enim similia ausura videbatur plebs, si semel benè illi evenisset audacia. Malunt itaque elapso Paschatis festo, & digressio demùm populo, aggredi destinatum opus. Sed pro dante se rerum opportunitate, mutant illi consilium, & scilic. prout in alto ventus est, ita velum vertunt. Cùm Judas operam iis suam offerret, non passa moram est indignatio, quâ adversus Servatorem flagrabant. Nihil jam pensi habent, quid antè inter se decreverint: utrâque manu oblatam occasionem arripiunt. Neque illos festi instan-

instan-
sito.
anim
Cred
quas
Pasch
ta sci
sceles
vete
suun
stum
coec
mitt
quâ
quid
vole
sed
buit
ri, s
qua
quu
erat
mo
Jud
dite
mo

instantis sanctitas deterret, aut remoratur à proposito. Non verentur ad solenne epulum accedere animis à fuso innocentissimo sanguine calentibus. Credere imò fas est, bellum hoc lustramentum, & quasi piaculum visum esse, quò ad magnum illud Paschatos sacrum se præpararent. Inter purgamenta scilicet Urbis suæ, *Sanctum illum* Dei numerabant scelerati homines: quem si adeò unà cum fermento veteri sustulissent, sanctiùs se celebraturos Pascha suum credebant. Ita illi delirabant odio in Christum, & præpostero in Religionem suam studio occæcati. Sed DEUS, qui flagitia, cùm vult, permittit; sed simul, quò vult, dirigere solet; alium, quàm isti, habet scopum sibi propositum. Volebat quidem mori Filium suum pro mundi peccatis; volebat etiam circa Agni Paschalis festum mori: sed minimè eò, quem sibi Judæi fixerunt, sine. Debut ex Patris decreto hoc tempore Christus mactari, sed ut veterem Agni Paschalis ceremoniam antiquaret, ipse scilicet verissimus Agnus; cujus antiquus ille umbra tantùm erat. Immolandus nunc erat, sed ut tantò conspectior, tantòque illustrior mors ejus esset, quæ præsentem omni penè gente Judæa contingeret. Neque enim debuit in abscondito, aut paucis spectantibus mori; qui pro universo mortalium genere moriebatur.

CAPUT III.

Passionis primus agón, & quasi bre-
viarium in horto.*Pertremat instantis Servator imagine fati,**Et mens mirificis concidit ista modis.**Durum incumbit onus. Corpus quæ singula sensit,**Cuncta simul sistit mens patienda sibi.*

Afflictiones, quas Christus pertulit, non improvisè illi acciderunt. Jamdudùm eas præsenferat, & non semel Discipulis suis apertissimè, nec obscurè cæteris etiam Judæis significarat. Interim quamdiu extremam horam longiùs abesse sciret, minùs quoque eâ affici visus est. At ubi instare tempus sensit, nihil quidem usque etiam, quod suarum rerum esset, neglexit; non migravit etiam fines officii, sed incredibile tamen dictu est, quàm fuerit perturbatus. Nunquàm luculentiùs ostendit Hominem se esse. Nempè nunquam aliùs quoque se subduxit & quasi abdidit Divinitas ejus. Sibi homo Christus relictus est, ut pateret, quò imbecillitatis homo, sine peccato tamen, devenire queat. Circumdatus est anima ejus mœrøre summo, & quomorientium major esse angor non potest. Procidit in faciem coram DEO, quod certè maximæ sollicitudinis, & trepidantissimæ religiositatis signum est. Sudat sanguinem, quod non nisi rarâ & prodigiôsâ in anxietate fieri solet. Orat Patrem,

ut

ut grat
deprec
DEI de
ut nat
nem, a
dinem
nabiliu
tùm de
potest
cipere
morta
suis se
ista ad
Filio
anxiet
ingen
mihi
ita au
ut no
isset p
ad im
cohor
Serva
alii i
super
narce
homa
& qu
nonu

ut gratiam sibi facere velit imminentium malorum: deprecatur mortem, quam sciebat sibi longissimâ DEI destinatione decretam. Sed deprecatur ita, ut naturâ insitam malorum mortisque aversationem, at simul mox suam DEO parendi promptitudinem testetur. Interimen mortem omnium horribilium horribilissimum esse, non Philosophia tantum docet, sed Sapientia ipsa jam hic ostendit. Non potest eam imminentem sine tremore etiam is excipere, qui morte suâ mortis horrorem miseris mortalibus dempturus mox erat: qui & mortis ipsius se mortem fore sciebat. Quid vult ergo sibi ista adeo ingens animi trepidatio? Quid in DEI Filio tam admirabilis & hominibus ferè inusitata anxietas? Causas ejus rei omnes scire aut evolvere ingenio humano vix forsân licet: sed potissimas mihi visas dicam. Primò noluit DEUS obdurato ita aut stupido ad mortem animo Christum esse, ut non sentiret mala sua. Minor in illo laus fuisset patientiæ, si velut cadaver ante mortem factus, ad imminentium calamitatum cogitationem non cohorruiisset. Quid verò etiam magni præstitisset Servator illo animi non robore, sed rigore, quem alii insitâ naturæ duritiæ, alii Stoicæ Philosophiæ supercilio, alii pravo famæ ambitu, alii potu etiam narcotico affecuti sunt. Sæpè & desperatorum hominum illa *ἀναισθησία* est, ac ut humanitati aliena & quodammodo inimica est, ita in perditissimis nonnunquam mortalium cernitur. Reperti sunt patrici-

parricidæ, qui inter tormenta sua riserunt: alii supplicia corporis sui adeò immoti spectarunt, ac si alienum corpus lancinaretur. Istam quasi feritatem conveniebat abesse à Christo, qui humanitatem exuere nunquam debuit. Præterea ex decreto DEI ferendum erat Christo, quicquid gravissimum sustinere homines possunt: quia scilicet ille peccata generis humani ferebat, eorumque víctima piacularis erat: & deinde ut omnia tristissima expertus, & malorum scilicet non ignarus, tantò membris suis promptius postea succurreret. Jam quid gravius, quid acerbius contingere homini potest, quam ejusmodi animi angor, ubi nihil auxilii de cœlo, in terris omnia infesta tibi sentias? ubi dirus carnifex, metus, corporis membra omnia immani concutit horrore, ubi sanguis in ima pectoris recurrens premit strangulatque ægrè mentem spiritum; exprimens simul sudorem, qualis in gravissimo certamine, in molestissimo labore vix possit aut soleat erumpere. Vivi tales plùs aliquid quàm mortem sentiunt. Uti equidem semper gravior morte est mortis metus, mortis inprimis non vulgaris, sed quam scias non cum cruciatu tantùm, sed cum ignominia summâ fore conjunctam. Ignoratum mortis genus fortè leviorẽ illam facit: at si ejus varios, si gravissimos; & alio subinde aliòq; modo iterandos ictûs, præscia futurorum mens, ad supplicium imminens eunti, ob oculos ponat; is non potest non atrocissimè commoveri, cocuntibus

bus f
mom
inter
hunc
rendi
dium
in ho
dani
gula
tibus
Cruc

D
giun
ret M
que.
mini
tus e
quan

bus scilicet intra pectoris angustias, & in unum momentum omnibus illis formis malorum, quæ ex intervallo ingruentia facilius postea tolerantur. Ad hunc itaque modum Christus quoque triste & horrendum planè omnium suarum passionum præludium ac quasi compendium hîc habet: & scilicet in horto, intra se animumque suum, juncta quodammodo mala sensu gravissimo perfert, quæ singulatim mox à Pontificibus, Herode, Pilato, militibus & plebe inimicâ, quæque in ipsâ denique Cruce passurus erat.

CAPUT IV.

De iis quæ Christus passus est à
suis Discipulis.

*Discipulus Dominum prodit, negat alter, uterq;
Perdolet, ac odit crimen uterq; suum.*

*Ille luit jugulo, lachrymis scelus eluit alter,
Hic vitam lachrymis inrent, ille necem.*

DIræ licet, non adeò tamen insignes fuissent afflictiones Christi, si non, nisi à juratis hostibus exercita fuisset patientia ejus. Ad fastigium illarum pertinebat, ut in suis quoque reperiret Magister, quod ipsum acriter ureret affligeretque. Et profectò acerba sunt, quæ passus est Dominus à nonnullis eorum, quos plurimâ persecutus erat curâ, atque amore plane paterno. In horto quantam trium illorum, quos charissimos semper habuerat,

habuerat, experitur socordiam? cum altissimo subinde somno indormiscerent, utcunque à Magistro de instante periculo admonerentur, utcunque ipsum adeò anxium, adeò intimis animi doloribus afflictum languidumque viderent. Non movet illos ultimum Domino imminens discrimen, & aut non credunt illud, aut ad animum non revocant: sui etiam incurii, cum & ipsis à Dæmone insidias strui ex Christo audiissent. Sed condonari istis utcunq; possit segnities, carnis scilicet imbecillitate excusata, quam ipse benignus Magister agnovit, dignamque veniâ putavit. At gravius est, quod Petrus in Christum admisit crimen. Unus is trium illorum, qui intempestivâ dormitatione offenderant Dominum, sed idem antesignanus quodammodo discipulorum omnium erat, ut qui aetate, præsentia animi, aliisque dotibus & privilegiis cæteros anteibat. Nunc etiam in ipso subeuntium Christi Passionum ingressu, multâ de suâ per extrema quævis Magistrum secuturâ constantia fidentissimè erat pollicitus. Quin & ubi ab hostibus manus Christo injici cœperat, stricto non impigrè gladio, ad vim arcendam proruperat. At idem quàm mox animo collabascit? Quam & à se & à Magistro paulò post deficit? quibus execrationibus non familiaritatem tantum, sed & notitiam Heri sui ejurat? Et tolerabilius id videretur, si vel semel tantum, vel non ante monitus, tanta se labe polluisset. Poterat enim faciliorem mereri veniam, si subitus formidinis impetus

impe-
ipsum
cautio
cum c
Magist
lapsum
revoce
gredit
addit,
pitat.
incurf
tragæ
cilla i
Nec h
res ip
obliga
comm
Petrus
longo
rum,
facinu
dem p
cantu
ipsum
tè fact
& lael
offenc
mentu
næ ad

impetus voces ejusmodi incauto expressisset. Sed ipsum præmonuerat Dominus, & tamen ei non est cautio, ut scopulum evitaret, adeò diligenter & cum curâ monstratum. Porro autem adeò is sui, Magistriq; obliviscitur, ut nec post primum quidem lapsum recorderetur mpnitionis Herilis, aut seipsum revocet in viam, à quâ turpiter exorbitasset. Progredditur ille in pessimo facinore, crimen crimini addit, & cum nocte procedente in deterius præcipitat. Neque enim satis ei erat ad primum ancillæ incursum negasse, notum sibi virum esse, qui tum tragædiæ argumentum erat. Mox cum alia ancilla idem clamaret, juramentum addit negationi. Nec hoc satis. Post aliquod intervallum, cum plures ipsi familiaritatem Christi objicerent, diris se obligat, ut persvadeat insimulatoribus, sibi nihil commune esse cum Christo. Adeò miserum istum Petrum diu caligo peccati tenet; adeò tempore sat longo obfopitus manet, ut lapsus semel atque iterum, nec dum tamen agnoscat, nedum emendet facinus suum, sed augeat usque & majore identidem pondere accumulet. Iteratus demum Galliscantus, tum inprimis etiam reflexus Christi ad ipsum vultus excitat in homine & memoriam antè factæ admonitionis, & sensum sceleris sui, mox & lachrymas excutit, & aulâ, quæ ei in lapidem offendiculi cesserat, exigit. Mignum iste documentum præbet mortalibus imbecillitatis suæ, pronæ admodum in lapsûs & tantò turpius se peccantibantis,

bantis, quantò fidentius viribus sibi suis placuit. Sed idem quoque ingens in se divinæ clementiæ specimen nobis exhibet, cum non minus lachrymæ respicientis DEUM ad gratiam movent, quàm crimen deviantis ad iram stimulârat. Cæterum discipulorum omnium atque etiam Petri lapsum inumbrat unius Judæ scelus. Ille pariter cum reliquis biberat hætenus Christi præcepta, ille non minus ei assiduus affecla, viderat & mores innocentissimos, & vim spiritûs omni humanâ majorem perspexerat. Haud quaquam tamen homini is Christi amor, ea admiratio fedit, quæ virtuti, quæ admirandis operibus, quæ beneficiis ejus debebatur. Magis, ut apparet, ipsum amor marsupii, quod commissum ei erat, quàm veneratio Domini, quàm doctrinæ saluberrimæ cupido tenuerat hætenus in contubernio Christi. Satis id jam pridem patuit, cum furti compertum fuissè non obscure indicent reliqui, qui nosse eum ut condiscipulum poterant: cum & unguentum pretiosum, Christi corpori, piæ mulieris liberalitate affusum, adeò doluit, non facturum id, si Christi vel dignitatem rectè cepisset, vel justum hausisset amorem. Sed nempè molestum erat homini, unguento adeò nobili imbui illum, quem prodere moliebatur, & ad mortem ita preparari, cui accelerandæ manum erat præbiturus. Uti sanè paulò post homo sceleratissimus præbuit. Cum enim olfecisset, quæri Dominum ad supplicium, & capiendi ejus iniri

confi-

consilia, non alium passus est occupare scelus, quem id minus contaminasset. Ipse sponte, & solâ nempe auri sacrâ fame impulsus, offert operam suam Pontifici & Synedrio. Licitatur perditissimus mortalium caput Domini sui. Et triginta sili sufficiens ei pretium visum est, quo venderet Magistrum, à quo nulla unquam injuriâ, maximis autem semper beneficiis affectus erat. Tantum potest avaritia, ubi hominem mancipavit sibi, adeò percellit auri splendor oculos, adeò virtutem & omnem bonam mentem quasi incantamento quodam expectorat! Magnò autem gaudio ab hostibus Christi suscipitur hominis improbi opera. Latabantur nempe Sacerdotes, esse inter Christi discipulos aliquem, cui, adeò doctrina ejus sorderet, adeò contra allubesceret pecunia, ut prodicionis facinus, quod etiam, qui recipiunt, abhorrent, aggredi non vereretur. Nec faciliùs compositi voti sui posse videbantur, quàm ejus ministerio, qui & nosset Dominum, & quibus locis frequens esset, non ignoraret, sectatores deniq; ipsius omnes deferre posset. Ille acceptis pecuniis, adscitâque militum manu, rectâ ad Christum tendit, & cum in horto ad extrema se preparantem deprehendisset, adiit primus Domini manum, & osculum figit Magistro, id militibus summi sceleris signum præbens, quod pacis atque amoris pignus esse solebat. Per speciem scilicet amicitiae adrepit Christo, cui omnia inimica intra pectus machinabatur.

batur. Adulator prius est, quàm sit homicida: pulchrâ sane notâ adornans hominibus assentationis vitium, quo filium DEI homo feralis, Ducem assecla, Magistrum discipulus, juratorum ejus hostium libidini atque arbitrio tradidit. Et iste quidem proditus ita, inter diras Judæorum accusationes & gentilium manus, patitur, quidquid genitoris DEI nutus permisit, & redimendi generis humani requisivit salus. Sed proditori nequiter provenit flagitium suum. Non crediderat ille tam crudeliter à Judæis exceptum iri Dominum. Excantaverat ei mentem lucri cupido, ut non cogitaret, quorsum evasura esset immanitas hostium Christi, ubi eum in potestate sua habuerit. Nunc videt, durissima quæque infligi & extrema imminere Hero innocenti. Introspectit scelus suum, cum peractum jam erat: subit commiseratio Domini, simul & odium pretii, quo eum vendiderat; subit denique tædium sui, & indignum se putat, qui Hero prodito superstes sit. Reddit argentum iis, à quibus acceperat: fortè sperans reddituros quoq; istos, quem ipsis tradiderat. Sed illi & in Christo affligendo pergunt, & proditorem suis intemperiiis relinquunt. Qui sibi jam hostis, & ferendæ sceleris sui magnitudini impar, infelicem denique jugulo manum infert, & suspendio cervicem frangit: merente prorsus gravitate flagitii, ut tanti Domini, & tam benè meriti Magistri sui proditor, cum alium non haberet Carnificem, haberet seipsum.

CAPUT

CAPUT V.

Christus apud Pontificem summum
falsis accusationibus oneratur.

Sistitur ad magnum, turbâ ducente, Senatum

Christus, & hic mortis dicitur esse reus.

Quid fieret melius, Judex ubi livor & ira est?

Hoc nequit absolvi Justitia ipsa foro.

Cum proditoris Discipuli ministerio in manus Judæorum traditus esset Servator, primò omnium deducitur ad sacrum tribunal. In quo præsidebat summus sacerdos, assidentibus aliis sacerdotum, seu familiarum sacerdotalium principibus, Pharisæis, Scribis item, nec non Senioribus populi. Ex his enim constabat tum summum gentis Judaicæ Synedrium: potissimas scilicet, ut apparet, in eo partes tenentibus viris sacris. Audito nomine sacerdotum, credere quis poterat, bono loco fore causam Christi, qui hominibus legum gnaris, & jugi sacrorum tractatione ad lenitatem mansuefactis primò sistatur judicandus. Et sanè si sine odio & præjudicio Christi divinissimam originem, facta & vitam examinassent, non poterant non & innocentem pronunciare, & dimissum colere, ac venerari eo honore, quo neminem alium mortalium. Sed nempè jam pridem isti nihil lene, nihil amicum spirabant in Christum: & stat ille hic coram judicibus internecino dudum odio

erga ipsum flagrantibus. Unde non poterat hic absolvi, quem illi jam dudum magno consensu inter se prædaminassent. Nihil jam restabat agendum, quàm ut publicè coram judicio proferretur sententia, quam antè dudum conceperant, & subinde, ubi occasio tulerat, prompserant, privatim publicèque. Volunt legitimè & ordinariâ fori judiciorumque viâ condemnari Optimum hominum; & nempe antequam vitam adimant, majus vitâ bonum innocentiam quærunt ei adimere. Sedet itaque jam judex Supremus Pontifex, homo avarus, & qui Magistratum malis artibus adeptus; non melioribus tuebatur; Adsunt alii similis farina, alibi identidem discordes, moribus solis & in Christum irâ graphicè hic convenientes. Ut ritè procederet res, conquiruntur testes, capitale aliquod crimen Christo objecturi. Prodeunt non pauci seu odio Christi, seu ut gratiæ Judicium velificarentur. Sed illi dissensu mutuo abeunt irriti. Tandem alii duo surgunt, qui Christum destructionem templo minatum fingunt: dixisse illum mentientes, *possum destruere templum istud, & intra triduum aliud ædificare*: cum ejus verba longè alia fuerint. Dixerat enim *solvite templum hoc, & intra tres dies erigam illud*, & de templo non illo Urbis publico propriè, sed corporis sui, locutus erat. Christus autem falsæ & nonnisi in malignè detorto corruptoque sermone nixæ accusationis vanitatem silentio arguet: non dignam scilicet ejusmodi inculpatio-

culpa
sibi p
istos
eum c
tifici
etante
set.
duoru
vel ad
dicavi
do ali
ipsum
ligat,
DE I
vere,
am pr
do o
batur.
Christu
fidem n
me ad
videbit
untem.
sentent
nocenti
omnia
nâ en
re deb
ex inf

culpationem ratus refutatione. Quam & nihil sibi profuturam noverat, obduratos & iniquos sibi istos Judices satis antè, & jam recens expertus, eum de doctrinâ & discipulis ipsius quærenti Pontifici fidentius respondisse visus, à milite, inspectante & non improbante Pontifice, percussus esset. Sed & tacente Christo, Synedrium ipsum duorum istorum testium haud satis vel conveniens, vel ad rem conficiendam validum testimonium judicavit. Quare ipse Pontifex summus, sciscitando aliquod ex Christo elicere tentat telum, quo ipsum jugulet conficiatque. Juramento ipsum obligat, ad profitendum, *an sit ille Christus, ille filius DEI.* Christus eam quæstionem silentio absolvere, nihil aliud fore existimat, quàm causam suam prodere. Id quærebatur enim, in quo cardo omnis autoritatis suæ & muneris sui vertebatur. Ita est, respondet Servator, *sum Christus ille, ille Filius DEI benedicti. Et si nunc mihi fidem non habetis, videbitis tamen olim, & re ipsa sentietis, me ad dextram Patris infinitâ potestate omnia regentem, videbitis deniq; etiam super nubibus cæli ad judicium redeuntem. Tum qui me jam judicatis, stabitis judicandi: & sententiam meam tremebundi expectabitis, qui nunc mihi innocentem adeò superbè & iniquè insultatis.* Verissima omnia & citra injuriam cujusquam, nec sine divinâ energiâ dicta, ad meliorem mentem promoveri debebant Pontificem. At eum efferatiorem & ex infano, quod ille ait, longè insaniorem effec-

runt. Lacerat is illicò vestem, quod fieri solebat, quoties aliquid contumeliosum homo Hebraeus dixisset. Simul exclamat, impiè in summum Numen locutum esse Christum, suisque adeò verbis seipsum condemnasse; ut aliis non opus sit convictoribus. Acclamant illicò reliqui, mortis reum esse. Unde nihil jam non licitum sibi in illum, ut damnatum, etiam vilior turba autumat. Alii conspuunt Sanctissimam ejus faciem, alii ob nuptum ejus caput ludibriis, pugnis flagrisque impetunt. Nempe pro hoste DEI proclamatus, omnium hominum hostilitate dignus videbatur. Discamus hinc, Christiani, quàm temerarium, magnorum etiam quandoq; hominum in vero à falsis discernendo, judicium sit; nisi à S. Spiritu regatur: Quamque facile fieri possit, ut pro inimicis DEI habeantur, qui ei sunt carissimi. Nulli eertè in persequendis aliis præcipitantes sunt, quàm qui à DEO deserti, quovis affectuum vento aguntur. Hi ubique lapsabundi, graviter etiam tum errare solent, cum errores aliis impingunt, damnarique ipsi damnando maximè merentur.

CAPUT VI

Christus ad Pilatum & deinde ad
Herodem ducitur.

Ducit ad Ausonium gens sacra tribunal Jesum;

Mox & ad Herodis mittitur ille domum.

Impia turba strepit; silet hic, tamen esse probatur

Insans, sat causam vita silentis agit.

Cum

C
jam
aut p
batu
dudu
Pilat
sister
tante
inno
dent
stut
jam
inau
cant
tem
ri tri
si ve
falsa
ram
prov
Chr
erat
fene
nem
vel

Cum jam mortis sententiam, etsi per summam iniquitatem, in Christum tulissent deserti à Numine Patres Synedrii; de exequendâ illâ jam denuò capita conferunt. Dolo illum tollere, aut populi arbitrio permittere, non è re esse videbatur. Ipsi autem capitalium suppliciorum jamdudum à Romanis adempta erat potestas. Itaque Pilato, ut Præsidi suo, ut Imperatoris vices gerenti sistendum illum ducunt: DEO id permittente, ut tantò conspectior esset filii sui mors, & luculentior innocentia. Primùm autem poscere à Pilato videntur, ut non auditâ causâ condemnaret Christum: fîsus scilicet præjudicio concilii Hebræi, quo jam is capitalis flagitii convictus esset. Cum ille inauditum supplicio addicere nollet, crimen indicant, ob quod jugulum ejus appetant. Quod autem illud? *Seditiosum, & assumpto Regio nomine Casari tributum negandum dicere*, clamant. Grande scelus, si vera dixissent, sed grandis quoque calumnia, quia falsâ dixere. Quid speciosius proferri poterat coram viro Romano & Romanæ Majestatis in hac provinciâ magno custode, quàm dicere, involasse Christum in jura Imperatoris, cujus sub potestate erat? Nihil tenerius amant, nihil religiosius defendunt, quàm dominationem suam Principes, neminem vehementius odêrunt, quàm qui eam vel cogitatione, nedum opere delibet.

Non: egna ferre socium, nec tædæ queunt.

Neque id ignorant, qui personam illorum in provinciis sustinent. Hi ut ipsi suspiciones pravae cupiditatis imperandi longius à se amoliantur, ejus etiam umbram in aliis rimari ac suppliciiis multare solent. Nec Pilatus iste securâ aure objectum hoc crimen transmittit: Sed sciscitatur mox Christum, num Rex esset? Ille, quod res erat, fatetur, Regem se esse, sed non hujus mundi, non sceptrâ terrena, non opum vel honorum inania, qualia homines affectent, captantem. Quasi diceret, Regnum suum Romanae magnitudini nihil quicquam officere, quippè quod merè spirituale sit, hominesq; ad DEI reverentiam, ad virtutum omne genus, ad magistratûs etiam cultum adducat. Si Christus culpam objectam non amovere tantum à se, sed in accusatores etiam derivare voluisset, poterat id sanè facere summò jure. Etenim ipsi isti hostes Christi Messiam ejusmodi opperiebantur, qui militari externâque potentiâ validus, asserere ipsos posset in libertatem, atque à jugo Romano eripere. Et idèò maximè respuebant Christum, qui Messiam se esse ferebat, expers ut videbatur, virium opumque, quibus populum Judaicum in eum splendorem potentiamque evehere posset, qualem illis sperarent. Sed Christus, etsi benè gnarus istarum rerum, ne ultionis studio ægrè ipsis facere velle videretur, dissimulat reticet que spes ac consilia ipsorum, multum profectò offensura Romanum Præsidem, si in apertum fuissent prolata. Iste autem, quid regni istud sit, quod Christus sibi vendicet,

vendicet, intelligens, haud quaquam eo nomine infensior Christo est, sed potius innocentiae ejus adversus populum usque patrocinator: saltem supplicia extrema eum mereri constanter negat. Illi, quia hanc non successerat, aliò confugientes, doctrinam ejus incusant, quâ populum perturbet: sententias scilicet à receptis dissōnas, & tumultuum seminibus gravidas, passim ad Galilææ usque extrema ferens. Audito Galilææ nomine, intellectoque simul, Christum ex illâ ditione oriundum esse, ad Herodem eum mittit Præses, declinans omnimodè supplicium, quod de ipsius sententiâ, furor sacerdotum & populi, homini innocenti illatum iret. Herodes conspectu viri, famâ jamdudum sibi cogniti lætus, multa illum rogitat, simul miraculum aliquod ab illo elicere desiderat, solitâ humano ingenio, Principum inprimis, curiositate in res novas. Sed Christus nec responsò interrogata Regis, multo minùs factò aliquo miraculoso dignatur ejus cupidinem. Nempe prostituere nolebat Dominus miracula, ubi extorta metu, vel alienæ curiositatis imperio, nulli honoris divini usui, data viderentur. Interim Sacerdotes huc Christum persecuti, Herodem pariter, illis affectati Regni calumniis, in ipsum stimulare anniruntur. Sed ille Rex fastu transmisit accusationes, & hominem non assequi tantùm alta, sed sperare etiam visum impotem, risu potius, quàm irâ dignum judicavit. Latentis scilicet Divinitatis non intelligens, aut

contemptor. Itaque multis ludibriis exagitatum, & denique veste splendidâ, deridiculi causâ, indutum remittit ad Pilatum. Mitior aliquantò sacerdotibus, quorum accuratissimis precibus moveri se non passus est, ut in Christo ultra contemptum & illusionem sæviret. Interim occasione ista Præses Pilatus cum Herode Rege amicitiam, offensis aliquibus interlitam, redintegrat, parario, ut apparet, mutuo honore, quod Pilatus Herodi cognitionem super Christo, in ejus ditione educato indulgisset, hic vicissim Pilato Jurisdictionem nolens præripere, rem illi remisisset integram. Quicquid sit, gloriæ Christi hæc militat, quòd duo summi in Judæâ viri, cum ceterâ adhuc discordes essent, in eo consentiunt, non ea meruisse Christum, quæ furor Judæorum ipsi intentabat. In necem equidem Christi minimè illi ita, ut vulgò creditur, conspirarunt. Nisi verba Pilati nos fallunt, qui apud Evangelistam Luc. 23. vers. 14. 15. ita Judæos alloquitur: *Adduxistis mihi hominem hunc tanquam advertentem populum. Sed ecce ego coram vobis illum judicavi, & nullum in eo criminum istorum reperi, quorum illum accusatis. Sed nec Herodes. Misi enim vos ad illum, & ecce nihil morte dignum factum est illi. q. d. Mihi homo hic insons videtur & minimè dignus eâ penâ, quam vos postulatis. Sed proprio judicio in re tam gravi non sisus, nisi eum, vobis comitantibus, ad Herodem, qui, Rex, & eorundem vobiscum sacrorum, legumque adeò vestrarum benè gnarus, istum Regni, ut vos creditis, Judaici affectatorem,*
legumq;

legum
capita
tum ad
se jud
mus. E
gatâ,
tur Pi
consp
STU
subm
bonâ
quod
Satis
pingu

Chr

n

n

P

q

A

dilig

legumq; vestrarum subverforem, non omisisset calculo suo ad capitale supplicium addicere. Sed is ludibrio tantum habitum ad me remisit, satis indicans, haud quaquam dignum à se judicatum, qui capitis acquiratur. Quare & nos insistamus Herodis vestigiis. Mitiore aliquâ penâ homini irrogatâ, extrema supplicia remittamus. Usque adeo igitur Pilatus hîc cum Herode in Christi interitum non conspirat, ut potius ille, hujus exemplo, CHRISTUM à morte incolumem cupiat servare. Quod submonere hîc volui, non, ut hominibus nullâ adeo bonâ notâ insignibus ullo modo patrociner, sed quod nemini, etiam improbo, fieri velim injuriam. Satis deformes illi sunt, cum veris coloribus depinguntur, ut non opus sit addere falsos.

CAPUT VII.

Christus ad Pilatum reductus & ibi necquicquam pro innocente pronuntiatus, tandem deditur ad supplicium.

Judicat infontem, tentatq; exsolvere Christum

Pilatus, tandem vincitur ille tamen;

Datq; reum, manibus lotis, quasi crimine liber,

Sed nunquam sese polluit ille magis.

AB Herode igitur ad Pilatum Christus remittitur, contemptu quidem, at haudquaquam mortis supplicio dignus illi Regi visus. Eo diligentius Præses quoque huc incubuit, ut leviori penâ

pœnâ castigatum dimitteret. Sed quò magis ad mī-
tia Præsidis inclinabat animus, eò intentius succla-
mabant Judæi, nimiam ejus placiditatem & lenti-
tudinem incusantes. Ille, cum moris esset, circa
Pasc̄hatis solennia uni eorum, quos ad capitale sup-
plicium Judicis sententia damnaſſet, ad Judæorum
postulatum pœnam remittere; hac saltem ratione
Christum liberum fore judicabat. Sed illi, cum
præter Christum alius esset, qui capitis postulare-
tur, huic potius immunitatem à pœnâ, quam Chri-
sto impetrare maluêre. Is Barrabas erat, homo
multiplicis flagitii reus. Nam & latrocinio infa-
mis & tumultus excitati, nec non cædis commissæ
manifestus erat. Et hunc tamen maleficum præ-
habent Christo. Perduellis nempe & homicida di-
gnior ipsis vitâ videtur; quàm qui adeò multis sa-
nitatem & vitam reddiderat, vitamq; insuper æter-
nam dare potis erat, SERVATOR, DEUM im-
mortalem! quò non delabitur cæcutiens Tyrannis!
Ubi in primis sacri furoris æstu incanduit. Omnia
ferè scelera impunè abire mavult, quam hominem
diversâ sentientem, etsi cætera sanctum & inculpa-
bilem, imò clarissima in se Divinæ Virtutis testimo-
nia habentem, dimitti. Quærit iterum iterumque
Præses, num non Jesum liberatum mallent, quàm
latronem, ratus scilicet, effuso primo impetu, me-
liorem mentem rediisse accusatoribus. At illi morâ
ipsâ & cunctatione Pilati cesserantur magis ac ma-
gis: & tantò instantius urgent Christi deditionem
ad

ad necem. Pilatus usque tergiversatur, & ut aliquid daret urgenti populo, in flagellationem denique Christi consentit: quasi veri ex reo extorquendi causâ, reverâ autem, ut ad miserationem accusatores commoveret. Ideò & hominem indignis modis acceptum, & porrò per petulantiam militum coronâ spineâ evinctum educit, miseriamque ejus, & ab ambitiosis votis, quæ ei objicerentur valdè ablutentem statum, miserans, an & illudens, demonstrat populo. Sed malè errabat, qui ex suo sensu animos Judæorum metiebatur. Non satiarunt istorum immanitatem flagella. Quiescere ita recusabat, quamdiu superstes cerneretur Christus. Cum Majestatis Romanæ obtentu non satis premerè eum viderentur, ad legem suam refugiunt, quæ falsos prophetas morti addicit. Hunc verò summè talem esse perhibent, ut qui filium DEI se fingat. Novum iterum arietem admotum sibi sentiebat Pilatus: Illinc legis obtentum nomen reverebatur, qui jurium custodiam Judæis ex lege muneris sui debebat: hinc filii DEI titulus perstringebat hominem, non ignorantem mira multa, quæ à Christo perpetrata celebrabat publica fama. Ideò locum indicari vult sibi; ubi natus esset Jesus? At ille jam insistentium obstinatus, nihil respondet homini, qui flagellari innocentem jussèrat, & quem cessurum denique noverat malè obstinati populi insaniæ. Postea tamen, cum potentiam suam nimis creparet Pilatus, aptâ reprehensione illum modestiæ admo-

net:

ner: *Celitus esse*, indicans, quicquid in ipsum hactenus
 liceret Pilato. Sed id notius Judæis esse quàm Pilato, què
 quæ de Mesſia scriptæ sunt, ignoret. Adeoq; nec ipsum quidem
 à culpâ immunem esse, qui tantum gratificetur injusta petenti
 populo: Sed majora commeritos, qui propius cognitum Christi-
 stum ignoraverum istarum Judici tradidissent, & adeò ob-
 ſtinatè accusarent. Placuit Pilato æquum Christi ju-
 dicium, & tantò studiosius liberum pronunciare
 nitebatur. Sed Judæi ad extrema jam omnia de-
 lapsi ultimum fulmen vibrant; Fidem Cæsari debi-
 tam; quam suspectam redditurus sit Pilatus, si ho-
 minem Cæsareæ (ita blasphemabant furibundi)
 potestati adversum dimitteret. Non poterat effi-
 caciore machinâ tangi animus Pilati. Quippe is
 suspicacem Tiberii animum, & in iis, quæ sceptrum
 tangerent, omnia, etiam tuta timentem sciens, non
 sine causâ meruebat, ne ille sinisterius acciperet le-
 nitatem Præsidis, qui homini Regium nomen usur-
 panti, invito & intentè adeò contranitante Judai-
 co Senatu populoque, pepercisset. Itaque anxius,
 hinc accusati innocentia, hinc accusatorum jam in-
 minas erumpentium pertinaciâ, in diversa trahebatur.
 Accedebat domesticus ab Uxore scrupulus, quæ
 triste somnium obtendens, maritum rogabat, ne
 quicquam durius in justum hunc Christum statue-
 ret. Adhuc ergo persuadere accusatoribus nititur,
 ut per ipsos mitius sibi cum Christo agere liceat.
 Sed nulla apud insanientes auris patebat æqua ſva-
 dentibus, & contrà ita clamore & tumultum propè
 spiran-

spirante fremitu populi pulsabatur Præsidis animus, ut denique urgentibus & extrema omnia conantibus velut victus cederet. Antè tamen innocentiam Christi, tum voce iterum, tum manuum lotionem contestatus: *Ipsi viderent, qui istum sanguinem invito sibi quasi extorquerent, se aliò, quantum potuerit, nisi, præstare hanc culpam nolle.* Illis mox, quicquid hoc esset in se & liberos suos expetere se velle, clamantibus, tandem deditur Christus, & post di-ram flagellationem, Crucis addicitur supplicio: tanquam reus scilicet seditionis, qui legitimarum potestatum summè reverens semper & cultor, & assertor, omni vitâ suâ nihil aliud magis, quàm incomparabilem sanctimoniam modestiam, & pacem spiraverat, omnis expers peccati, totique illi terræ nullâ injuriâ, sed assiduis beneficiis cognitus. Verùm homines isti summâ malignitate excæcati non vident, se, Christum seditionis accusando, atrocissimæ in DEUM perduellionis esse reos.

In spineam Christi Coronam.

Tempora spinosâ cingit tibi, Christe, Coronâ

Miles, uti regnum rideat ille tuum.

Dura caput lacerat sentis: micat utiq; sanguis,

Spina salutiferas ab dedit ista rosas!

**Christi Göttliches Haupt mit Dornen wird
gekrönt /**

**Und hiemit auch zugleich sein heilig Reich
verhönt.) fließen /**

**Die Spizen dringen durch / die Blutes Bäche
Ach Edle Rosen hier aus dürrem Dorn ent-
spriessen /**

Christus condemnatus inter diras con-
tumelias educitur ad locum
supplicii.

Ducitur haud uno spectandus vulnere Christus

Urbe, salutifera basulus ipse Crucis;

Mox datur hæc alii. Sequior flet sexus euntem.

O fletet fatum gens ita tota suum!

HAstenus Christus sub manu versatus est Ro-
mani Præsidis, viri innocentiae diu satis fa-
ventis, atque in extrema ista haudquaquam
consensuri, nisi obstinatâ populi, penè tumultu-
antis, importunitate fuisset abreptus. Eò culpa-
bilis, quod isto Judæorum furentium æstu clavum
sibi iudicii eripi passus est, quem aliter & longe
melius regere poterat, si autoritatis suæ retinen-
tior, & in bono firmior fuisset. Jam à Iudice est
invirò, iniquo tamen, damnatus, in sceleratissimas
militum manus devenit Christus. Hic quicquid
comminisci petulantia, quicquid audere crudelitas
potest; in illum admittitur. Inprimis Regio ejus
nomini honorique illudatur acerbissimè. Nam
super diadema, quod è spinis confectum jam an-
te capiti ejus imponi passus est Præses, Chlamys
murice tincta corpori, manui verò arundo, quasi
sceptri loco, indita est, Subinde & in genua pro-
cidebatur, velut coram Rege, mox sputa & verbe-

ra c
galis
& ill
illi t
steri
vuln
jam
injic
stus
hum
Veru
tis c
dere
neur
succ
te a
cum
tari
Duc
eunt
gem
nes
sequ
mita
ciis
erat.
bat I
bilem
suscep

ra confertim ingerebantur. Tandem depositis Regalis larvæ nugamentis, propria ei vestis redditur: & illicò Crux quoque imponitur. Quæ crudelitas! Illi tenero corpori, illi adeo per trivîa & tot dicasteria noctu diuque raptato, tot flagris livido, tot vulneribus cruento, tot concussionibus lasso, & jam pedes vix trahenti infelix lignum gestandum injicitur. Suum sibi patibulum ferre cogitur Christus: verus archetypus veteris Isaaci; qui ligna humeris suis bajulavit, quibus immolandus erat. Verùm deficiebat forsan, aut hostibus suis non satis citato gradu ad mortem sub onere isto procedere videbatur Dominus. Itaque arripiunt Cyrenæum quendam, & Christo in gestanda Cruce succedaneum faciunt. Quia scilicet is Christo ante addictior esse visus erat; ideò Judæorum, qui eum noverant, impulsu jubetur etiã nunc comitari Magistrum suum, & succollare stipiti, qui Ducis sui suspendio destinatus esset. Cingebant euntem tùm milites, tùm ex Judæis plurimi, alii gemiscentes, alii lætantes, alii & illudentes, omnes re novâ & insolitâ arreçti. Sed & mulieres sequebantur, illachrymantes tam miserabili calamitati ejus viri, qui plurimis & inusitatis beneficiis summum amorem & admirationem sui meruerat. Verùm eas sua potiùs mala deplorare jubebat Dominus. *Fore enim tempus, ubi sterilitatem optabilem redditura sint mala Urbi incubantia: adeoq; liberos suscepisse, quod nunc loco felicitatis haberetur, inter maxi-*

mas calamitates, sit futurum. Ubi denique multi pregravidum miseriarum impatientia, montibus obrui optaturi sint. Etenim si Deus innocenti, & nullius peccati conscientie soboli sue tot mala, humani generis causa, inferri passus sit, quantum, ait, majoribus persequetur eos suppliciis. qui omnem honorem merenti & nullius labe criminis attacto. adeo immaniter & indignis modis exitium struant. Nempe Urbi non impunè futurum tantum scelus asserit Christus: prænuncius calamitatum, quas benè monentibus refractaria, suæque salutis inimica, & sic in exitium suum ruens terra, suo sibi jumento accersat. Scire hæc poterat, sed credere nolebat, se hic suum & Orbis totius Servatorem occidere.

CAPUT IX.

Christus affigitur Cruci inter duos latrones, & elogio ornatur præter mentem tribuentium honorifico.

Pendet ab infami damnatus stipite Christus,

Affixusque latus cingit utrumque latro.

Alter ridet Herum: pro Rege amplectitur alter,

Fitque comes Regni, qui crucis ante fuit.

JAm eò devenum est, ubi Crucis infami ligno Sanctissimus mortalium Christus affigi debebat. Deponitur humi augustum illud divinitatis habitaculum, beneficæ illæ manus, pedes illi, quibus suppli-

suppli
transv
& cru
tur.
reficie
potu
aceto
erat, u
vator
aded
folatio
verter
utriqu
access
bat, q
pendi
ratoru
fos on
lius u
sceler
demis
videba
teras
tunic
tur, q
retur,
mineb
bitus
crimi

supplicem se sternere orbis debuit, clavis ferreis transverberantur, & ita confixus in altum summo & cruciatu & opprobrio Dominus gloriæ attollitur. Antequam tamen attolleretur, potu eum reficiendum putavêre sceleris patratores. Sed quo potu? aceto, aut si vino, adeò id acidum erat, ut ab aceto non differret. Et ei tanta amarities interfusa erat, ut merum fel videretur respere. Respuit Servator tam ferale beneficium, & sitire maluit, quàm adeò horribilem liquorem haurire. Ita sine omni solatio pendebat in Cruce Christus. Quocunque verteret oculos, omnia infesta videbat sibi. Lateri utrique ad augendum animi dolorem & probrum accesserant duo latrones, inter quos medius pendebat, quasi maximus maleficorum visus, & ipso suspendii loco notabilis. Medius enim locus sceleratorum primario dari solebat. Ita inter flagitiosos omnium flagitiosissimus habebatur ille, qui nullius unquam peccati affinis, sed nunc alienorum scelerum bajulus erat, quæ ut victima expiabat. Ubi demiserat Christus oculos, alios suo malo lætantes videbat, alios circa vestimenta certantes. Sed cæteras exuvias facilè isti inter se distribuerant, super tunicâ, prout dudum prædictum erat, disceptabatur, quæ cum lacerari aut dissui non debere videretur, sorte demum uni cesfit integra. Capiti imminebat titulus verus equidem & Christo planè debitus, sed per ludibrium tamen cruci pro elogio criminis affixus. Non enim nisi in dedecus inscri-

ptione ejusmodi honorari voluit Pilatus eum, quem suspendi jusserat: ostentans simul sic, opinor, potentiam Romanam & suam, cui in Regem tantum fuerit potestatis: fortè etiam agrè facere cupiens Judæis, quorum Rex in cruce suspensus videatur legaturque. Ac quò res latius dispalesceret, tribus primariis lingvis exprimi eum titulum curavit. Ita is à nemine non intelligebatur, cum vix ulli adessent, qui aut Latinas, aut Græcas, aut Hebræas literas nescirent. Evulgari ita debuit crimen, ob quod mortem subiisset Christus. Sed profectò gloriæ cessit, quicquid in ignominiam ejus adversarii molirentur. Et hæc inscriptio non sine nutu Divino facta est: DEO veritatem sub ipsis etiam ludibriis hominum occultante. Nam paulò post magnificis & illustribus modis ostendit, esse reverà Christum, qui esse diceretur, Regem scilicet Judæorum, vindicem sui & suorum, Urbis denique ipsius, quæ tanta peccasset, destructorem. Sed & regnum ejus ultra Judæam longè exporrigi mox monstravit, cum nomen ipsius, primariis totius orbis, iisque adeò præcipuè celebrari voluit lingvis, quibus infamis, ut videbatur, reverà autem maximi honoris index titulus erat descriptus,

In vulnera Christi.

Dura dat in tenero tibi corpore vulnera miles,

Sancti tæ purpureo membra cruore rubent.

Ingemo vuneribus, tamen & data vulnera letor,

Nostra tuo manat vulnere, Christe, Salus.

CAPUT

C
Lass
Ter

D
Christ
Insult
quas
exaspe
vet, si p
per sen
eripiat,
Quam
de se es
etorum
milite
dotun
mè fa
mento
insult
mo po
manit
melia

CAPUT X.

Christi extremæ voces & mors.

Lassatus variè Christus, praduraq, passus

Fata, suum miro finit agona modo.

Terra pavet, natura tremit, miratur & æther,

Naturæ Dominum sic potuisse mori.

DEfervescit plerumque inter supplicia crudelitas, & ubi se ultione ira explevit, solet sequi commiseratio. Hic nescio quomodo nullo Christi cruciatu mollitur hostium ejus durities. Insultant inter extrema versanti, & summas, quas innoxio intulerant, injurias illusionibus exasperant. *Alios servavit, inquit, nunc seipsum servet, si potest. De Dei erga se favore adeò magnificè hic semper sensit & locutus est, age nunc ejus ostendendi locus est, eripiat, quem tantoperè is dilexerit, quem pro filio habuerit. Quam bellus iste Rex Israelis est, qui in cruce pendet, nec inde se eximere potest! Descendat age, si valet, tum fidem dilectorum suorum apud nos reperiet.* Ejusmodi sarcasmis milites, multi è populo & primoribus etiam sacerdotum, impetebant Christum, animum ejus altissimè sauciantes, postquam scilicet corpori plus tormentorum addi non poterat. At is num increpat insultantes? Num, quod impunè jam & jure maximo poterat, exprobrat illis vel injustitiam vel inhumanitatem? Minimè, imò silentio omnes contumelias tramittit, ac si non intellexisset. Quod amplius

plius est, deprecatur pro illis Patrem suum, ut remittere ipsis hanc culpam velit, quia etsi facere aliter debuerint, hac tamen faciant ignorantes. Ideò se scilicet ab illis ita indigne exceptum, quia inconsultas devios sacerdotes Zelus, & inde odium, reliquos furibundorum sacerdotum reverentia & sua vitia ita occæcaverint, ut & miraculorum & doctrinæ omnis vis, aut non sentientes, aut perperam interpretantes, sine ullo certè bono effectu, transierit. Hincq; adeò, quem pro vero magistro non agnoverint, ut falsitatum autorem persecutos, haud sine latà quidem culpâ, sed quæ spem veniæ tamen apud propitium judicem non prorsus excefferit. Hac deprecantis vox prima omnium fuit, quam in cruce CHRISTUS emisit. Inde scilicet orditur, quod homini omnium difficillimum est, ut hosti nimirum suo ignoscat; nec ignoscat tantum, sed illi aternum benè esse velit. Altius certè humana mansuetudo procedere non potest, quàm ut malum bono penset, & beneficium injuriæ reponat. Alteram vocem proximorum Amor elicit. Videbat stantem sub cruce Matrem, videbat mœrore & lachrymis exhaustam, videbat caritate filii, & casum ejus atrocitate ad extrema impulsam: ita ut nec summis illius cruciatibus, nec suo vel discrimine vel probro à Cruce se abigi pateretur. Non pudebat illam, peperisse, quem ingrati mortales suspendio dignum deputassent: non refugiebat sangvinem suum è filii vulneribus meantem aspicere; non verebatur publicè & in conspectu hostium pessimè factum testari, quod
magni

magni, sed iniquitatis caligine cæci sacerdotes, quod efferatus populus, quod Romani milites iustissimè factum clamarent. Admirabilem hanc & pietatem, & animi magnitudinem in sanctâ Matre suâ conspicatus Dominus, curâ, quâ potest in extremis constitutus, eandem profèquitur. Monstrat illi Discipulum, quem ipse tenerrimè amabat, quemque, mutuâ in Dominum caritate, Matri ejus omnia filialis obsequii officia præstiturum sciebat. Huic igitur uni commendat Mulierem, Matris habendam locò. *Tertia vox* Paradisi spem socio suppliciorum Latroni facit. Ille homo, propter flagitia sua in Crucem actus, ob quæ corpore patiebatur, ea animo jam non mediocriter dolebat. Nam & jure se pati supplicium fatebatur, & Sodalem suum inter maximos cruciatus, inter ipsa ostia lethi ferocem, Christoque juxtâ cum cæteris illudentem castigat, Dominique tacentis causam agit, nihil improbi eum passus patrasse. Mox & fidem suam exserit, quam de CHRISTO in Cruce pendente, & jamjam morituro habebat: *non tali nempè fine, quo hostes ejus putarent, terminandam vel vitam vel gloriam ejus. Fore eum morti suæ superstitem, & potiturum denique regno, quod sibi aliisque semper promiserit: ac tandem gloriosè triumphaturum, qui nunc hostibus suis videatur succumbere.* Simul rerum magnarum, quas animo ejus divinitus missa fidei lux præfigurabat, desiderio tactus, petit à Domi-

no, ut memor miseri latronis sit, ubi Regnum suum adierit. Admirandæ hominis fidei inexpectatum datur solatium. Ille à CHRISTO Regnum aliquando suum possessuro rationem sui haberi petit; CHRISTUS eo jam mox die secum in paradiso futurum asseveranter affirmat. Non longè projicit spes ejus: propinqua fidei præmia illi pollicetur. O quod novum fidus hîc latroni inter exquisitissima tormenta præter opinionem omnium affulget! quæ felicitas miserrimo mortali subitò illucescit? Quis credidisset, ejusmodi Cruciarium, DEO, ut videbatur, hominibusque invisum, de Cruce in Paradisum, de summo probro in æternam gloriam, de vehementissimis cruciatibus in gaudia iturum nunquam terminanda? Sed quis credidisset quoque, talem hominem, illi viro, quem antea neglexerat, nunc simul secum de Cruce pendenti, ab aliis omnibus irriso, tot vulneribus faucio, jam animam mox expiraturo, tantâ fide adhæsurum? Magna DEI gratia, inusitatam & divino lumine clarè splendentem latronis virtutem eò remunerata est præmio, quod iis sæpe non contingit, qui vitam latrone longè meliorem egère. Extrema pietas obliteravit omnem anteaactæ vitæ turpitudinem: magno clementiæ erga peccatores divinæ indicio, magno & cæteris mortalibus bonæ spei autoramento, ut cui finis boni latronis istius contigerit, ei & præmium ejus non negatum iri credant. Sed pessimè falluntur, quos

quos exemplum hominis istius de clementiâ DEI stultè securos reddit. Facile est vitâ latroni huic, non item morte similem esse. Nempè illam placita & arridens hominibus improbitas, hanc ingens nec cuivis data aut dari solita fides nobilitat. Hæc sanè tanta est, ut optimi & omni vitâ innocentes viri sub extremum vitæ vix optare sibi possint meliorem: sperare equidem mali vix debent, & rari possunt, quia paucis contingit. Illi igitur, qui in improbitate suâ pertinaces, fiduciâ tali poenitentiam differunt, rarâ & extraordinariâ pariter Dei gratiâ egent, aut sua culpâ extremè sibi noxium experientur latronem, & fiet scilicet, quod quidam veterum dixit, ut à mortuo Latrone animas occidi sentiant, cum vivus corpora tantùm occiderit. *Quarta vox* dolorum acerbitate, tum sine dubio opprobriorum & insultationum gravitate expressa est Christo. *DEUS meus, DEUS meus*, clamat Salvator, *quare me dereliquisti!* Verbis Davidis DEUM alloquitur: ita humiliter, ita demissè, ut hostes Christi in calumniam hodieque verba rapiant. Sed quid mirum, dixisse id Christum, quod verissimum erat. Sanè dereliquerat eum DEUS, sed ad tempus, quia ita res requirebat. Etiam divinitas, quæ in CHRISTO antehac tot se miraculis exseruerat, tùm delitescibat. Quæ si se exserere voluisset, poterat sanè & Herodem & Pilatum & Sacerdotes populumque ipsum insigniter percellere, ne durarent in necem ejus. Etiam illusoribus istis,

pendenti jam adeò crudeliter insultantibus, miro aliquo opere os occludere valuisset. Et hoc in primis, cum, ut fieret, gloriæ divinæ interesse videretur, non fieri, haud immeritò homo CHRISTUS mirabatur: atque ideò præcipuè in vocem adeò lamentabilem erumpit. Quæ sanè fastigium quodammodo passionibus ejus impositum testatur: neque enim ulteriùs procedere humana miseria potest; quàm si à DEO quodammodo deseratur: & reapse se sentiat desertam. Vide homo, quid tui causâ experiri unigenam filium suum voluerit DEUS. Deserit ipsum, ut te suscipiat; ad imum miseriæ gradum detrudi eum patitur, ut te ad felicitatem evehat: omni divino humanoque auxilio exuit, ut tibi opituletur. *Quintam vocem* sitis CHRISTO excutit: ita rem omnem hîc dirigente DEO, ut quæ oracula de CHRISTI passionibus prædixerant, nunc implerentur. Jam autem olim vaticinatus erat David, fore, ut sitiienti acetum præberetur. Quod & præbitum est, reficiendis scilicet viribus, quæ tantis torminibus, tantoque sanguinis fluxu elanguerant. Crudele & hoc beneficium est, cum talis liquor CHRISTO porrigitur, quò vitalis spiritus erigebatur in longius tormentum, & ut diutiùs mori se crucifixus sentiret. Sed aliter res cecidit, quàm creditum erat. Non enim diu post gustatum acetum Dominus superfuit. Imo simul ac sumpserat hunc liquorem, finem suum adesse, voce iterum,

rum,

rum, quæ Sexta est, testatur. *Consummatum est*, inquit. Quasi diceret : Jam peractum est negotium. Jam decursum hoc curriculum. Quicquid Divina in me providentia decrevit, quicquid datum prænuñciarunt oracula, quicquid improbitati in me licuit, quicquid denique humana salus à me requisivit, id omne aut impletum, aut in eo jam est, ut impleatur. Nihil enim jam restat, quàm ut abeam de statione, in qua pater me posuit, quàm ut vitæ miserrimæ beatam coronidem imponam. Nec multò post collecto in extremam intentamq; vocem anhelitu, Spiritum meum, clamat, commendo pater in manus tuas. Sanctissimæ animæ thesaurum deponit in tutelam patris, qui eam dederat. Illi DEO, cui invisum esse Christum insaniens populus, & improborum sacerdotum chorus cum pessimo Pontifice suo judicaverat, committit en spiritum suum CHRISTUS : certus nempè de gratiâ ejus, tametsi alii contrà censerent, tametsi etiam ipse DEUS quodammodo pro derelicto habuisse illum videretur. Et cum hæc voce emisit Dominus vitæ spiritum : inusitatâ felicitate, quod sub extremum hoc vitæ punctiflitium, tum vocis spiracula tam pia, & luculentam adeò erga DEUM fiduciam spiranti, adeò denique altè elatæ, quò à pluribus audiri posset, exclamationi suffecêre ; tum inprimis, quod eo momento, quo tradere se diceret animam, reipsâ tradidit : planè quasi in manu scilicet suâ habens depositum, quod in divinam Patris manum transferebat. Et nempè tam bellè Filio cum Patre convene-

44 *Meditationes super Hist. Pass. Christ. S.*

venerat, ut clamanti illi hic protenus gratificaretur, nec minus paratus iste esset suscipere spiritum, quàm ille emittere. Caterum non exiit grandis illa anima, quin simul universa rerum natura concuteretur. Ruptum est templi velum, cum templum suum magnus ille CHRISTI spiritus deserit. Contremuit terra, cum fundator terræ exspiraret. Petræ disiliunt, quasi duritiem saxeâ majorem humanis exprobrantes pectoribus, quæ nec viventis Domini vocibus patuissent; & tot gravissimas acerbitates aut innocenti intulissent, aut jussissent inferri, aut denique eas ferenti non ingemuissent. Sepulchra mortuorum aperiuntur, ut appareret, mori mortis Dominum, & victam mortem, etiam tum, cum vicisse illa crederetur. Jam & Centurio & milites, qui supplicium CHRISTI administraverant, inhorrescunt, & eum non innocentem tantum, sed & hominè grandiore, filiumque adeò DEI esse fatentur. Ita facit miracula etiam

morians CHRISTUS : Et exspirantem venerantur, qui viventem contempserant.



In Sepulchrum CHRISTI.

Dives Arimathiâ, Iosephe, accedis ab
 Urbe,
 Condīs & in propria nobile corpus
 humo.
 Tulætare, tuo Dominum cubuisse sepul-
 chro,
 Sed magis, hunc tumulo se revocasse
 tuo.
 Is surrexit enim, modicam, Iosephe, quie-
 tem
 Pendere perpetuâ qui tibi sede po-
 test.

CHRISTUM ungere frustra
 parant mulieres.

Fidus amor matrum transcendit fata, sacrumq;
 Ungere Panchao corpus honore cupit.
 Dñs at humanum prævenit Spiritus unguen,
 Hospitiumq; prius Maximus hospes adit.

Vestra

*Vestra tamen, Matres, quanquam labor irri-
ritus iste*

Vester erat, Pietas jure perennis erit.

*Nec pereunt Vobis hæc balsama. Plurima fama
Hinc fragrat, & laudis non abolendus odor.*

*Porro sed in cælo Servator balsama pensat,
Necesse dum vero vos vetat ille mori.*



Da
Sim
adu
bi p
cet
stut
les,
pe
An
nes

fuc
ro
Au
occ

Liceat mihi ex pientissimo Theologo adjicere pulcherrimam de Christo vulnerato considerationem.

CHRISTUS VULNERATUS, PELLICANUS AMORIS.

1. Assumit Christus per os Prophetæ David nomē & similitudinem *Pellicani*. *Similis factus sum Pellicano solitudinis*. Quemadmodum hæc volucris proprio rostro sibi pectus adaperit, ut suo sanguine vivificet & resuscitet pullos mortuos: Ita Christus servavit quinque in corpore suo canales, ut sanguine inde profluente nos, qui peccato mortui eramus, vitæ redderet. Amantissime Pellicane, feri nos, ut nos sanes, mortem excipe, ut nos vitâ dones.

2. Pellicanus pullos suos non solūm suo sanguine in vitam revocat, sed etiam rostro suo exanimat. Idem secundum S. Augustinum nobiscum Christus facit. *Ego occidam & ego vivificabo*. Occidit pecca-

D

to, vi.

to, vivificat ad gratiam. *Occidit Paulum persecutorem, & excitavit prædicatorem.* Hæc est vera vulnerum Christi operatio, *occidere & vivificare.* Occidit ea, quæ ad sensus, & peccata inclinant, vivificat spiritum & gratiam afferentia.

3. Est secundum eundem *Pellicanus solitudinis Christus, quia in solitudine natus, quia solus sic natus, scilicet de Virgine. In solitudine passus, quia solus sic natus, scilicet de Virgine.* Pendet hæc solitudo ab aliâ solitudine, quæ amoris.

Seposito enim omni proprio emolumento nostram spectavit salutem. Si itaque Christus est tibi verus *solitudinis pellicanus*, imitare ejus studium, & te illi ostende pellicanum tuo sanguine delendo quicquid illum offendit, & promovendo ejus gloriam sis quoque verus erga proximum pellicanus, eximendo eum à statu peccati, & vivificando in statu gratiæ.

ALIA

ALIA CONSIDERATIO
EJUSDEM THEOLOGI

VULNERA CHRISTI

PECCATORUM
SPONGIA.

I. Sententia nostræ mortis firmata divino decreto, & pæna æterna non aliter deleri potuit, quàm vulneribus Christi. Clavi illi, qui ejus carnem transfixerunt, discerpserunt Chirographum damnationis, & ille sanguis, qui ab istis vulneribus promanavit, extinxit Characteres mortis. *Delevit quod adversus nos erat, Chirographum Decreti affigens illud Cruci, & in carne per clavos convellens.*

Hoc innuebat Propheta, cum dicebat, *vulneratus est propter iniquitates nostras*, ut scilicet discerperetur *codicillus*, in quo iniquitates & peccata nostra descripta erant.


3. Neque sola peccata nostra, sed etiam *homo vetus*, qui est noster fomes, & nostra concupiscentia cum Christo in cru-

cem


cem venerunt. *Vetus homo noster simul crucifixus est, sc. cum Christo, destruendo peccatum, & fræuando ac dirigendo concupiscentiam nostram.*

S. AMBROSII
DICTUM NOTABILE

O*Mnia habuimus cum Christo, & Christus est nobis omnia. Si febris æstuas, fons est, si gravaris iniquitate, justitia est: Si indiges auxilio, virtus est, si mortem times, vita est; si tenebras fugis, Lux est; si cibum quæris, alimentum est.*



da pul
is est
, a. illi
que me
cit. tisi
munda
erem. m
ad n
respicit
nos co
tis obi
mundi
de



Biblioteka Jagiellońska



stdr0013621

